

抗戰紀實

第一冊

趙會儔等編

一

東戰場（淞滬會戰吳福錫澄廣
蕪之戰及蘇皖浙邊區游擊戰）

二

蘭封會戰

三

南潯會戰

商務印書館發行

大同大學圖書館
LA UNIVERSITATO UTOPIA
LIBRARY

Class No. 948

趙12

Accession No. 26340

Volumes in all 4

Remarks:

抗戰紀實

第一冊

趙曾偉等編

上海圖書館藏書



A541 212 0019 6039B

商務印書館發行

1596356



薛伯陵上将玉照

抗戰紀實序

倭寇瀋陽後六年，復犯上海。抗戰軍興，竭全國之力，八年然後克之。大小戰不可勝計，而上海萬家嶺長沙之戰最著。

薛伯陵上將既無役不與，其守長沙也，三戰三却敵，名聞天下。余時掌教湖南，親見將軍勞苦。讀斯編，知所紀其他諸役皆實錄。他日作史，必於是焉取材。讀史者當有以見勝利之非幸致。則斯編之作，豈徒然哉。寶山朱經農序。

抗戰紀實 總目

第一冊

第一卷 東戰場（淞滬會戰吳福錫澄廣蕪之戰及蘇皖浙邊區游擊戰）

第二卷 蘭封會戰

第三卷 南潯會戰（第二期）

第二冊

第一卷 第九戰區二十八年春夏兩季掃蕩戰

第二卷 第一次長沙會戰

第三卷 第九戰區二十八年冬季掃蕩戰

第三冊

第一卷 第九戰區策應第五戰區作戰二十九年夏季掃蕩戰



第二卷 第九戰區二十九年秋冬兩季掃蕩戰

第三卷 上高會戰

第四卷 第二次長沙會戰

第五卷 第三次長沙會戰

第四冊

第一卷 贛東會戰

第二卷 第九戰區策應第六戰區鄂西會戰鄂南湘北方面之戰

第三卷 援救常德作戰

第四卷 湘北湘南阻擊戰

第五卷 湘贛邊區阻擊戰

第六卷 贛江追擊戰

第七卷 第九戰區南潯區受降

抗戰紀實第一冊 目錄

第一卷 東戰場（淞滬會戰吳福錫澄廣燕之戰及蘇皖浙邊區游擊戰）

第一 緒論……………一

第二 會戰前敵我一般態勢……………四

甲 上海方面敵軍兵力調查

乙 第三戰區戰鬥序列

第三 會戰經過……………一〇

甲 淞滬會戰

子、劉家行南北地區之戰（插圖第一）

丑、蘊藻濱楊涇地區之戰（插圖第二）

寅、江橋鎮小南翔陳家行廣福鎮地區之戰（插圖第三）

乙 吳福及錫澄線之戰（插圖第四）

丙 皖南之轉進及廣蕪之戰（插圖第五第六）

丁 蘇皖浙邊區游擊戰之一（插圖第七）

戊 蘇皖浙邊區游擊戰之二（插圖第八）

己 蘇皖浙邊區游擊戰之三（插圖第九）

庚 蘇皖浙邊區游擊戰之四（插圖第十）

辛 蘇皖浙邊區游擊戰之五（插圖第十一）

第四 所得經驗教訓……………八八

附圖 第三戰區游擊隊分佈要圖

第二卷 蘭封會戰

第一 緒論……………九一

第二 第一戰區第一兵團軍隊區分……………九二

第三 會戰前敵情概要（參照表第一第二插圖第一）……………九四

第四 情況判斷及處置……………一〇〇

第五 會戰經過……………一〇三

甲 蘭封之戰（插圖第二）

乙 平漢線之新部署（插圖第三）

第六 所得經驗教訓……………一四二

第三卷 南潯會戰第一期

第一 會戰前敵我一般態勢……………一四五

甲 敵軍作戰方略

乙 我軍部署概況

第二 會戰經過……………一四七

甲 金官橋星子黃老門瑞昌一帶阻擊消耗戰（插圖第一）

乙 萬家嶺殲滅戰德安瑞武路永武路阻擊戰（插圖第二）

南潯會戰第二期

第一 會戰前敵我情勢大要……………一八一

甲 敵軍作戰企圖及兵力

乙 我軍戰鬪序列及修河南岸防禦部署

第二 會戰經過……………一九〇

甲 修河南岸阻擊戰（插圖第一）

乙 南昌高安一帶阻擊戰（插圖第二）

丙 武寧反攻戰（插圖第三）

丁 南昌高安反攻戰（插圖第四）

所得經驗教訓……………二一三

附敵情調查……………二一五

甲 敵第一〇一師團（齋藤部隊）概況

乙 敵一〇六師團（松浦部隊）概況

丙 南昌武寧轉移後敵情概要

抗戰紀實 第一冊

第一卷 東戰場（淞滬會戰吳福錫澄廣蕪之戰及蘇皖浙邊區游擊戰）

第一 緒論

中華民國二十六年七月七日，倭寇蘆溝橋戰事始作。八月十三日，倭兵集上海。以其地富庶甲吾國，又密邇首都，中外觀瞻所繫。思悉其力，期三閱月，脅我盟城下。我軍民氣盛而心一，不使寸土淪喪。最高統帥徇衆意，益發兵，集驍將，爲陣地爭奪。先是民國二十二年，共產黨據贛南山地自固，國軍築塹追剿。薛岳以軍長爲剿匪軍第一路軍前敵總指揮。於湘、黔、滇、蜀、秦、隴、康、瀘間，轉戰四年，縱橫決盪，所歷二萬餘里。一時談勇略，堅苦耐遠役者，無不稱薛上將，事平，以滇黔綏靖副主任，兼貴州省政府主

席鎮貴陽。平居以精忠自勵，稱述岳忠武不要錢，不怕死二語，及戚繼光平倭方略，與部屬講習。時倭猾東北擾河朔，知戰之必不可已，以討寇自任也。至是益感奮，數馳電統帥，願效命疆場。將軍家不居黔，戰將作，寓書戚屬，攜弱子來面訣。至是被召，不及待，遇於途，略提抱，揮手馳去。九月十七日離黔，二十日至武漢，二十二日抵京，謁最高統帥軍事委員會委員長。蔣公中正，受第十九集團軍總司令之命。二十四日赴崑山，謁左翼軍總司令陳誠，二十五日力疾至徐公橋鎮指揮軍事。左翼軍劉行羅店線之戰始此。

薛上將以勇銳挫敵，威振倭虜，顧性不喜表襮，其所聞軼事類不易知。然上有統帥，進退大端，不煩致意。祇守軍令勵將士，與敵作殊死戰。嘗電雲南龍志舟將軍云：「廣福之戰，未失寸土。」故紀上將，卽紀東戰場當日情狀。

自二十六年九月下旬，劉行羅店之戰，迄安亭轉旆，陣地戰我所不利，而三軍之士，以血肉鬥機械，強敵初意，以數週屈我主力，乃持至三月，寰海震駭，國魂猶在，不可輒侮。東亞國力戰，近百年來，此爲最劇。弱禦強，小加大，戰法之新穎，將士之忠勇，多屬

創見，有足紀者。

吳福、錫澄、廣、蕪諸役，我以物質遜敵，空不能保，海不能保，強固之堡壘亦不能保，然人念國族，精神健王；且國防設施，備之數年，一日摧夷，其故安在？懲前毖後，殷鑒可珍，而屯集大軍，不易進退，夫兵猶火，不戢自焚，其部勒雍容，控縱合節，有足紀者。

錫澄戰後，敵每欲與我作主力戰，期迅結戰局。我則於蘇皖浙邊區，展開廣大游擊戰，避實衝虛，尋瑕蹈隙，延展戰局，使敵泥足深陷，以近覆亡，其運用之妙，正奇相生，有足紀者。

昔王定安以王湘綺湘軍志爲藍本，成湘軍志，述三十餘年戰事，歷時三載。定安爲曾侯上客，於方略奏章，聞見廣飭；今茲秉筆，愧其詳瞻，東湖如是，况湘綺乎！謹挈大要，以序篇首。南海李兆垣。

第二 會戰前敵我一般態勢

甲 上海方面敵軍兵力調查如左表

軍 別				部		隊	
根石井松長令司 軍遣派海上				番 號	長官姓名		
第十一師團	第九師團	第三師團	近衛師團	山室宗武	飯田圓固	近一聯隊長關原六 近二聯隊長十屋兵馬 近三聯隊長飯田祥二郎 近四聯隊長赤柴	現在位置及動態
第十四聯隊和和鷹三	第十二聯隊石井寬吉	第七聯隊	第六聯隊長倉永辰沼	第四十三聯隊安藤泰吉	第六聯隊長吉澤忠勇	八月二十五日一部在引翔港登陸轉戰吳淞張華	八月二十五日一部在引翔港登陸轉戰吳淞張華
第三十六聯隊	第三十九聯隊	第一八聯隊長谷實	第一八聯隊長谷實	第三十四聯隊長加藤守雄	第一八聯隊長谷實	九月五日在引翔港及虬江碼頭登陸現在軍工路	九月五日在引翔港及虬江碼頭登陸現在軍工路
第九師團	第九師團	第三師團	近衛師團	山室宗武	飯田圓固	近一聯隊長關原六 近二聯隊長十屋兵馬 近三聯隊長飯田祥二郎 近四聯隊長赤柴	現在位置及動態
第十一師團	第九師團	第三師團	近衛師團	山室宗武	飯田圓固	近一聯隊長關原六 近二聯隊長十屋兵馬 近三聯隊長飯田祥二郎 近四聯隊長赤柴	現在位置及動態

參 謀 長 原 田 雄

野戰重砲		海軍陸戰隊	和田旅團 (10D)	天谷旅團 (12D)	鷹森旅團 (8D)	重藤旅團 (6D)	安藤旅團 (1D)	竹內旅團 (1D)
重砲聯隊	重砲聯隊							
杉山	赤水周陸	大川內傳七	和田由恭	天谷直四郎	鷹森孝	重藤千秋	安藤麟三	竹內寬
		佐藤水兵團 柴北水兵團 安田水兵團	田上八郎步兵聯隊 川並密步兵聯隊	第四六聯隊藤堂高英 第四八聯隊小島三郎	第五聯隊黑田彥 第三一聯隊西園貫沼	村上步兵聯隊 石井榮步兵聯隊		
		在滬江大學八字橋一帶 大川內有更換之說	九月二十三日在淞羅公路一帶	八月二十一日在小川沙澗河陸現在瀏河	八月二十五日在吳淞登陸九月一日以來在月浦現在楊行一帶	現在上海市區及軍工路一帶	八月三十日在蘆藻浜登陸現在楊行	九月二十三日抵滬現在施高塔路一帶

考	備
<p>一、本表所稱師團皆為現役建制部隊其稱旅團或兵團者為敵臨時編成部隊或以現役或以預備員兵或兩者混合編成其詳細待查</p> <p>二、敵在上海方面所增派之援軍多為上述第二項之混合部隊最近且有第四次增援軍一師團及一旅團之訊除已發現竹內旅團之番號外餘尙待查</p> <p>三、本表僅列已經發現部隊長之各團隊其餘未明者未列入</p>	

乙 第三戰區戰鬥序列

右翼軍（略）

左翼軍總司令 陳 誠

第十九集團軍總司令 薛 岳

副總司令 吳奇偉

第四軍軍長 吳奇偉

第五九師

第九十師

第六六軍 葉 肇

第一五九師

第一六〇師

教導旅

第六九軍軍長 阮肇昌

第五七師

第七三軍軍長 王東原

第十五師

第八師

第十六師

第七七師

第二五軍軍長 萬耀煌

第十三師

第七五軍軍長 周 晷

第六師

獨立第三十七旅

第三十二師

第十五集團軍總司令 陳誠

副總司令 羅卓英

第十八軍軍長 羅卓英

第十一師

第六七師

第五四軍軍長 霍揆章

第十四師

第六十師

第九八師

第三十九軍軍長 劉和鼎

第五六師

第五一師

第五八師

江蘇保安第四團

砲兵第十六團

重砲兵第十團第一營（欠一連）

第三 會戰經過

甲 淞滬會戰

子 劉家行南北地區之戰（插圖第一）

薛上將至徐公橋鎮指揮時，敵以軍艦重砲，護陸軍登黃浦江岸，我軍分三路迎敵，左翼軍當敵第九師團，方從寶山城西向沿公路掩至羅店，第三師團由寶山城沿公路以逼劉家行，圖奪取寶羅寶劉兩公路。薛上將之十九集團軍以確保滬太公路阻敵西犯之目的，防禦部署如左：

一、第八師以一部固守江家宅、須宅、竇家弄（含）一帶陣地，以主力構築唐橋站至陳家行沿蘊藻浜南岸預備陣地。

第十六師固守孟灣顧家鎮下家橋綫陣地，并構築唐橋站至顧家鎮公路東側小河西岸之預備陣地，置主力於顧家鎮附近。

第五十七師固守下家橋（不含）至滬太公路灣曲部至酸浦河西岸之陣

地。

以上三師，均歸第六九軍軍長阮肇昌指揮。

二、第十五師固守酸浦河劉家行太平橋綫陣地，置主力於劉家行附近。

第七十七師固守太平橋（不含）沿河經萬橋李宅樊家橋西錢宅長浜站綫陣地，置主力於長浜站附近。

第一六〇師及教導旅，控置於廣福鎮中心閣附近。

第一五九師，集結於方泰鎮附近整理。

以上各部，均歸第六六軍軍長葉肇指揮。

三、第四軍固守嚴宅謝村陶家宅殷家宅（不含）綫陣地。

四、第十三師構築陳家行廣福鎮孫家宅一帶預備陣地。

五、第三十二師構築黃渡鎮巨方泰鎮一帶預備陣地。

六、第六師及獨立三十七旅，集結南翔附近整補。

九月二十七日敵始分三路向我吳、葉、阮三部進犯。反復衝擊，以吳部爲烈。我團

長官惠民，率兵一連，白刃逆襲，敵驚愕稍却。翌日午，復以步兵隨戰車沿滬大公路躍進。飛機重砲，上下爲助，我官兵傷亡殊重。我團長吳堅、徐孝安，裹創指揮，堅不後撤，奇偉以敵戰車脅我側背。卽改以主力軍置滬大公路西，固守嚴宅迄陶家宅線。敵不得逞。

二十八日午，敵又以鋼甲戰車十，薄我葉部劉行北端陣地，觸地雷，燬其三。餘馳突陷陣，步槍不能制，而平射砲，爲敵擊損，我軍則浴血，以手榴彈，匍匐狙擊。敵步兵不得繼進，暮退唐家濱。

二十九日晨。我阮部竄家弄陣地，亦遭敵猛襲，我俟其近，突起迎撲，斃其中隊長市原三郎，少佐鈴木。遺尸千具，乃又退去。


自歐戰後，各國大治軍器，所製日精巧，有卒伍未遇。而摧敵數里外者。吾國工業尙窳，且多難，國防未周，故抗戰之初，敵易視，卽環海諸國，亦不意其能持久也。而步驟整暇，士卒血肉相搏不少顧。斯亦民族之念深，將帥統馭之法善矣。

當敵之以戰車突入劉行陣地也。知不可以人力勝。遂架平台，集兵其上，遙爲轟

劉家行南北地區戰區經過要圖

日一月十至日六十二月九年六十二

插圖第一



射，我則利其蠱立，以迫擊砲輕機關槍還擊，無不應彈紛落，繼復乘亂集射，敵死枕藉。多走匿戰車後，而亦不退。

薛上將自至戰地，亘日夜，手電話機，口授號令。倦卽命從官設帆布床假寐。遇苦戰，或就陣地擘畫。尋復由安亭遍巡各部。雖硝烟起前，彈雨紛集，從者或色駭，不顧也。其後攻愈急，守愈堅，三十日敵在葉部陣地殷家角，架便橋強渡。入夜我卒被突破，十月一日敵繼大舉向太平橋，劉家行政進。縱煙幕，以飛機導重砲，以戰車護步兵，聲震天地，原野盡赤，陸橋陷。我援軍馳至，槍砲俱不及發，露刃搏刺，輾轉惡鬥，陣地得略復，而劉行繼陷，太平橋守軍以混戰失聯繫，敵得乘虛搗我左翼，喧殺達日，太平橋陣地，得失數度。敵機復游弋空際，擲巨彈，他援軍不得近，因退保中心閣滬大公路以西守地陷。

丑 蘊藻濱楊涇地區之戰（插圖第二）

敵陷劉羅公路後，急欲攻掠上海，其上海派遣軍司令長松井石根，以第九師團精銳，由西南兩路繼進，圖以重兵東南犯我唐橋站，陳家行，而以別部急擊廣福爲犄

角。嘉定寶山二縣，水道縱橫，黃浦支流，西向過寶山縣，與嘉定縱流楊涇合。河幅有僅五公尺者。顧亦憑以作險。中央軍朱紹良部，夾蘊藻濱南北岸。左翼軍獨於二流匯合處，分任扼守。而二軍又各於大塘，走馬塘，馬陸鎮，石崗門，屯重兵呼應。敵軍八萬，重砲，戰車，裝甲車，汽車，高射砲，飛機靡不備。時我第三戰區司令長官蔣中正，副司令長官顧祝同，建旆吳縣，左翼軍總司令陳誠駐崑山，中央軍總司令部置真茹南端四號橋，張發奎領右翼軍駐南橋，薛上將則在安亭。於南翔西南童家橋立電話預備總機，敷線，通各部，策劃進退。亦令砲兵指揮官劉翰東，設三砲兵羣，主力在右翼，於南橋東九王廟，洛陽橋，墻門頭，以蘊藻濱側唐橋站爲鵠的。左翼及十五集團軍直協砲兵羣，則分置南翔鎮，謝家橋，真聖塘橋，馬陸鎮，石橋，龔家花園，以葛家頭沿楊涇至廣福爲鵠的，與步兵調協轟射。

十月一日左翼軍轉移陣線令下，十九集團軍即改部署，圖由陳家行，廣福間，與右翼兵團夾擊敵於唐橋站，顧家鎮，劉家行西，蘊藻濱北，楊涇迤東而殲滅之。以六十九軍長阮肇昌，領第八師陶峙岳部扼唐橋站（不含）以西蘊藻濱南岸至陳家行

之綫。第十六師彭松齡部，扼唐橋站西南，西唐橋附近。阮自領第五十七師扼談家頭，唐家橋，孟家宅一帶。第二十五軍長萬耀煌，自領第十三師，經廣福至孫家宅，夾楊涇而陣。第十五師位置於張浦橋沈家橋附近。第六十六軍集結大橋頭附近。第四軍於徐家宅顧家宅集結。第七七師移支塘鎮整補。十月二日，阮軍由顧家鎮南撤，且戰且卻，以第九十二團殿。晚十時即據守新陣，雖遭敵壓，亦能節節掩護，亡失尙尠。

敵第九師團，第三十五聯隊，與我蘊藻濱阮部第八師相持於東西六房。至十月七日，敵突至黑大黃宅前岸。全綫堡壘悉炸壞，突破陸家橋，石駁岸，姚家弄迤東諸地。彼時我稅警第五團，已加入作戰，陷重圍，幾全覆。第十六師頓悟寺守地至鄰接，均感危殆。及第七十八師，第一師，稅警第二團，相繼加入，勢稍緩，然猶冒死搏鬥，增援五次，人數近千，至八日暮，免者僅三十餘人，而砲火熾盛，糧械不獲補給，將士饑亘兩日，時楊家宅迄王家池，守兵不及一營，九日敵更東西北三面猛犯，犯輒肉搏，我負傷官兵，猶攀槍強射，及官長死略盡，卒伍失統御，陣線遂陷，第十六師頓悟寺，橋亭宅，亦相繼失。後第三十二師馳至始克復。九日接第十六師防務。

向廣福之敵爲第九師團，第三十三、三十六聯隊，與我第十三師遇。三日敵傷亡三百餘，且燬其海上輕轟炸機一。我第七十七團，檄兩連增援。一連僅餘士兵九人，其一亦傷亡過半。四日敵復由中心閣大隊馳至，以飛機二十餘，輪炸吳宅陣地，午後三時，猛以重砲掩護渡楊涇，我急調第七十八團第三營赴援，砲兵續向敵集射，敵前鋒已抵吳家宅，苦戰不逞，多退。我復選士一排，泅入敵陣，不利，悉殉國。五日又大舉自南梅宅西端強渡，與我混戰於吳宅黃家街間。時電話桿線，多灼於砲火。聯絡頓失，我軍官抵死率殘部各自作戰，敵遺屍二百餘，傷亡約在七百，力蹶退去。其第三十六聯隊精銳盡喪。八日左翼軍奉命略變部署，於蘊藻濱南岸畫三作戰區，小南翔，陳家行至劉家行相連之線線，上屬右地區。方泰鎮，石崗門，張家，朱北宅至太平橋相連之線線，上屬左地區。左右之間，則爲中央地區。薛上將爲中央地區總指揮，葉肇副之，胡宗南爲右地區總指揮，黃杰副之。羅卓英爲左地區總指揮，劉和鼎副之。總預備隊指揮吳奇偉，王東原副之。

十一日最高統帥，復申令：「我軍備未充，若分力兼及全線陣地，敵得覷弱集擊。

宜小部分扼據點，更陰以主力控制，隨所向迎擊，又守兵忌各擊壁，宜首尾呼應，有挫敗，互爲聲援。前陣高級指揮官務統一調度，事始有濟。一

十四日敵欲急取大場，脅我中央軍側背。海空軍更紛向我長江、杭州灣、轟擾，因令右翼軍鞏固沿江海守備，由浦東黃浦江岸對江口敵巢及戰艦集射。中央軍增強彭浦、大場及江灣、大場、老人橋、新涇橋、陳家行一帶預備陣地。主力由唐橋以西，向蘊藻濱南岸敵撲進，且任滬南警戒，築黃浦江西岸陣地。左翼軍守備江岸，增強南翔、馬陸鎮、登橋鎮，沿新涇河、瀏河鎮預備陣地。更協同中央軍轉攻劉行羅店。第十一集團軍上官雲相部任江岸守備。築吳福壁壘，力備太湖一帶防衛。江防部隊劉興，加密江陰附近封鎖，悉意整飭江陰要塞。蓋於東南防寇部署，計至周也。

蘊藻濱楊涇間，日日鏖戰，八日我砲兵助第九師襲擊南北梅宅，一白衣人中砲仆，敵兵急扶掖去，我士卒喜躍相告，謂殲敵目，十一日敵兵百餘潛渡，我第十三師新三宅陣前小河，我伏不動，捨槍握手榴彈，近即擲，斃三十餘。餘即泅遁，乃復攀槍集射，又斃數十，殲其三十六聯隊中隊長林實。十三日第二十軍楊森部接守第三十二師

盛宅至頓悟寺陣地，敵覷我換防急擊，十四日卯刻，至十五日丑刻，澈日夜激戰，敵重創。我團長林相候死之，營長死者三，旅團營長傷者六，下級軍官，傷亡可三百人，勢岌岌，楊軍長親揮二旅馳援，復已失地，敵尋退去。十四日第九師，黃家街東南，朱北宅以南陣地，有敵橡皮船，奮划強渡，卒覆彈下，濟者百許，一小隊長，亦膏白刃，且俘其四十三聯隊中尉撈尾男。

滬戰已兩月，國際聯盟會將開會判會員國之爭。敵急欲以既成事實罔國際視聽。我則堅守，以破其誑據公理以戢其兇暴，於是攻守俱烈。乃國際雖有譴責，敵置不恤，英美輿論洶湧，倡議抵制，我則愈勵將士。左翼軍總司令亟舉四事示袍澤，謂「戰而勝，湔仇雪恥，敗則國族覆滅。統兵者雖自守區域，實繫全局。古稱國之大事，惟戎與祀，毋怠慢，卽鮮僨事，此其一。臨事張皇，敵易乘我，故制敵之訣，在接仗則悉力赴敵，暇時則先機預防，此其二。兩軍交綏，陣地宜縱橫聯繫，敵我屯駐，勝敗情狀，羽書迅捷，籌策易周，此其三。兩月來敵強以主力撲我，耗竭滋甚，歐美論者，謂在軍實言，敵已不能爲一等國。我傷亡雖衆，亟當護惜，然苟事勢應爾，則亦義無反顧。苞桑之危，已迫眉睫，

盡職則爲國家柱石，否則爲民族罪人。望各共勉。此其四。」我士氣特盛，十七日廣福第十三師排長楊全勝，領死士攜手榴彈，夜入敵陣，手擲三枚，中者十餘，及羣起圍鬥，又擲前後仆者，又十餘，排長雖受傷，敵由是畏我夜襲。蓋義憤所激，赴死者，所在多有，噫！烈矣。

自十月二日改守蘊藻濱楊涇線，敵我相扼，倏已半月，十盪十決，俱屹不動，十七日敵突破中央軍第十九師葛家牌樓陣地，渡河南竄，十九日左翼軍總司令奉統帥令，別組三路攻擊軍。第二十一集團以步兵六團編第一路。由談家頭，陳家行正面攻擊。第一鵠的則爲盛宅，楊橋亭宅，頓悟寺。次爲西塘橋，東趙宅角，西六房。第十九集團步兵四團，以六十六軍葉肇部編第二路，攻擊孟家宅，馬家宅正面。第一鵠的爲楊家宅，徐宅，唐橋頭，楊家宅北，次爲田都，孫家頭。以第四軍吳奇偉部在第二塘，馬陸鎮，石崗門間，接防六十六軍陣地，以固後防。並歸薛上將指揮。第十五集團以第五十四軍霍揆彰部第九十八師編第三路，攻廣福，費家宅正面，第一鵠的爲彭宅，張家宅，次爲老宅，張家宅。圖自廣福南北兩側，衝虛橫擊，阻敵南進。韋雲淞，葉肇兩軍長，夏楚中師

長，分率三路攻擊軍，先以重砲轟射，步兵繼挺進。激戰五日，爭奪甚烈，第一路攻擊軍旅長龐漢貞，第一七六師謝團長俱殉國，死傷枕藉。

當攻擊之始也，糧秣，彈藥，衛生諸事，我悉籌備周洽，以兵站第十九分監部於黃渡，南翔，第十五分監部於嘉定，每夜十九時分付各部糧彈，於洛陽橋，南翔，馬陸鎮，嘉定收容傷病。師及團設有裹傷所，稍重者，由兵站分監部分送野戰醫院，暨患者輸送大隊，繼復由兵站總監設收容所，納其來者，更有舟車改致兵站區各醫院。未愈，則養之於陸軍醫院。愈而體弱不任事，則置休養所。愈而殘廢者，則別設殘廢教養院，使無棄材。然彈雨紛錯，有不能及時收治者，田野展轉，聞見哀惻，嗟乎！天，何使封豕長蛇，蓆食上國，殺傷之酷，度越前代，春秋大復仇，宜食倭之肉，寢其皮也。

敵既以中央突破法，萃力渡蘊藻濱南岸。二十五日已迫至走馬塘河，二十六日竄至第十四師守地新涇橋，仙師廟，陸家窰，羊馬衝，及東西窰灣。更由陳家宅東強渡，二十七日我第十一師陳家宅守地又失，敵增兵千餘，猛撲我王家宅，洛陽橋，紫陽橋，亦一度陷落。又大舉犯裴家宅，朱家宅，胡家橋，既而我軍轉以朱家宅，劉家橋沿河爲

守。而楊涇線，薛上將力摧敵勢，陣勢完固。

我自始即欲與敵強搏，繼感物力懸殊，知取勝之道，終不在是，故自二十六日午後，即改戰略。敵國小，忌消耗難持久。我乘其弱，每戰俟其人物大量虧損，且至則不必固守而退。自蘊藻濱楊涇之役後，統帥審機發令，多本此方略。

寅 江橋鎮小南翔陳家行廣福鎮地區之戰（插圖第三）

敵自蘊藻濱南岸，悉力拓地。我則沿楊涇，縱斷蘊藻濱，跨京滬鐵路，據吳淞江爲縱橫聯繫，以籌戰守，中央軍朱紹良部，壁江以南。左翼軍則以六軍長率十一師，循楊涇至姚家寶間設陣地，意敵將乘勝沿京滬鐵路及其兩側，圖屈我左翼軍後，即南北合擊，以潰我上海主力，或以全力撲蘇州河南岸中央軍，以直奔上海。故姚家寶及廣福，實扼此線首尾，而京滬路兩側地，又此線之腰腹也。

薛上將令第七十三軍長王東原，率第十五師長汪之斌，第十六師長彭松齡，第十九師長李覺，萃三師力守姚家寶至竹園陣地，第六十六軍長葉肇率第一五九師長譚邃，第九十八師長夏楚中，第九師長李延年，扼老屋至朱北宅，以第六十九軍長

阮肇昌自領第五十七師從陳家行至老陸宅間，居中出擊。又令第七十五軍長周晷自領第六師，由竹園、塘門頭、小南翔、鍾家橋一帶迎敵。其第三十二師長王修身構築小南翔、謝家宅、司家橋、萬家宅、張家術、仇家宅、張涇、各地堡壘。第十六軍長李韞珩自領第五十三師，由楊家宅、陸家橋、孟家宅、戰頭橋、蘊藻濱南岸迎敵。其第十一師彭善，構築小南翔、艾濱頭、李家宅堡壘。第四軍長吳奇偉，率部構築張家塘、唐家橋、新俞宅、花家橋、梅園、小宅一帶堡壘。全線南北緊繫，築堡壘者，應戰者，各爲縱深配備，部署既定後，敵四路進犯。一、朱三房，新陸宅間。二、張仙廟，楊家宅間。三、呢家宅，竹園間。四、蔡家宅，姚家寶間。

十月三十一日金宅、竹園、濠樓、中歸塘間鏖戰甚烈，我金宅守兵連長黃頗崗、竹園守兵連長袁子方、鍾振東均陣亡。午前九時，敵大舉猛犯，以戰車廿餘輛薄陣，距中歸塘、濠樓正面，僅數十公尺。我以機關槍、迫擊砲，沉着應戰，燬其一。戰至未刻，敵又以戰車三輛，導步兵百餘，陷我金家陣地，我守兵盡覆。繼復由金家、郭家宅兩面猛攻竹園、濠樓、中歸塘。竹園陷，守兵連長李九如死之，濠樓守兵一連，亦傷亡大半。午後六時，

苦戰克復濠樓。竹園三面環水，強寇負隅，勢不可向。黃昏後復夜襲敵，前鋒至竹園村旁，格殺無算，敵退入村屋，倚土墻禦匪鎗孔集射，巷狹，我士卒乘勝擁進，倉卒不及蔽，死傷枕藉，一連僅餘二三十人，仍屢攻進，連長文希直闕。鈞殉焉，官兵傷亡更甚，兩連所餘二十人耳！

十一月一日第十五師長復與左翼周軍長壽會商，以所領第六師步兵一連夾擊，三攻竹園，午後二時卅分，戰至黎明，佔竹園村屋三。敵戰車廿餘輛馳援，我營長李奇勛，營附李鎮襄，連長鄧香階傷，姜定華蔣桂俄戰死，是時竹園村屋悉燬砲下，赴援營長盧柏生，連長龔必勝俱殉，尋更檄一連作五次攻取，至濠樓，會有急，卽馳入陣。黃昏後，又令第十九師鄔團以一營協攻竹園，一度克之，敵併力爭取，旋又失。鄔團陳營長景星，受三傷，官兵祇餘廿餘人。

當我之五攻竹園也，敵又沿鐵路於夜十一時襲濠樓，中歸塘，戰至午前九時，往復馳突數十次，我陣地全壞，各級指揮官傷亡殆盡，情勢迫切，我竹園援軍既中途入陣，又守軍周陳兩團長，奮勇衝殺，勢始稍緩，蓋敵之器械優，得我鐵路，卽可縱橫馳突，

其銳意攻我第七十三軍守地，以此。

第七十五軍亦率第六師往來協助反攻竹園，陣亡排長李應五，馬登福。

第十六軍第五十三師，與敵第十三師團，第二十六旅團，第五十八聯隊，第三大隊相持。第十一師擊敗仇家宅敵步兵第十二聯隊補充隊第九中隊，獲戰利品無算。敵時以汽球凌空瞰視，導重砲轟射，敵我均不少却。第六十九軍防敵渡蘊藻濱南岸。十月廿八日蕭家橋宅，清水顯，新陸宅，敵曾猛犯。十月卅一日至十一月一日，與我隔河轟射，漸至相距四十公尺，則以手榴彈互擲，但不敢稍越陣地。

第四軍十月廿八日與敵二千餘相搏。我五零四團團長官惠民，團附曾 負傷死，敵尸山積。下午四時又以催淚彈來襲，會風反向，我乘追擊，即潰退。是役殊惡戰，我王代團長大舫，團附鄧 俱死焉。第九十師自梅園，花園濱，何家頭，小宅，新陸宅挫敵後，雖屢思逞，然不敢輒犯。十一月十日，下午六時，陡於清水顯等處向我夜襲，卒亦擊退，其作戰部隊爲第十三師團全部。我第六十六軍第一五九師，與敵劇戰馬家宅橋頭堡，敵施坑道作業，至距我陣地數十公尺，構築散兵濠，我堡內步兵兩排，傷亡殆盡。

右翼橋頭堡被敵突破。堡內餘士兵三四，顧仍極力拒戰，我敵悉一再增援，我韓營長燭先陷陣，受三創，猶裹傷督戰，敵憊覆，殲五百餘，我傷亡亦百數。

戰十四日，（十月二十八至十一月十一日）我以攻爲守，屹不少動，敵遽繞道東南，自杭州灣金山衛登陸，撼我中央軍側背，十一月九日，蘇州河南岸，守軍有自浦安亭公路節節退守者。左翼軍於十一月十日奉命退保吳福國防線，時薛上將已積功位左翼軍總司令奉命部署諸集團軍轉進，策劃至詳（十一月十日左翼軍第〇〇一號作戰命令附後）且以第一五四師長巫劍雄率部扼吳淞江北岸之新開河（徐公橋西南約五公里）爲左翼軍殿。敵由東南進犯，我兵分散於京滬公路，及沿大江各村落，竟乘虛躡至。十一月十一日申刻第六七師特務連，及第一五四師之一部，尙在東西求江一帶，與敵隔河對峙。黃昏後，敵急激增援，而我部一五四師部署失當，電陳戰況，猶謂尙在隔河與敵對戰中。薛上將臨陣夙整暇，遇大敵，不少動聲色。是日指揮戰事，黃昏未午膳，胡軍團長宗南來謁，共籌戰略，薄暮槍聲愈近密，尙閱輿圖，從容論形勢。副官處長梁國材入告曰：『敵距我祇四五百公尺矣！已備汽船，請速』

上公路，』乃率同胡軍團長及幕僚，以特務連爲衛，自顧家宅步行出村，時敵已至徐公橋鎮，大路遮斷，乃改由小路，以參謀處科長饒少偉爲導，赴七一號橋，敵邏騎相距祇二百公尺，黑夜，稻田中奔逐聲響甚厲，十九時四十分始得車西馳，尋復轉向鐵路，從容出險地，步行至崑山前敵總司令部，人無不服其膽略。其屢立偉績，聲威震寰宇，非偶然也。

乙 吳福及錫澄綫之戰（插圖第四）

倭寇師明末擾浙故技，自金山衛登陸進犯，以飛機戰車，上下交壓，而青浦，而安亭，我淞滬守軍，以右翼受脅，急轉退。事變迅劇，且大軍屯集，不易部署。我軍於支浦橋，沿青陽港經支塘間，悉力掩護，始漸撤至吳福線上。

十一月十三日薛上將承 最高統帥命，部署吳福陣線。以四集團軍兵力，分任左右翼防守，自吳縣迄福山爲左翼，以第十五集團軍總司令羅卓英，第二十三集團軍總司令廖磊，率領所部，東向作三陣地，其東南山乍浦、平湖、嘉善，以至吳縣爲右翼。以第十九集團軍代總司令上官雲相，第九集團軍代總司令香翰屏，亦分三陣地率

部拒敵。

第十九集團軍以第七十一軍（第三師，第八十七師）第七十四軍（第五十八師，第一零七師）及太湖警備司令部，向吳江附近轉進爲陣於北坎鎮、同里鎮、朱家濱、車坊鎮、吳淞江南岸，以守湖沼之區，防敵船竄擾也。

第九集團軍以第二十三軍團之第一五四師，第一五九師，第一六零師，守吳淞江北岸，港田里、眞義鎮、北道涇、倪儂湖，爲第一陣地帶。第五十七師，守外跨塘、唯亭，爲第二陣地帶。第五十三師，守沙湖、塘浦村、斜塘鎮，爲第三陣地帶。第十四軍第八師，第十四師，守吳淞江南岸，角直鎮、南節渡。

第十五集團軍以第二十六軍拒止支常西進之敵。其第四十四師，第七十六師，第二二八旅，第三十二師，第九十八師，守巴城鎮、東塘墅、古里村，附近公路兩側，爲第一陣地帶。第一三三師，守相城鎮、昆城湖。第十一師，第六十七師，第十三師，守常熟城、莫城鎮，爲第二陣地帶。

第二十一集團軍，以第四十八軍，第三十九軍，第七十三軍，東向阻敵由側翼登

陸。其第五十六師，獨立第三十四旅，守梅李鎮，澹浦口，耿涇口，福山間之江防。第四十師，第七六師（欠二二八旅）蘇保四團，乃任白茆口徐久涇口一帶江防。第十五師，第一零五師，守蕭家橋，福山間，爲第二陣地帶。

各集團軍之作戰地境

右翼軍

陸家巷——平望鎮——陶莊鎮——姚家壩——章練塘鎮——天馬山鎮——一鳳凰山鎮相連之線線上屬右

第九集團軍
牟瀆鎮——蘇州飛機場——斜塘鎮——塘浦村——沿吳淞江北岸經葦葭浜鎮至安亭鎮相連之線線上屬左

第十五集團軍
望亭——蠡口鎮——西橋頭——五馬塘——馬尾港——大倉城之線線上屬左

第廿一集團軍
王莊——大義橋——王家閘（常熟北約二公里）——廟前鎮——沈家墅何家市相連之線線上屬左

砲兵隊，由砲兵指揮官劉翰東指揮，以一部支援鐵路正面，及湖沼地帶，主力則向常熟，福山公路正面，並控置預備隊於蘇州西方，澣墅附近。

方部署間，敵大軍沿長江白茆口，徐久涇口，野苗口，澣浦口登陸。我守軍第卅九軍四十師魏代團長，率預備隊第一營，向敵逆襲，肉搏數四，魏腹中二彈，傷重。第一營解營長接厲苦鬥，殲敵百餘，我亦傷亡大半。敵既登陸，即疾趨江堤以南，我預備第二營又迫使退至江堤之北。下午一時，登陸敵益衆，且北竄至老吳市，以空軍猛襲支塘，絕我應援，大倉敵又陸續西逼，十五日右翼嘉善，平望，相繼陷，情勢愈急。十八日委員長蔣公以電話傳諭：「蘇州，常熟，福山之線，應固守，非有命外不得擅退。」左翼軍更規定固守吳福部署。以第五十三師，第五十七師，固守外跨塘，第五十八師固守蘇州城，寶帶橋附近。並派一部至吳江警戒。戒嚴司令部控置蘇州城。以阮軍長肇昌，統率各部。常熟，福山則第十五集團軍一部抽調錫澄線，餘以主力在原陣地固守。第十一集團軍亦令堅保陣地。第十八師仍在木瀆附近，對太湖警戒，第五十一師仍守望亭。敵恃利器，每戰必以飛機瞰空，窺我虛實，稍移動，即導重砲，或投彈劇炸，故晝僅

堅守，攻擊則利昏夜。然自十六日以來，陰雨綿綴，敵機不能弋伺，而莫城以西，小道泥濘，我轉動亦以是滯，十八日敵竄至常熟城東北。

常熟形勢，虞山北峙，昆城湖南繞，我以久戰疲乏之衆，窳劣之械，尙能與敵一再爭奪，若加以利器，強敵不足畏矣。

時我自福山鎮至謝家橋，以第七十六師之第二二八旅，第一七三師，第一七六師，駢列東向互守。謝家橋以第一七四師，四方橋以第一七一師，李家橋以第四十四師，王家基以第九十八師，五渠鎮以第十三師，兵二營，分任防衛。沿橫涇塘及後塘湖，昆城湖間皆有陣地。第二二八旅，兼顧昆城湖，第九十八師兼顧常熟城，第五十二師扼虞山，迤西錫澄後方公路，第六十師駐練塘鎮，以爲備。

敵自謝家橋，王家宅基，五渠鎮，三路進犯，又由李家橋南下急襲。我第三十二師，第二二八旅，未及赴援。十九日申刻，敵已突破我陣，乘勝直趨虞山頂高地。時我第十一師，甫由蘇州調至莫城鎮，卽以一旅任城防及莫城鎮，昆城湖北岸守備，以餘部會第二十六軍，由虞山南麓仰攻。於劉神堂、程家橋、南家灣，反覆肉搏。敵狃於屢勝，輕率

陷陣，我以輕重自動火器，夾敵猛射，激戰四十分，敵退保村屋。我第六十一、六十二兩團，以手榴彈擲屋內。第六十一團第二營於劉神堂，第六十二團第一營於南家灣縱火，敵大亂，我軍出白刃紛刺，敵稍退，惟據虞山頂後，即以重機關槍九挺置其上，我不得近。昆城湖西岸敵千餘鼓噪登陸，下午六時，我即西向惠山，東亭鎮，依無錫轉進。

當吳福之急也，我軍事當軸，籌策在錫澄與敵一決。薛上將謂：「只須長興，吳興方面，可以穩守，則與其在南京附近，與敵作最後決鬥，不如在錫澄線。」

最高統帥亦以左翼軍吳福陣地，祇須在鐵道及常熟方面，配備伏兵，其他正面，兵可少置，俾以餘力，堅守錫澄。蓋戰未起時，我即早事戒備，預構堡壘，以吳錫北至江陰公路爲經，東向緯以軍路，自江陰北至西山，復東折向長山。自江陰出香山錫山間，至閘上鎮。自江陰經花山、起山、饅頭山，以迄華墅鎮。自青陽江陰公路間，東出峭岐鎮，長壽，以迄郁家橋。其自青陽鎮無錫公路間，東出軍路，有璜塘鎮。至祝塘鎮，西高山至斗山。自錢村里經芙蓉山以迄膠山。自無錫經興隆橋坊前鎮，梅村，以迄鴻山。其南北則自長山軍路，以迄峭岐鎮爲一段。斗山軍路以迄石溝頭爲一段。俱相勾繫。沿京滬

鐵路南向，建小砲掩體。於羣山上建觀測所。人員掩蔽部。長山，定山，芙蓉山，東亭鎮，陳灣里，置指揮所。其重機關槍掩體，散築軍路旁及要隘。所以備敵西犯，爲持久計，翼衛京畿者也。

吳福後撤，左翼軍卽爲錫澄部署，令第十九集團軍以第六師由宜興至分水墩鎮。第五十三師由分水墩至閩江灣。第五十七師，由閩江灣至徐巷鎮，任太湖警備。胡宗南部（一零二師，稅警總團第一師，第七十八師）守惠山，西山，顧山，楊木山，河東上，沿五里湖北岸，南橋鎮，衛巷上，丁巷上，之永久工事線爲主陣地。並推進一部於前方第一線之永久工事，爲前進陣地。吳奇偉部（第六十師，第五十九師，第九十師，第一零五師，第六十一師。）右翼連繫第一軍，守潘房里，江溪鎮，東亭鎮，長大廈鎮，北興塘，芙蓉山，長安橋鎮之既設永久工事線爲主陣地。並推進一部於前方第一線之永久工事線爲前進陣地。李延年部（第三師，第九師，第十八師。）守長安橋鎮，大三房，石塘橋之既設永久工事線爲主陣地。並推進一部於前方第一線之永久工事線爲前進陣地。蕭之楚部（第四十四師，第三十二師，第七十六師，第二二八旅。）集結藕

塘鎮附近。第七十三軍集結惠山鎮附近。爲第十九集團軍之預備隊。令第九集團軍以第六十六軍守石塘橋、璜塘溪、皋岸鎮、長壽鎮之既設永久工事線爲主陣地。並推進一部於前方第一線之永久工事線，爲前進陣地。第八十三軍右翼連繫第六十六軍，守昆山、懋山、定山南麓之既設永久工事線，爲主陣地，並推進一部於前方第一線之永久工事綫，爲前進陣地。劉和鼎部（第五十六師、獨立第三十四旅、第四十師、第七十六師、第二二八旅。）集結青陽鎮附近，爲第九集團軍預備隊。兩集團軍之作戰地境，爲玉福鎮、石幢橋鎮、石塘橋、塘石堰、南沙頭、長涇鎮、西城巷相連之線，線上屬第九集團軍。江防軍劉興部（第一一二師、第一零三師。）任江陰要塞區守備。

十九日我軍自常熟西退，二十一日敵卽進躡至安鎮，我嵩山膠山陣地，逕撲我東亭鎮主陣線。距我陣地三百公尺，戰車悉前，隱工兵於後，作堡壘，以抗我永久工事。二十三日敵機十餘架，凌空狂炸，炮聲，炸彈聲，數里震撼。東皋巷國防工事幾燬。長大廈鎮守軍第一零五師，爲敵突破。二十四日，敵復以輕氣球二，升東亭，導重砲，遙襲我陣地。官兵傷死略盡。第六十師江溪橋鎮，第五十九師學士橋陣地，俱先後陷。

時東亭常熟公路上，敵戰車絡繹，我雖有戰車防禦砲，亦不能制。委員長蔣公，曾頒示戰車防禦法，謂：『蘇聯人在西班牙參戰，曾歷險以勇敢兵士，挈玻璃瓶，瓶貯汽油及發火質料，向戰車投擲，靡不焚燬。』而軍中亦有謂，先宜集射車上展望孔，俟閉孔避彈，即乘時以手榴彈壞其履帶，即不能動，守此二法，更疊互用，敵戰車之壞於我者，至夥。

錫澄激戰時，二十至二十二日俱暴雨，二十三至二十五響晴，敵機脅於上，泥濘困於下，吳越爲湖沼地，無錫近郊，更多渠洫，地窪，土質不實，不能作堅固工事。且積潦沒脛，加之冬寒，易挫勇銳。又錫澄國防工事，未進守時，皆下鍵，以鑰付當地保甲長。事急，多逃去。將士倉卒進退，每不知國防工事位置。聞滄洲，姚官屯一帶，所築鋼筋三合土機槍掩體，經飛機重砲轟擊三小時，仍屹不稍動。則吳福錫澄工事之未盡其用，殊可惜也。

十一月二十三日，左翼軍轉進令下，決由錫澄線轉至溧陽，金壇，丹陽，鎮江。二十晚八時，大軍分四路後撤。

第一路縱隊四：一、胡宗南。二、蕭之楚。三、周晷。四、李韞珩。四部皆撤溧陽。第二路亦縱隊四：五、歐震。六、王東原。七、劉和鼎。三部赴金壇。八、李延年部赴鎮江。第三路縱隊二：九、葉肇部赴武進。十、鄧龍光部赴丹陽。第四路江防軍劉興部。二十五夜沿江轉進鎮江。以第二縱隊蕭之楚部爲第一路後衛。二十三晚列陣曹橋掩護。第十縱隊鄧龍光部之一團，亦以是晚馳扼武進，橫林橋，爲第二第三路後衛。至二十六晚，撤退始畢。

丙 皖南之轉進及廣蕪之戰（插圖第五第六）

錫澄會戰後，形勢益變，武進、宜興、丹陽、鎮江、金壇諸地，雖湖蕩錯綜。然長江繞其北，太湖亘其東，京滬鐵路，京杭國道，又復穿越東西。敵由陸路西略武進，沿運河京滬鐵路夾擊，可疾趨鎮江。沿長江過江陰要隘，可駛揚中，鎮江，江都，儀徵。西南出太湖，據宜興，可循國道以擾首都，故此時方略，西北守京滬鐵路，以衛首都，西南守京杭國道，以保皖浙。

廿六年十一月廿五日，薛上將奉令率部向張渚南渡，天王寺，句容，逐漸西退。以左翼軍分三路，第一路代總司令上官雲相，領胡軍團長宗南，第一軍，第一師，第七

十八師，第一零二師，稅警總團。蕭軍長之楚部，第二十六軍，第四十四師，第三十二師，第七十六師，第四十師之一團。李軍長韞珩部，第五十三師。阮軍長肇昌部，第五十七師。周軍長暑部，第六師。由無錫沿公路西南過曹橋，宜興，期三日，至張渚鎮。第二路副總司令吳奇偉，自爲軍團長，領第四軍，第五十九師，第九十師，第一零五師，第六十師。王軍長東原部，第十五師，第六十一師，（附第四十六師之一團）獨立第三十四旅。李軍長延年部，第三師，第九師。劉軍長和鼎部，第五十六師，江蘇保安第四團（到達金壇後，卽到鎮江，歸還省府）由無錫沿鐵路及附近小路，至橫林。一部由青陽鎮沿公路至橫林。更由橫林經武進，金壇，至大王寺鎮。第三路代總司令香翰屏，領葉軍團長肇部，第六十六軍，第五一九師，第一零師。鄧軍長龍光部，第八十三軍，第一五四師，第一五六師。由江陰沿公路至奔牛鎮，經丹陽，過白兔鎮，以至句容。第一路軍分一部置曹橋，第二路軍分一部置武進，更以第六師及川軍守長興，阻吳興敵軍，以爲三路軍掩護。

廿七日第一路軍以川軍在長興失利，遂改途，不由曹橋經宜興，轉經和橋鎮西

向經高塍鎮，至岸頭鎮，宋瀆更結集於南渡附近，期先佔徐舍，握京杭國道，以固宜興，以溧陽接之交通，並精銳協第六師防守宜興附近。

旋又奉 最高統帥令：以第一五六李江師，堅守武進，令第一路上官雲相部之第五十三師、第六師、第五十七師各固守原陣待命。蕭之楚部，以十一月廿八日赴南渡鎮，構築工事。主陣地設胡橋，丁山橋週城鎮間。第二路主力則置瓦屋山，上馬場，南橋鎮一帶山地。一部布於上興埠附近，與第一路連繫。第三路既以第一五六師守武進，又佈防丹陽，主力則置龍潭，湯水，句容間，拱衛京畿。

時唐式遵領第二十三集團軍，以五師兵力，拒敵泗安，張渚間。廿九日午後，力漸不支，以第四十八師，第一四四師，退保廣德東十里岡。其原在安吉縣，梅溪鎮，北向助擊泗安之第一四六師，亦回至廣德整補。而第四十八師一部，仍在太湖旁守夾鋪鎮，金山之線，師長郭勳祺亦受傷。我亟以第七軍向宜興，廣德——宣城。第五十四軍之第九十八師，第十四師，扼誓節渡，東西方高山，經江北店，宜陽山頭之線，以遏敵進。

我三路軍之始退，第一路主力置南渡，第二路主力置天王寺，第三路主力置龍

潭、湯水。原以南北縱排，阻敵西犯。至是薛上將料敵必由長興、廣德、十字鋪、宣城、蕪湖，斷我第一二兩路軍聯繫，我因以實力屯集績溪、寧國、宣城，以遏其鋒。十一月廿九日，以第一路第六師，第五十三師，經徐舍鎮、戴埠至廣德、門口塘，卽以任二地防守。第五十七師則由溧陽、週城鎮，經壽城鎮，以至誓節渡，掩護主力，移守寧國。並以一部扼昌化西北牛鎮、西坑、石橋、寧國墩、沙鋪、寧國東、烏乘橋諸要點。其在武進禦敵之第一五六師主力，亦沿京滬路至丹陽、龍潭，以衛首都。第二路則自天王寺經溧水、漆橋、郎溪、洪林橋、宣城，以駐寧國，主力則駐宣城。以一部扼寧國東北，大王村、張村、小黃村、山口、孫家灣、麻姑山、沈村鎮諸要點。蕭之楚部，改歸吳副總司令指揮。又以砲兵置河瀝溪，嚴陣待敵。

十二月一日，敵第十八師團繼由廣德西南竄擾，我第十八師，第六師，各以一旅禦之於雙塘店。六日十二時，第六師第卅七旅，見困，後撤，敵躡至洪林橋，我坦克車砲連長，未發砲退去，軍心稍亂，會洪林橋守軍第三六團團長徐康，以是時受傷，卒伍失統御。右翼我軍又相距太遠，作戰士卒，多新兵，秩序益亂，敵乘隙以戰車前突，我不得

已以主力退蕪湖，逐次向南陵南撤。薛上將亟令上官軍團長，以第七十三軍及第七十五軍，駐雙溪西岸，沿河固守。別以精銳扼孫家鋪河西岸，東向與第六十一師呼應拒敵。第五十七師固守水陽鎮，第七十六師固守蕪湖，更分兵守灣沚，而第十一軍團則以涇縣、績溪爲後方。其右翼第十六軍團亦改部署於稻埭、橋頭、烏紗港、蘇村、姚村、夏橋、葛村、王村，布陣備側擊。令第九師派兵一營，進至壩溝頭（河瀝溪鎮北約十里）向水東築堡壘防敵南竄。

麻姑山血戰後，陣地爲敵突破，薛上將嚴令上官軍團長以第七十三軍、第七十五軍，守宣城，卽不能守，亦須堅保灣沚鎮、青弋江鎮，涇縣各要點。又令第十八軍團以第五十三師於大王村、白菓樹、中村一帶，傍公路，於險隘築堡壘。第四軍於港江鎮、青山街、周王村，各遣兵一連，對孫家鋪北，及宣城方面，以爲戒備。主力則置周園村、雙溪鋪、石嶺頭、子孫堂一帶。第六十師在河瀝溪鎮、寧國城，沿河南岸，趕築工事。

敵第十八師團方乘勝自水陽宣城，分路會攻蕪湖。我第十一軍團，亟令第三十六師固守，且保清水河、灣沚鎮。第五十七師固守水陽鎮。第六師、第十五師、第十八師，

各師均調一部於西河鎮西岸，主力則集結於青弋江鎮、寒亭鎮、楊柳鋪、柿木鋪一帶地區，脅敵側背。八日水陽敵以浮囊偷渡，我第五十七師談旅迎敵劇戰，主力爲敵衝散。由鱖魚壩、大王廟、鐵道街、亭山鎮等處強渡之敵，與我第六師遇，我亦傷亡殆盡。紅花鋪以南之喻旅，頓失聯繫，敵向西河鎮急進，復以飛機狂襲蕪湖，兵站率先避去，軍中糧彈不及補給，情勢愈迫。九日薛上將命王凌雲師（第七十六師）增援，時蕪湖秩序已亂。王師第二二八旅，與沿公路敵三千餘激戰，我官兵傷亡二百餘，守清水河之毋、姚二營，幾全殉國。軍灘口、卡子口，悉不能守，十日濮家店陷。第七十六師移魯港，第九師移高岡鋪，而蕪湖遂不守。

丁 蘇皖浙邊區游擊戰之一（插圖第七）

吳福錫澄之綫戰後，我全變戰略。蓋淞滬三月劇戰，敵雖內感竭蹶，然恃其武器優越，頑強如故。論者謂我理宜長期困敵，特以保淞滬，爭國際視聽，勢不得不出死力，與敵較一日長短。在軍事上成一陣地防禦態勢，「彼攻我守，形勢已不克自主，其誤厥在以政略而影響戰略。及敵陷南京，益西南攻略皖浙，我始大變部署，通奇正以制

第三戰區左翼軍皖南轉進經過要圖

日一月二十至日六十二月一十年六十二

插圖第五



軍隊區分

附記

- 第一路代總司令上官雲相 一 第十七軍團 1A (1D 78D 102D) 稅警總團 二 26A (32D 46D 76D) 三 16A 53D 四 69A 57D 五 75A 6D
- 第二路副總司令吳奇偉 一 第十八軍團 1. 4A (59D 90D 60D) 2. 73A (15D 61D 105D 34BS) 二 2A (3D 9D) 4. 39A (56D) 5. 蘇保四團
- 第三路代總司令香翰屏 一 第二十三軍團 66A (159D 160D) 二 83A (154D 156D)

考 一 第一軍稅警總團第三師歸黃軍長杰指揮轉進至鎮江南京附近後渡江第一軍稅警總團在浦鎮滁縣第三師在江都整理補充

二 第三十九軍轉進南渡鎮後經京杭國道渡江至淮陰整理補充

三 蘇保四團至鎮江後歸還江蘇省政府

四 第六十六軍第八十三軍轉進湯山龍潭地區後歸南京衛戍長官部指揮

例 圖

	十一月二十五日原佔領之陣地
	十一月二十六日位置
	十一月二十七日位置
	十一月二十八日位置
	十一月二十九日位置
	十二月一日位置

敵，所謂「於戰略之守勢中，取戰術之攻勢」以正規軍防禦，以游擊隊襲之，使剽進之寇前阻雄兵，後絕援應，如陷泥淖，不可後拔，故後此窮年累月，寇得不償失，無所成就，而士卒日厭戰禍者，皆我計之得也。自蕪湖陷後，寇氛益惡。十二月十六、十七、十八數日，敵第十八師團主力二萬餘，由蕪湖往宣城，廣德東進，宣城留步兵踰千人，廿一日又增二千餘。廿三日宣城東五里橋有敵五百餘，構築工事。城內似有白俄軍隊，爲之守。廿五日午洪林橋附近敵千餘，移向宣城。廿六日申刻敵復以戰車廿餘輛，護步砲兵至宣城。酉刻又有坦克車卅餘輛，裝甲車十餘輛，騎兵百餘，重砲十餘門，步兵千餘，自廣德經雙塘店向宣城移進。廿七日廣德有敵一旅團，自十五里至十八里，花鼓塘至誓節渡，悉駐敵騎兵。宣城敵五六百向灣沚進。廿八日敵四百餘復乘摩托車百餘輛至宣城，在西門外設鐵絲網。又有由南京開蕪湖之敵數千駐裕中紗廠，及電燈公司。薛上將判斷敵情爲欲守廣德宣城，以爲蕪湖南京屏障。其十二月中，傾全力東至廣德、泗安、吳興者，將與嘉興敵東南夾擊，掠我杭州。其往南廣宣公路，對皖南非有攻意，特牽掣我軍事，以便其東向耳。

時薛軍奉命駐寧國績溪間，堅保皖南，且策應浙東我軍作戰。所領第十八軍團長吳奇偉部第五十九師，第九十師，第六十師，工兵第一團第二營，高射砲兵營，防禦戰車砲兵第一二兩連。第十六軍團長羅卓英部第九十八師，第十三師，第六十七師，第六十一師。第十一軍團長上官雲相部第十五師，第一零五師，第七十六師，而以第十八師之一零七團，爲直轄部隊。

作戰地爲遂安冷水舖、石口、楊灘、西至黟縣、太平、南陵、灣沚與右側第八集團軍，左側第二十三集團軍互爲聯繫。其軍之部署，則以月亮街、小胡村、王胡村、水東爲前進陣地，前進陣地後，復劃第一第二兩陣地。第一陣地北爲河瀝溪西北，東自烏乘橋，經大王村、白菓樹、中村、西村、雙溪舖、張黃村、子孫堂。以第十八軍團第五十九師，第九十師分東西兩側，北向防守。第五十九師且以兵一營扼沙舖、石口、寧國墩各要點。第九十八師昱嶺關構築陣地。並分兵頰口，以塞昌化，防敵自浙江東犯。第九十師以兵一營，扼港口灣、丁王殿、太子殿，各要點。第十一軍團以第十五師，第一零五師之一部，守楊柳舖、柿木舖、馬頭鎮、青弋江、西河鎮、南陵縣，置主力於涇縣，防敵自蕪湖宣城竄

第九十集軍團續溪宣城間 防禦配備要圖

二十六年十二月二十日

插圖第七

750000



至黟縣

至遂安

至，且掩護第十九集團軍之左側。

第二陣地，則以第九十八師守昱嶺關，莊舍鎮、天柱峯，第十三師守銀龍塢、荊竹嶺、湖家、雲山塢，且派兵一部屯馬哨塢前進陣地，以備浙江孝豐。以第六十七師守平頂山、橫山塢、大河上、下港、起川塢、南至確上、丈尺山、叢山關、黃花尖。又以第六十一師守板橋頭、鎮頭、上莊。亦以一部北向屯馮村鎮、七田，全線爲弧形，東北向，縱深作層累配備。第十八軍團總司令部設竹峯舖附近。第十六軍團總司令部設績溪附近，第十一軍團總司令部設三溪附近，第十九集團軍總司令部則在績溪附近之王村。

敵果沿吳興、嘉興南下。二十三日佔餘杭，廿四日據杭州。而蕪湖宣城敵卒以我有備不敢輕犯。

薛上將又於第十九集團軍下別設一游擊總指揮。以孔荷寵任之。揉合軍民，訓以兩大任務，三大戰法（附後）。使武力遍於麻姑、宣城、楊柳灣、灣沚、蕪湖、石口、沙帽各地，搗虛襲擊。東戰場中我以游擊隊輔正規軍作戰，自此始。

第十九集團軍戰區游擊隊組織計劃

第一 方針

一、本集團軍爲持久抗戰利用有利地形以少數兵力敏捷行動予敵以重創使主力得從容配置爭取最後之勝利起見特組織戰區游擊隊以特種戰術奇襲手段制勝敵人達成我軍作戰之目的

第二 定義


二、本集團爲使戰區內之國民與戰場內之軍隊協同一致以發揚國家民族之抗戰精神以軍隊之一部兵力及戰區內各縣保安團隊壯丁隊因當地當時之情況分別或混合組成游擊隊總定名爲第十九集團軍戰區游擊隊

第三 編組

三、指揮及隸屬

本部設戰區游擊總指揮部隸屬於集團軍總司令部游擊總指揮部以下設地區游擊司令地區游擊司令以下設游擊隊其編成或爲軍游擊隊或爲地方游擊隊或軍與地方混合其隊號或冠以地方名或該部隊長之姓或名以名之

(例如由軍隊選派者為軍游擊隊由地方團隊壯丁組派者為地方游擊隊)
其指揮系統如左表



四、編組及兵力

1. 地區游擊隊以數個軍游擊隊及一縣或數縣地方游擊隊組成之地區司令
部設司令一副司令二其兵力以當地槍械為準

2. 軍游擊隊由本集團軍各游抽出一部分官兵組成之其兵力爲游擊司令一人副司令三人隊員九十人

3. 地方游擊隊以戰區內各縣現有之保安團隊及常備壯丁隊編組之分設游擊司令一人副司令二人大隊長大隊附各一人中隊長小隊長若干人（就各縣區團隊之多寡由地區司令決定編組之）各縣區之保安團隊及常備壯丁隊均屬之

4. 地方游擊隊編組在戰區內已淪陷之縣則按實際情形將地方武力集中編組後統一或分散使用之在國軍佔領範圍內則就縣區鄉原有武力組成之就地方加以訓練必要時得集中使用之

5. 混合編成之游擊隊得因必要時酌取軍或地方游擊隊之編制或適宜編組之

6. 戰區游擊總指揮部地區游擊司令部及軍（地方）游擊隊之編制另表定之

五、任命

1. 戰區游擊總指揮由本部呈請軍事委員會任命之
2. 地區游擊正副司令軍游擊正副司令由各部選定後由本部轉請委任之
3. 地方游擊司令由戰區各縣縣長充任其副司令及大隊長隊附中小隊長由各縣縣長保舉呈請本部轉請委任之但國軍佔領地域內之各縣縣長因行政責任關係不能兼任游擊司令職者得由各縣長遴選當地具有軍事學識富有指揮作戰之能力者呈請本部轉請委任之

六、武裝

1. 軍游擊隊之武裝由派出之各師發給之
2. 地方游擊隊之武裝即各縣區之保安團隊現有槍枝其各縣常備壯丁隊須盡量用民間武器至需要之彈藥由本部分期補充之

第四 待遇及經費

七、戰區游擊總指揮部及地區游擊司令部按其組織先由本部發給三個月經常

費並發給活動費戰區游擊總指揮部伍千元地區游擊司令部二千元

八、軍游擊隊以三個月爲一期每期由本部發給活動費一千元並由各師預發經常費三個月其游擊隊官兵每月照左列數目由本部向軍政部領發津貼非軍游擊隊人員一律不發津貼

校官 二十元

尉官 十元

士兵夫 三元

九、地方游擊隊以三個月爲一期在國軍佔領地域內一切按平時正常給與由各縣按月支付其非國軍佔領地域內各縣游擊隊之給與如實際情形無法由縣籌給時按其兵力之多寡由本部呈請中央政府預領經常費三個月轉發並每三個月發給活動費一次

十、戰區游擊總指揮部地區游擊司令部各游擊隊之給與另表定之

第五 游擊隊之任務

江橋鎮小南翔陳家行廣福鎮地戰區經過要圖

日一十月一十至日八十二月十年六十二

插圖第三

100000



- 例 圖
- 十月二十八日至三十日態勢
 - 十月三十一日至十一月一日態勢
 - 十一月二日至八日態勢
 - 十一月九日至十日態勢
 - 十一月十一日態勢
 - 原作戰地境
 - 十一月二日作戰地境
 - 十一月四日作戰地境

由青浦方面

軍

中央


中

吳福線錫澄及轉進之戰經過要圖

日五十二至日二十月一十年六十二

插圖第四

500000



- 例
- 十一月十三日佔領之陣地 (昆支掩護陣地)
 - 十一月十四至十六日佔領之陣地 (吳福線陣地)
 - 十一月十七至二十四日佔領之陣地 (錫澄線陣地)
 - 十一月十三至十八日態勢
 - 十一月十九至二十日態勢
 - 十一月二十一至二十三日態勢
 - 十一月二十四至二十五日態勢

十一、游擊之任務如左

1. 襲擊敵軍並奪繳敵軍之武器及裝具
2. 粉碎敵軍之企圖遲滯敵軍之前進
3. 出沒無常擾亂敵之後方並截奪或焚燬敵之軍需輜重及運輸工具
4. 乘夜攻擊無守備之敵軍指揮部或高級司令部
5. 破壞敵之飛機場及飛機汽油庫倉庫兵器彈藥廠所
6. 策應國軍作戰及協助國軍之攻擊行動
7. 威脅敵軍支援軍隊
8. 收容散兵剷除漢奸及檢舉漢奸
9. 調查民衆組織民衆喚醒民衆促進抗戰一切工作
10. 派遣偵探深入敵人佔領區域內探察敵軍情形報告就近軍隊或高級司令部
11. 破壞敵後方交通及敵人必經之道路橋樑等

12. 焚燬敵人佔領地域內能供敵利用之一切建築物
13. 收送難民護送難民
14. 組織祕密通信網或遞步哨傳送縱橫間之消息
15. 大胆履行其他一切不利於敵軍之行動

第六 游擊隊之補給

十二、游擊隊之補給如左

甲、彈藥

1. 在國軍佔領範圍內由本部補給
2. 在非國軍佔領範圍內各游擊隊須預先領足半年內用彈藥分別遠近密藏山谷中需要時再行取用

乙、糧秣

1. 在國軍佔領範圍內軍游擊隊糧秣由本部供給地方游擊隊仍與平時同
2. 在非國軍佔領範圍內一切糧秣以現金向當地民衆價買如所攜現金已用

罄無法接濟時得向當地民衆婉借並給據備以後償還萬不得已時乃可就地徵發

第七 衛生

十三、游擊隊之衛生如左

1. 在國軍佔領範圍內之傷病兵一律送就近師收容所轉送兵站醫院
2. 在非國軍佔領範圍內所有傷病兵就近請中醫療治或請土人祕密向國軍範圍內輸送

第八 懲獎

十四、游擊隊官兵及地方人民有左列行爲之一者均處以死刑

1. 洩漏我軍祕密及軍情於敵方者
2. 替敵造謠擾亂後方治安或破壞我軍交通及軍事建築者
3. 傾向敵軍或代敵方嚮導探路者
4. 希圖利益出賣軍隊種種消息者

5. 出賣武器或軍用物品圖書與敵者

6. 以糧秣食物煤鐵等供應敵方者

7. 替敵修復道路橋樑者

8. 類似漢奸及其他一切不利於我軍行動者

十五、凡游擊隊官兵及人民有左列情形之一者均分別給予重賞

1. 以奇襲動作殲滅敵軍者

2. 以大胆的行動破壞敵軍飛機及其他重要油棧武器彈藥倉庫工廠者

3. 以智慧的行爲搜索敵之重要圖書祕密文件及情報報告我軍因使我軍作

戰勝利者

4. 截獲或奪得敵戰車大砲及軍需輜重車輛者

5. 出敵不意攻擊或劫殺敵之高級官長者

6. 舉發漢奸間諜機關者

7. 著有其他特殊之功績者

第九 游擊隊之活動範圍

十六、游擊隊之活動範圍除命令規定者外應按當時情況及需要由游擊總指揮及地區游擊司令隨時命令規定之並以擴大活動範圍爲原則

第十 游擊隊之行動

十七、游擊隊之行動應按游擊戰術之要領切實施行並隨時由游擊總指揮及地區游擊司令指導遂行之

第十一 通訊及連絡

十八、游擊隊之通訊及連絡規定如左

1. 戰區游擊總指揮部地區游擊司令部與本部間之通信使用五瓦特無線電及固有之有線電報電話與特種傳送（如祕密通訊遞哨等）
2. 各游擊隊利用遞步哨爲主如能攜帶無線電更妙
3. 特種傳送方法列舉一二如左

A 祕密遞步哨

利用戰區內之寺廟僧尼深山僻靜之土人老弱婦女組織遞步哨所按月給以金錢使任各方面之傳送勤務

B 用明礬書寫報告通報於白紙上再加上普通之信封文字於上面以秘密游擊隊之內容然後向各方傳達

C 將各游擊隊番號及使用之軍語密語事物等編成代字密本用以通訊連絡

D 其他科學通訊連絡方法之採用

民衆組織與游擊戰術

一、普遍組織（戰地）民衆訓練青年壯丁

1. 以軍人（起用當地退伍軍人爲宜）參入行政組織以保甲法普遍組織民衆

2. 訓練青年壯丁作爲組織民衆骨幹

3. 挑選人民編爲愛國運輸隊救護隊慰勞隊鋤奸隊宣傳隊

4. 利用游勇警察保衛團編成鄉村自衛隊及協助之游擊隊

5. 救護戰地災民特別注意老幼

6. 嚴飭軍隊愛護人民

二、挑選熱血男兒編成便衣游擊隊

1. 激發人民抗日情緒使之極度高漲

2. 挑選游擊隊員其條件如左

A 憤恨敵人而有信心勇氣

B 身體健壯而能忍苦耐勞

C 性情忠實而能機警

D 射擊精確而能獨立行動

3. 參與經過戰役之軍人（生長於活動地域或前在活動地域作戰及旅行）組成游擊隊每隊以七十人至百餘人久經作戰者可到數百以至一二千人

4. 在敵人後方宜派人潛入組織游擊隊由小及大由遠及近在我方戰地內應

組織多數游擊隊以潛伏民間或突入敵人間隙

5. 游擊隊之武器以小槍手榴彈爲主工具以炸藥刀剪斧鋸竊聽機爲主

三、游擊隊之作戰要訣不以力取而以智勝

四、游擊隊之兩大任務

1. 打倒活的敵人

A 彌補我軍間隙

B 突擊敵人側背

C 擾亂敵人後方

D 吸引敵人主力

E 偵察敵人行動

2. 摧毀死的敵物

A 破壞敵人鐵道公路橋梁電訊工廠飛行場

B 襲擊敵人運輸輜重營幕哨兵

C 燒燬敵人軍械糧秣倉庫機場

D 掠奪敵人彈藥器具醫藥馬匹

E 假充敵人差役乘機達成上述任務

五、游擊隊之三大戰法

1. 襲擊繞襲~~~~~由間道出敵側背襲擊行軍中之敵人

掩襲~~~~~乘風雨晦暝半渡酣睡疲困進膳及部署未妥孤軍深入與援

軍遠隔之敵人等時機突以大隊合圍而聚殲之

奇襲~~~~~以主力邀擊敵人以一部出敵側背使敵人顧此失彼

急襲~~~~~敵人退却而成混亂狀態時宜急進襲擊以摧滅之

2. 埋伏~~~~~地區埋伏~~~~~化裝潛伏敵境乘機攻敵或燒燬一切（能利用女

子更佳）

徑路埋伏~~~~~潛伏於隱蔽複雜之地形內乘敵通過而邀擊之

3. 擾亂~~~~~隨時隨地擾亂敵人使具驚慌遲鈍以打破其企圖與計劃

六、游擊隊作戰之四大特點

1. 在戰略上要以少勝多在戰術上要以多勝少
2. 在戰略上是長期抗戰在戰術上是速戰速決
3. 在戰略上是內線作戰在戰術上是外線作戰（通常）
4. 在戰略上是被動作戰在戰術上是主動作戰

七、游擊隊戰鬥之五大要領

1. 不打硬戰不攻堅銳要知道攻弱才能致死敵人
2. 繞圈行動隨時遷移要知道靜止就是自取滅亡
3. 熟慮斷行戰則必勝要知道後面沒有我的援軍
4. 聲東擊西攻其無備要知道不打即須離開敵人
5. 零整互變聚散有方要知道奇變才能制敵機先

八、游擊隊行動六大注意

1. 隨時獲得民衆（故宜嚴守軍紀努力宣傳）用作游擊隊之外圍

2. 作戰前須有詳密之計劃及失敗時之處置

3. 詳細偵察敵情努力乘敵缺點無勝利把握時不可妄動

4. 對於活動地的地形務須清晰瞭解

5. 周密警戒務使敵人不能發見游擊隊的主力

6. 通信連絡務須使用簡單秘密確實的方法（如腳踏車哨笛鳥音煙火高出

目標等）

附抗日戰術簡語

一、晝伏夜行，巧於偽裝，以避敵飛機之偵察

二、利用地形，講求遮蔽，以防敵飛機之轟炸。

三、多築工事，力求簡深，以減敵砲火之威力。

四、敵兵侵入，迅速逆襲，以挫敵攻擊之氣勢。

五、利用夜暗，斷行襲擊，以奪敵陣地之要點。

六、節省彈藥，力行近戰，以攻敵陣地之弱點。

- 七、組織民衆，到處游擊，以疲敵軍隊之銳氣。
- 八、擾亂後方，破壞交通，以妨敵軍需之補給。
- 九、多作障礙，善用火力，以阻敵戰車之活動。
- 十、常居高處，勉占上風，以禦敵毒氣之散布。

十九集團軍游擊隊名稱系統表

名	稱	姓名	備
---	---	----	---

十九集團軍游擊隊總指揮	孔荷寵		
-------------	-----	--	--

宣城游擊隊司令	唐連		
---------	----	--	--

蕪姑游擊隊司令	唐立品		六十七師
---------	-----	--	------

楊柳游擊隊司令	袁子芳		十五師
---------	-----	--	-----

廣德游擊隊司令	陳君亮		九十八師
---------	-----	--	------

高淳游擊隊司令	汪國棟		
---------	-----	--	--

考

寧廣
宣郎 游擊隊司令

龔傳文

本部派出

寧廣宣郎地
區寧國地方 游擊隊司令

張文山

寧國宣郎地
區廣德地方 游擊隊司令

黎亞豪

寧國宣郎地
區宣城地方 游擊隊司令

王伯恭

寧國宣郎地
區郎溪地方 游擊隊司令

劉夷華

旌績昌
於臨地區 游擊隊司令

楊曉軒

十八軍

旌績昌於臨
地區旌德地區 游擊隊司令

田易疇

旌績昌於臨
地區昌化地區 游擊隊司令

董中生

旌績昌於臨
區績溪地方 游擊隊司令

陳必貺

旌績昌於臨地區游擊隊司令 程運啓

旌績昌於臨地區游擊隊司令 何俊

孝武安長吳地區游擊隊司令 劉參 六十師

孝武長吳天安地區游擊隊司令 張韶武

孝武安長吳地區游擊隊司令 楊樹光

孝武安長吳地區游擊隊司令 楊林超

孝武安長吳地區游擊隊司令 楊啓文

戊 蘇皖浙邊區游擊戰之二（插圖第八）

由淞滬而皖南我既節節拒戰，爾時以數十萬大軍，厄於強敵，而吳福錫澄，雖有堅固堡壘，事急多不及用。敵乘勝追躡，我喘息未定，秩序頗亂。最高統帥，以一聞勝勿

驕，遇挫勿餒」之旨勵部屬，各將領愈益兢業。薛上將尤堅忍不拔，擢左翼軍總司令，又轉任第三戰區前敵總司令，搯拄其間，整補收容，士氣陡振。在強敵掩襲下，於寧國績溪間，從容度歲。

是時第三戰區自司令長官顧祝同下爲戰區前敵總司令薛上將，轄四集團軍。第十集團軍總司令劉建緒轄第二十八軍長陶廣，第七十軍長李覺兩軍。第二十八軍下，有第十六師、第六十二師、第六十三師。第七十軍下，有第十九師、第一百九十二師，暫編第十三旅。其集團軍直屬部隊爲第七十九師，獨立第三十七旅，暫編第十二旅，寧波防空司令，溫台防守司令，砲兵第三團之一營。

第二十一集團軍總司令廖磊，轄二，第七軍長周祖晃，第四十八軍韋雲淞兩軍，第七軍下，有第一百七十師、第一百七十一師、第一百七十二師。第四十八軍下，有第一百七十三師、第一百七十四師、第一百七十六師。

第十九集團軍總司令羅卓英，副總司令吳奇偉，所部共四軍，羅兼任第十八軍軍長，吳兼任第四軍軍長。第十八軍下，有第十一師、第六十七師、第九十八師。第四軍

下，有第五十九師、第九十師、第六十師。（附暫編十一旅）第七十三軍長王東原，第二十五軍長萬耀煌。第七十三軍下，有第十五師、第一零五師、第七十六師。第二十五軍下，有第十三師、第六十一師、第一零八師，其集團軍直屬部隊爲工兵第一團二營，防禦戰車隊第二營之一連，重迫擊炮營。

第二十三集團軍總司令唐式遵，副總司令潘文華。唐兼任第二十一軍軍長，潘兼任第二十三軍長。第二十一軍下，有第一四五師、第一四六師。第二十三軍下，有第一四四師、第一四七師、第一四八師。其集團軍直屬部隊爲獨立第十三旅、第十四旅。戰區長官司令部有直屬部隊，爲第七十五師、獨立第六旅，防禦戰車隊之一連，高射炮營。前敵總司令部有直屬部隊，爲第十八師之一零七團。各集團軍之作戰地境，亦俱畫定，以便防守。其後第二十一集團軍復奉命調赴江北，歸五戰區節制。其防務遂由第十九集團軍兼攝。

附第三戰區顧司令長官劃定作戰地境

第十集團軍

杭縣沿錢塘江西岸蘭溪衢縣江山相連之線綫上屬右

第十九集團軍

溧水郎溪宣城涇縣太平祁門相連之線綫上屬右

第廿三集團軍

時 最高統帥既劃定各戰區及其根據地，復申令：「此次戰爭，敵利在速戰速決，故在軍事上祇爲點與線爭奪，我應以持久困敵。凡在戰區黨政軍機關，應在原戰區堅忍抗拒，毋以少挫輕棄所守。戰術須剛柔互用，於交通要線置重兵，作縱深配備，與敵周旋，更以奇兵游擊，斷其後援。彼作正面攻取，則我可搗穴衝虛，彼果禦我奇兵，則我可正面壓敵。又各戰區須遣幹員於根據地籌策防守，多儲糧彈，講求連絡通訊方法，以備獨立作戰。戰區司令長官復申其意，爲作戰指導要領，謂防禦戰如無積極行動，終至失敗。宜依此要旨，於持久守勢戰略中，雜採攻勢戰術。敵慣以分進合擊之法禦我，我應集中主力，對敵爲各個擊破，即可制勝。」

敵自民國二十六年十二月下旬陷杭州後，卽沿錢塘江北岸遞竄富陽、孝豐、廣德、宣城而至蕪湖。冀堵塞浙西及皖南山地，以便移其主力，別爲攻掠。薛上將默察敵

情，統籌全局，周爲部署；在我第三戰區右翼，卽以錢塘江爲依據，屯兵於新登、桐廬、分水、於潛、寧國、南陵、溫台一帶，備敵登陸。又以奇兵游擊於後，以憊敵。

前敵總司令商承司令長官，策定會戰計劃，指導各集團軍與敵接戰（附委員長皓電）以第十集團軍原任錢塘江南岸及沿海防守，遂令第十六師何平部守蒿壩鎮，曹娥鎮、傅山、直樂施、三江城，以一部控置嵯縣以北爲預備隊；第六十二師陶柳部守三江城、馬鞍山、大盆厘、頭蓬鎮、河莊、赭山鎮至雙橋會，分置一部於紹興；第六十三師陳光中部駐雙橋會，長山、西興鎮、江邊站、靜江鎮，至鷄鳴山，分置一部於蕭山；第二十八軍部駐衙前。第一九二師胡達部附暫編第十三旅歐陽團之陳營駐鷄鳴山、虎爪山、浦陽江口、長領頭、河頭村、里山街、靈橋鎮；第一二八師顧家齊部駐靈橋鎮、俞家埠、柏樹山。第十九師李覺部置於大源鎮南端爲總預備隊。第七十軍李覺部駐宮前。浙保安第二、第三兩團屯柏樹下至桐廬一帶。第七十九師陳安寶部以一旅屯尖山市及臨浦附近，一旅屯白門附近，師部及補充團駐諸暨。暫編第十三旅楊永清部駐玉山附近。獨立第三十七旅陳得法部任寧波海防。暫編第十二旅李國鈞部任溫台

第十九集團軍以第二十五軍屯桐廬，分水，以主力置右翼，爲梯次配備，以一部守備方家井附近，與敵保持接觸；第七十九軍以第九十八師駐紫溪村，於潛一帶，第七十六師駐冷水舖，鄭店間；第四軍駐沙舖，烏乘橋，大王村，白菜村，水東各地，作左翼縱深配備，並爲右翼我軍右側背之掩護；第七十三軍於五里店，港江鎮，青田山街，巨楊柳舖間，作右翼縱深配備，與第四軍協同擊敵側背；第十八軍以第六十七師集結叢山關，績溪間，第十一師集結黎樹嶺，鄭店一帶，爲總預備隊。

第廿三集團軍以獨立第十四旅周紹軒部，分守青弋江，西河鎮，夫子關，奎譚鎮，及南陵附近，巨馬仁渡，黃墓渡之線；第一四七師陳萬仞部任石炮鎮，峨橋鎮，三山鎮間防禦，第一四七師章旅及第一四四師劉旅在竹絲港，石炮鎮沿河向蕪湖之敵進襲。獨立第十三旅田綦毅部守舊縣鎮，荻港，銅陵。第一四八師潘左部守大通鎮，貴池，至哈凸張之線。第一四六師劉兆藜部守殷家匯，大渡口，東流，香口之線，第一四四師范子英部集結三里店，蛾橋間，第一四五師佟毅部，集結於木竹潭附近，築堡壘，以警

備長江沿岸。

一月十三日第三戰區奉 最高統帥電示：「江南之敵，有移轉兵力於江北，由津浦線南北兩方夾擊徐蚌趨勢。惟其兵力不多，我宜乘弱向敵攻擊，以爲牽制。」因以第十集團軍向富陽公路。第十九集團軍向廣德，宣城。第廿三集團軍向灣沚，魯港。各方進剿，於一月十五日協同游擊隊出擊，並令空軍隨時游弋偵察，且轟炸杭州，宣城，廣德，蕪湖敵軍駐地。

富春敵酋柴山，所領第六師團一部，約千五百人，砲五六門。沿富陽城西河流，饒子山、猴亭子山、築壘固守。鹿山、太平橋、新橋、師姑坪一帶，爲其警戒陣地。我第十集團軍，第七十九師，以第二三七旅，附以補充團，於十六日午後八時，由程文附近渡富春江，且擬先逐其太平橋所駐警戒部隊，即乘勝復富陽。別以一部，迂迴追逐，聚殲敵於富春江畔。時天雨，泥濘，行軍不易。十八日午後一時佔太平橋，三時佔女山，來龍山，師姑坪，及其以南高地。顧敵倚堡頑拒，雖傷斃數百，迄不少退。我亦傷亡百餘人。

先是一月七日有敵一中隊，向錢塘江大橋南端猛犯，爲我第六十師擊退，斃敵

甚多。同日我第一九二師一部，在凌家橋附近與敵遇，我第一二八師在陶家村附近，日日激戰，亦斃敵數百。

第廿一集團軍，以第四十八軍之第一七三師，於十五夕攻復餘杭，敵向杭州潰退。

第十九集團軍於一月十三晚令龔傳文所部游擊隊，克復廣德，復令第四軍以宣城爲鵠的，遣兵三營，協同麻姑，宣城游擊隊，向宣城攻進。又以一營協同石口游擊隊，攻佔孝豐，俟機直搗泗安。又以兵力一營，合廣德游擊隊出擊，牽制泗安之敵。第七十三軍遣兵力一團，協同灣沚游擊隊圍灣沚。第九十八師別組有力部隊，向天目山進襲。遂於十七日克孝豐，十八日復泗安。時宣城危壘孤懸，正策圍剿，我第七十三軍亦於十八晚進入灣沚與敵巷戰。

第廿三集團軍，以第一四七師之一團，向魯港側擊，別以一營，攻其正面。副師長復指揮第一四四師二旅兵力，由大官山向蕪湖。又以一旅向清水河夾擊。以湖沼交錯，進軍不易，迄無成功。然作戰一月（廿七年一月）我時以奇兵困敵，斷公路，截輜

重，阻通信。十一日克溧陽、宜興，十三日復廣德，十四日得郎溪，十七日收孝豐，十八日定泗安。十九日復令第十九集團軍游擊總指揮部，移駐寧國、河漚溪，歸吳副總司令指揮。寧、廣、宣、郎地區，南、蕪、繁、銅地區，蘇、皖、浙邊區，廣、郎、溧、宜、長邊區，各級游擊隊，統歸孔總指揮調度。使深入之敵，跋前躓後，而游擊戰術，於以大著。

委員長蔣號電規定

1. 長官司令部秉承大本營之意旨決定本戰區作戰方針指導要領及基礎之兵團配置並監督指導實施

2. 前敵總司令本長官司令部所定之作戰方針指導要領及基礎之兵團配置策定關於各時期之會戰計劃並指導戰鬥實行之責

3. 各集團軍以上之總司令部及直屬各部隊對於戰況及部隊之位置等應報長官司令部及前敵總司令部但請示作戰行動事項由前敵司令部批復之

4. 長官司令部除控置必要之戰略預備隊外其他各部隊之作戰行動概定指

示前敵總司令命命行之

第三戰區敵我態勢要圖

二十七年一月下旬

插圖第八

1500000

- 附記
- 一 獨立三十七旅陳德法部主任寧波海防歸寧波防守司令王
 - 二 暫編第十三旅楊永青部駐江西玉山附近歸第十集團軍指揮
 - 三 第二十一集團軍原在餘杭一帶一月下旬已調赴江北歸五戰區遺防由第十九集團軍接管



附記

獨立三十七旅陳德法部主任寧波海防歸寧波防守司令王
 暫編第十三旅楊永青部駐江西玉山附近歸第十集團軍指揮
 第二十一集團軍原在餘杭一帶一月下旬已調赴江北歸五戰區遺防由第十九集團軍接管

一
 二
 三

5. 關於戰地部隊教育後方陣地構築及戰區行政等概由長官司令部辦理之
6. 長官司令部前敵司令部及與各翼總部間之水陸交通及通訊之聯絡歸長官司令部辦理各翼軍團以下前敵總司令各部辦理之

7. 關於兵站之實施指導補給品之運輸集積及批發歸長官司令部命令兵站總監辦理

8. 後方衛生機關之設置衛生材料之補給傷病官兵之管理由長官司令部辦理患者收容與輸送由前敵總司令部辦理

9. 部隊之補充整理歸長官司令部辦理

己 蘇皖浙邊區游擊戰之三（插圖第九）

敵自盤據我杭州、吳興、宣城、蕪湖後，以師老力竭，且我游擊奇兵，時出掩襲，故蟄伏不敢動。又懼我洞曉虛實，往往故作軍運，以眩耳目，圖以是脅我，藉護京滬路交通。並以主力，移擾津浦線。時敵分三路扼要點，陳兵據險。富陽餘杭爲一線，吳興宣城爲一線，灣沚蕪湖爲一線。沿富春江北岸，有敵約萬餘，駐富陽、杭州，留下一帶。其主力爲

鈴木旅團。(司令部設凌家橋附近)牛島師團。(司令部在杭州城內)餘杭有步砲聯合之敵，約千餘人。第十二師團長山田，率步兵四千，駐吳興。天戢聯隊千餘，駐武康。久留米師團第四十八聯隊部千餘，駐孝豐。安吉山木聯隊約二千，駐和平鎮。李家港。宣城亦有敵二千人，第十七聯隊部約八百人，駐灣沚。第六師團之三十三聯隊約千餘，駐魯港。福田部隊約六千人，附騎兵兩團，砲二十餘門，駐蕪湖。互作呼應，橫亘皖浙。我知其有覬覦第五戰區意，決出擊餘杭、吳興、宣城、蕪湖，以拊京滬路之側背，且斷其京杭路運輸，使敵兵力移轉，有所顧忌。

我第三戰區作戰部隊，迄未少變，且增調新編第四軍葉挺部，移至徽州岩寺附近，第十九集團軍又抽撥第七十六師及第九十八師，歸第七十九軍夏軍長指揮。作戰地境，亦一仍其舊，以第二十三集團軍，第十集團軍，分左右兩翼，向蕪湖、灣沚、富陽、餘杭東西推進。第十九集團軍則居中策應。

其第十集團軍部署，以第七十九師陳師長率第二三五旅，由諸暨、臨浦向桐廬東北渡江，期以一月八日抵餘杭，破杭州，直搗嘉興。第二十八軍各師，分組游擊隊，由

八日起，猛襲杭滬公路。聲援陳師，阻敵增援，第七十軍各師，亦以八日編游擊隊，向富杭公路斷敵連絡。

第十九集團軍命第六十師多攜爆炸器材，八日以主力薄宜興。別以一部，附無線電一隊，先攻溧陽，繼向無錫，武進推進，遮斷京滬鐵路交通。以脅敵側背。令孔荷寵置精銳游擊隊於南渡鎮，上沛埠，宜興間，以護第六十師右側，且破壞溧陽，郎溪通句容，及溧水，諸公路。

第二十三集團軍以獨立第十四旅，第一四四師，第一四七師，迎當前之敵，敵潰則分一部趨溧水，大部則向蕪湖，當塗挺進。部署既定，最高統帥復電示要領，謂：「宜集我精銳，擊敵小部，一以阻敵轉動，一以振我士氣。戰而利，則益策攻取。」

富陽方面，我第七十九師一部，二月六日一度克復餘杭，十三日令第七十九師全師由諸暨出動。原在富春江北岸隱伏游擊之胡顧二師，至是亦悉令分向留下，轉塘，凌家橋一帶進攻，以牽制富餘之敵。又令第六十三師在杭城附近，作渡江勢，且於長安鎮，海寧，喬司游擊，以分誘敵力。第二十八軍，第七十軍游擊隊，俱如前令，在京滬

富杭道上，遙爲聲援及第七十九師攻閑林埠，萬軍長復檄第七十七團向銅嶺頭策應。且命第七十九師改由餘杭以北迂襲。蓋攻堅既非所宜，由餘杭，富陽中間挺進，更三面受敵，愈不利也。

十四日八時復閑林埠。敵益增援，且轉於乾隆山迂迴我軍，以故我卽退保乾隆山、孫家塢、瞭目台、沈家店、松樹頭、待廟山之線，當閑林埠之激戰也。我第七十九師尙旅，已攻至餘杭北門，敵大恐，急由留下增援，且在赤塢前後山，猛脅我側背，更以一部由小和山逕趨我右翼。我以其有備，亦撤至銅嶺頭，大千里、上同山、伺隙更進。激戰數日，我以正面攻取，不足挫敵，乃大變部署，以第七十九師，區爲四支隊。以第一支隊牽制餘杭之敵。第二、三兩支隊，則深入敵後，凡餘杭及瓶窰至杭州兩線公路，杭州經臨平、崇德、至嘉興公路，杭州至朽江鐵路，拱宸橋、經塘棲、石灣、桐鄉、嘉興河畔，悉加破壞或擾亂。第四支隊則隨師部屯長樂橋，相機進取。

第十九集團軍，實居中策應。第十、第廿三兩集團軍。東則以第十三師，第六十一師助第十集團軍協攻富陽餘杭。西則以第九十師，第一零五師，第十五師協攻宣城。

別以第五十九師中出孝豐、安吉，以取吳興。以第六十師據宜興、溧陽，北窺金壇、武進，東向無錫，以斷京滬路運輸。

當第五十九師之深入擊敵也，一軍孤懸，時恐有失，輒令第九十八師鄭旅全部，駐莫干山附近，防遞舖鎮，以保安吉。孝豐並掩護第五十九師右側背。十九日，敵在吳長公路與我伏兵遭遇，縱火劇戰，風急燄烈，我初利高地俯瞰，幾墮敵彀，以苦戰卒解危難。二十一日，敵果以步兵二千餘出遞舖鎮，我第五十九師、第九十八師合兵迎擊，敵援繼至，是晚我主力不得已由錢杭橋移西畝市、障吾村。遞舖鎮、安吉相繼陷敵。廿三日，孝豐亦陷。旋以委員長蔣電限收復，廿五日卒將敵擊退，敵分向莫干山、簕頭、王市、獨松關潰竄。

第廿三集團軍防地，左臨長江，右拒宣城，北禦灣、蕪、魯港，兼顧水陸。以獨立第十三旅、第一四七師分守荻港、三山、舊縣一帶，以固江防。以獨立第十四旅窺宣城灣汴。第一四四師向竹絲港、張花園及公路上之何梗村，拒止蕪湖來敵。第一四七師則北向迎戰，使敵不及分兵。二月十五日，敵以空軍護步砲兵，猛犯我第一四四師公路側。

陣地。苦鬥至烈。我祇趙家大橋一點，竟受敵彈三百餘枚。以傷亡過重，向公路南側略移。十九日，第四三零旅克金塘洋，逐尙渡殷嘴敵。二十日攻佔夫子關，黃泥渡，奎潭鎮，桃木渡龍王廟。

敵以我疊復要塞，氣阻喪，遂轉以海軍悉力在三山鎮沿江各地登陸，以爲牽掣。我亦一面沿江，於水陸津隘，多堅築工事備戰，置預備隊於南陵等地，居中策應，多組游擊隊，深入灣蕪，以疲敵力，以俱有備，各未得進。

二月之戰，我三集團軍俱欲急見功效。顧小勝以後，繼以頓挫，積時一月，所期未達，夷考其失，弊在攻堅，蓋出擊各軍，多以城市爲鵠的，故二月二十日，最高統帥訓以攻堅非計，宜以隨時增敵損害爲要圖，第六十師應亟截敵京滬線，第五十九師亦應亟壞敵滬杭線，始足疲敵。顧司令長官復詳論出擊效果，謂：「攻堅之失固矣，而指揮不統一，動作太零亂，亦爲轉受敵制主因。」陳總司令又謂：「我缺少炮兵，以素質言，不宜攻城，縱能合圍，亦易挫銳。頓兵城下，久攻不克，敵援卽到。蓋敵饒機械，轉運迅敏。我卽欲取一城，必先絕四周援路，逮敵棄城奔突，乃可聚殲，如殺鯨然，要俟其伸首


第三戰區敵我態勢要圖

一十七年二月下旬

插圖第九

- 附記
- 一 獨立三十七旅任寧波海防歸寧波防守司令王曉南指揮
 - 二 暫十二旅任溫州海防歸溫州防守司令徐百乾指揮
 - 三 暫十三旅位置江西玉山歸第十集團軍指揮

附記



甲外耳。又游擊隊以深入敵後爲有利，譬微生蟲，伺人創傷，寄生始蔓，一薛上將亦時以搗虛訓部屬。然敵自是益悉力護京滬杭兩鐵路，雖或來犯，輒以攻爲守。而我亦以異日取勝，胥恃事前綿密部署準備，故亦堅壁整補，一月來遂成對峙狀態。

庚 蘇皖浙邊區游擊戰之四（插圖第十）

京杭國道，宣蕪公路，爲第三戰區攻守要衝。敵必欲保之，以利運輸，我必欲壞之，以疲敵力。我第十集團軍則以第七十九師，東出富餘，以略武康，吳興。第十九集團則以第六十師保張渚鎮，以北取金壇，無錫，第五十九師，越孝豐、安吉，以撲吳興。第二十三集團則固江防以擾宣蕪，相持月餘，勝負未決。

三月中，敵增兵富陽三千，以滕山古田爲指揮。餘杭留下，約二千，鈴木爲指揮。（司令部駐餘杭城內四明會館）杭州三千餘，炮二十餘門，海寧亦屯駐千餘。吳宣方面，武康千餘，惟埭溪、曉墅、和平、虹橋、泗安，則無敵踪。青山有敵三四百，吳興千餘，吳嘉公路數千。漕橋八百餘。江陰五六千，爲齋滕所部。金壇四五百，炮數門。灣沚二千餘。宣城西南八里之團山、九連山、獨山等地，敵約三四百。灣蕪方面，灣沚數百，石炮鎮附

近千餘，炮十二門。莪橋鎮六七百，炮六七門，騎兵數十。三山鎮步兵二千餘，炮十餘門，騎兵二百餘。銅山前方千餘。敵恃其機械轉輸之利，圖固守富陽、餘杭、吳興、長興、宣城、蕪湖諸要點，策應江北作戰。我則決乘敵疲乏，多以小組兵力，實施奇襲，使之顧此失彼，誘至不利之地，受我宰制。

最高統帥電示：「敵增兵淮南，再圖攻勢。第三戰區應增大兵力，游擊敵後，以策應第五戰區。」

我第十集團軍即部署所部：以陳安寶師，編組四支隊，（事見蘇浙皖邊區之戰內）以攻富餘。第十九集團軍夏師鄭旅以莫干山為根據，編兵力一團之支隊二，一由武康、埭溪鎮，深入敵後，迤東向德清、新市鎮、雙林鎮、菱湖鎮間襲敵，進以攻略武康、德清，張德能師以西畝市、障吳村為依據，編組兵力一團之支隊四，一以箝制吳興之敵，一由埭溪鎮深入菱湖鎮、雙林鎮、里市、吳興，施以奇襲。一以襲吳長公路，且略吳興。其一則隨師部以為轉移。陳沛師以張渚鎮為依據，組兵力一團之支隊四，向常州金壇進襲，斷京滬路交通，協同張師略取長興。王東原軍亦編兵力一營之支隊三，一以

箝制宣城。餘卽由宣城、灣沚間，深入東門渡，烏溪鎮、黃池鎮、灣沚鎮，以斷宣蕪交通。第二十三集團軍則對灣沚、蕪湖之敵，時予牽制，且編兵力一營之支隊三，配以當地游擊隊，由宣城、灣沚、蕪湖間，深入當塗、丹陽、江寧，加以襲擊。

旋以最高統帥令，第十集團軍，應選派富有機動性之師，由桐廬附近渡江，轉向餘杭附近西北地區，編成兵力一團之支隊四，乘餘杭、瓶窰鎮、上栢鎮、武康、埭溪鎮間，敵之空隙，向海鹽、嘉興、平望進出海鹽、金山衛、松江、青浦、平望鎮、嘉興游擊。且肆壞滬杭交通通訊。復勉以從餘姚、紹興間偷渡，期迅襲敵。當以第六十二師袁西初旅，第六十三師湯宏懷旅，由第六十二師陶師長指揮，以一部潛渡錢江，主力於桐廬附近渡江，進出嘉興、松江一帶游擊。其游擊隊則孔荷寵總指揮，率龔傳文、張九如兩部，由郎溪、溧水、句容，向鎮江、南京方面推進。

自三月一日後，我正規軍游擊隊，配合并進，第十集團軍第七十九師一部，一日佔德清，二日至洲泉鎮，三日向崇德、石灣、賡續前進，六日復改定游擊區域，第一支隊尙團任杭州至下墳埠河，及上牽埠、塘棲、崇德、峽石、海鹽線南地區游擊。第二支隊馮

團任上牽埠德清線東及上牽埠、塘棲、崇德、峽石、海鹽線北地區游擊。第三支隊別留一營于葉家廟附近牽制餘杭之敵，餘歸尙旅長指揮，任彭公站、瓶窰、上牽鎮線南，及閩州至上牽埠河西地區游擊，以與第一支隊聯絡。第四支隊改以葉旅任彭公站、瓶窰、上牽埠線北，及上牽埠德清線上地區游擊，與第二支隊及右翼二九四旅連絡，補充團移至長樂橋西北地區策應。十六日敵犯我錢江大橋南端，爲我第六十二師擊退。又以步兵六百，犯萬石里、長樂街，亦爲我楊支隊擊退。

第十九集團軍，以十五日雙塘店之敵增援六百餘，戰車五輛，炮數門，向我孫家埠進犯。卽令第九十師派兵迎戰，並向孫家埠以東，予敵側擊。彭支隊亦於十五日再度收復德清，十六日宜興敵又向我寺前鎮猛犯。我傷亡百餘，且移至史村、石壩頭、包莊頭之線。十七日敵二千餘，由黃湖沅公路擾百丈，又以三百人沿長廣公路擾泗安。十八日栢上以南敵，又以大部攻我鄭旅腹背，我受脅移屯關嶺、獨松關。十九日安吉陷。敵且竄擾西畝市、障吳村。

兼旬以來，蕪湖灣沚間敵，時以海軍炮擊，意在固守，尙無他圖。而富餘、安吉、孝豐

間，則分三路進犯。欲囊括廣泗公路，斷我第六十師歸路。以重兵駐餘杭、富陽，而別部竄擾孝豐、安吉，包圍我富餘游擊部隊，更由宜興、溧陽南下，對我肆擊。我則以第七十九師、第九十八師，尾擊黃湖、簕頭西犯之敵，於孝豐、安吉，以第五十九師截擊孝豐、安吉，北竄之敵。且向林城橋、泗安、廣德間側擊，由長興向廣德進犯之敵，以斷廣長交通。第六十師併力擊退由錫金分路犯我之敵。第九十師以一部箝制孫家舖，別以一部，由楊灘向廣德，誓節渡，十字舖間，側擊東犯之敵，以斷宣廣交通。以第七十三軍一部向雙塘店、宣城，時時偷襲。第一零五師，攻佔廟舖、敬亭山，以斷宣灣交通。對各路游擊隊亦重加部署，以應新變。以劉恭部擊杭吳，對由長興、宣城向廣德進犯之敵，以廣德游擊隊擊其側背，且壞宣長交通。以謝昇標部協同第六十師併力擊由錫金進犯之敵，且壞京杭交通，命龔傳文、張九如兩部迅入句容、鎮江、南京，以斷京杭、京滬交通。以王伯恭部擊宣城、灣沚敵。且斷宣蕪交通。以故二十日上午九時，敵以步騎砲聯合千餘人，由廣德向宣城前進，至洪林橋，即遇我伏擊，上午十一時步騎砲聯合千人，由宣城圍與廣德敵會，經洪林橋，又遭擊潰。二十二日，我且收復安吉。蓋彼時敵料我在廣

德者，約二萬餘人，故其肆犯重點，指向廣德。證諸餘武、吳、長、錫、常、金、宣之敵，各以大部分路進擾，而於泗安廣德，尤極力推進。圖迫我退回廣宣公路以南地境，遂其所謂掃蕩計劃。以使京杭廣宣公路，肆行無礙，我游擊隊威加暴寇，於此可見矣。

二十八日我第五十九師克復泗安，敵北竄潰。第六十師又在同官里與敵激戰。縱火肉搏，死傷俱鉅。既而我以敵援已盡，思予圍殲。乃改定部署，以第四軍第五十九師及第六十七師之朱團，在原陣拒敵。第六十師以一部佔金鷄嶺，及橋下鎮之山地，任主力之掩護。主力即向南壓迫，與張師及朱團包圍夾擊流洞橋之敵。第七十九軍第七十六師，以有力之一部攻擊長興之敵。別以適當兵力，固守泗安，遮斷敵之運動。主力迅向泗安西北山地，求獨山附近之敵側背，而疾擊之。更於槐花壩市派兵一部，迂迴敵側。第七十三軍王軍長派兵一旅，向宣城阻敵東進。

二十九三十兩日，我第五十九師，第六十師於流洞橋夾敵劇戰，迂迴決盪，敵死傷奇重，向張渚鎮狼狽奔潰。

是役，斬獲之多，冠於全月，論功行賞，各有褒嘉。敵以素質低劣之後備役兵，及脅

從之台灣軍妄思牽掣我江南軍而移其精銳以擾津浦，至是成虛語矣。計敵在杭吳所有兵力達三萬二千一百名，錫金約一萬五千二百名，宣蕪約八千三百名，其在第三戰區部隊已達五萬五千六百名矣。

辛 蘇皖浙邊區游擊戰之五（插圖第十一）

流洞橋一役，敵氣大挫，初敵陳師皖浙，乘勝南下，欲左右我軍，使其攻守，所謂「軍事上之主動地位」似在敵而不在我。自游擊戰發動後，衝虛搗穴，敵前敵後，我從容穿越，厄於地勢土習，敵雖恃機械，轉動迅敏，實不能制我。經此役，益所在疑恐。兵少地平，糧彈不充，皆不敢守。故在第三戰區，橫貫蕪湖以迄富杭嘉興一線，僅能作要點之據，其主動地位，已漸移於我，微特抽調師旅，轉擾津浦，事不可能，即欲堅保已佔之地，亦頗不易也。

時敵第十八師團牛島真夫所部，及台灣軍，偽滿軍一部約三萬人，分布於富、杭、餘、武、吳、長各處。第三師團之一部，分布於京滬線，第六師團谷壽夫部，及偽滿軍一部約萬餘。分布於宣蕪一帶。其作戰方略，則故作軍運，以爲疑兵，假竄擾，以利防守，如是

而已。我則乘其忙亂，益發奇兵。以陶柳師，及陳安保師馮團，斷滬杭交通通信，李覺師襲富陽，陳安寶師襲武康。又令六十一師襲餘杭，第七十六師制吳長，第五十九師，第六十師向宜興，徐舍，溧陽追襲南渡潰退之敵。第六十七師楊旅開回廣德附近，第十師襲孫家舖，洪林橋。第七十三軍擊宣城。

第十集團軍第七十九師，四月一日擊敵武康莊村，敵騎數百，由上栢鎮急趨支援。我復誘至唐塘附近，以便衣隊夾擊敗之。三日我游擊隊攻富陽敵，敵嬰城固守。我又佔獅子山，新橋附近東山，富杭敵增援，向我夾擊。反復肉搏，得失數度。我卒移洪山頭，吳家山之線。時杭市又增敵二萬。留下有步砲兵三千，指揮官爲茲原，武康有敵三千，爲松田部隊。第十九集團軍王師向團於三日復湖汶鎮，敵向宜興逃竄。於戴埠亦互爲爭奪，我且陣亡團長楊紹卿。四日敵大部仍據張渚鎮南端。鷄冠山，飛皇嶺高地頑抗。

時敵力已疲，各路俱無激戰。彼以軍運惑我，我以破壞交通報之。其在富餘，臨平鐵橋，我已燬去，九日敵列車二十四輛，載械由滬運杭，疾馳過橋，橋斷，車陷淖中，死傷

枕藉，其在宣城，敵以戰車三輛，汽車十餘，載步兵駛洪林橋西，我第九十師伏兵出擊，燬車三，斃敵三十餘。其在灣蕪，四月二日我周旅第五團劉營，焚獨山附近金陵橋。十三日海寧，海鹽間公路，敵新架便橋十四座，我陶柳師燬之，且燬其路基三十餘處。十四日，余宗陳部圍攻當塗礦廠，焚敵礦料，敵不及防，而受我創擊者，不可殫述。

既第十集團軍以敵在杭州以東，略有異動，爲防其南渡，且解我第六十二師之圍，遂略改部署，令第十六師駐蒿壩之一團，船運尙山集結。又調第六十二師駐長樂之一團，集結柯橋。令李軍長命浙保安團向右延至黑山街，桐廬對岸之線，側重富陽對岸。第一二八師，向右移至浦陽江口，黑山街之線，及江中大小洲守備。並抽一營以上兵力，控置大源鎮附近。第一九二師任右自江邊站以西兩公里處，左至浦陽江口之線防守。並抽兵一團，控置錢江大橋附近，備策應。並令第十九師，續攻富陽，第六十二師仍乘機襲敵，苟有挫敗，不得已，則化整爲零，繞敵側背。又令第七十九師與陶柳師協同連絡，在崇德地區，極力襲嘉杭公路，鐵路線之敵。

第十九集團軍，又以敵負隅張渚鎮一帶，特授第五十九師以誘敵出擊法：一、勿

攻堅，勿攻敵正面。二、防逆襲，防側，防火力。三、以一部箝敵主力，他部脅敵側背。四、迂迴敵側。五、誘致殲擊。六、正面攻取時，宜置伏敵援必經之道，以殲其援。七、山地戰宜悉力驅敵，不使依山漸退，以致仰攻。八、村落戰宜濟以火攻，可迅集事。

四月十五日，敵傾巢急犯，輾轉惡鬥，敵卒全線向宜興溧陽潰退。我收復祝陵、張渚、西洋渚、戴埠。十六日佔張渚後，敵又向宜興、徐舍流竄，其殘留鷄籠山、野山一帶地境之敵，亦經我第五十九師擊潰。五月一日歐師黃師攻孫家鋪、宣城，先後復雙溪橋、雙塘店、麻姑山、襲宣城部隊，亦迫近城廂。

敵在杭吳方面之第十八師團，錫常方面之第三師團，經我痛擊，僅能竭力支持各要點。已不能抽調，北援魯南敵，而我以策應魯南第二次會戰，更亟改定部署，再策反攻。令李覺、陳安寶、陶柳各師，奮迅進襲。張文清襲餘杭，張德能襲宜興、溧陽；陳沛、歐震襲洪林橋、孫家鋪；黃維、高鵬、雲襲宣城；孔荷寵襲溧陽、金壇；朱永祥襲句容、溧水、灣沚、蕪湖、當塗、當前之敵，亦悉併力牽制，以絕互援，其襲擊部隊兵力，大率爲一師三分之一，戰法分佯襲、主襲，兵器則以手榴彈、機關槍爲正，火牛、爆箱、火球、藥球爲副。


第三戰區敵態勢要圖

二十七年四月下旬

插圖第十一

附記

- 一 第六十二師（欠一旅）及六十三師一旅任平金嘉松一帶地區之游擊
- 二 第一九二師一二八師各一部任杭富間地區游擊
- 三 第七十九師任武康瓶窰吳興以東海鹽嘉興以西一帶地區游擊
- 四 第一〇七師以一團在義烏爲機動部隊主力在瑞安永嘉海門一帶任海防
- 五 獨立第四十五旅駐五夫整訓
- 六 第一九四師任寧波海防



火牛者，以棉花漬酒精，拴牛尾，燕之，使奔敵陣，如戰國時出單法。爆箱者，燃爆竹，置洋油箱中，使響聲如機關槍，繼火牛後，驅陷敵陣，佯襲用之。火球者，以棉花漬酒精，揉之成球，燕投敵側，藥球者，以火藥實罐內，縛之成球，主襲用之。以佯襲誘敵主力來援，而我以主力乘虛搗入。敵在深夜，見火忙亂，必墮吾術。計定，以呈最高統帥，得報可，後此負隅頑敵，遭我掩襲，益無寧日矣！

第四 所得經驗教訓

一、國軍爲達到政略上長期抗戰之目的，而取持久消耗戰略，因之上海抗戰全期，皆呈陣地防禦全陷被動態勢，此爲政略影響戰略之過失。

二、在長期抗戰之原則下，應利用有利地形，逐次消耗敵人；對預定之國防綫，預先須有周密之準備。淞滬抗戰三月，而吳福錫澄國防工事，除原有之永久工事外，野戰工事甚少，且未控置部隊以任收容，致良好陣地，未能發揮最高價，殊爲可惜，實予吾人之慘痛教訓。

三、上海退却，乃戰略之失敗，蓋我中央兵力固甚雄厚，而兩翼之杭州灣及長江右側則甚薄弱，故敵由金山衛登陸後，遂陷全局之不利。

四、我軍新到戰場部隊，多未明瞭敵情形，卽加入作戰，故作戰指導上，多有不合實際之感；欲除此弊，凡新到戰場部隊，應使先在預期使用方面後方構築預備陣地，俟明瞭敵情地形後再令其接防；萬一情況不許，亦應使各級指揮官於加入

作戰之前，得有一次偵察地形之時間爲要。

五、敵慣用戰法，以小部隊拘束我正面，其主力則併行包圍與迂迴，又慣用小部隊行廣正面之推進，斯時敵爲外綫作戰，犯分離之大忌，我軍宜捕捉好機，乘敵分離時而突破其正面，席捲包圍，擴張戰果，各個擊破之。

六、淞滬抗戰時，我軍數年積憤，一旦獲舒，莫不以報國爲榮，故均爭先恐後，視死如歸；惜因制空權全握敵手，我砲兵亦較敵劣勢，常蒙重大傷亡，甚有全部盡歿遺屍盈溝塞壕者，悲慘壯烈，迴絕千古。

七、敵作戰之初，號稱三個月迫我屈服，但經我軍英勇抗拒，以血肉作長城，寸土必爭，故在淞滬作戰三月，匪獨打破敵之夢想，而我軍之英威，且蜚聲世界，亦足自豪也。

附圖



第三戰區游擊隊分佈要圖

此
页
空
白

第三戰區游擊隊分佈要圖

日五十二月三年七十二

附圖第一



記

附

一 龔傳文為寧廣宣郎地區司令劉參為孝
 武安長地區司令楊曉軒為旌績於昌臨
 地區司令謝昇標為江南挺進隊第一路
 司令張九如為廣郎溧宜長邊區司令朱
 永祥為江南挺進第一支隊司令程萬軍
 為江南挺進第二支隊司令孔荷寵為游
 擊總指揮
 自一月起各游擊軍(隊)及各所任區域屢
 有變更本圖係示其一例

圖例
 ○ 示敵佔領之點
 ○ 示正規軍游擊區域
 ○ 示各地區游擊隊及地
 方游擊隊游擊區域

第二卷 蘭封會戰

第一 緒論

敵自竊據我南京後，第一步行動，即謀打通津浦綫，溝通南北戰場，以期兵力運用之靈活，促進偽組織之合流，故以徐州爲目標，沿鐵道綫南北夾擊。敵知正面攻擊難以奏功，乃抽調平津綏晉兵力，轉用於魯西豫東，實行大包圍計劃，企圖截斷徐鄭間交通，使徐州攻略容易。

薛上將時任第三戰區前敵總司令，駐屯濉，指揮各軍分向杭嘉京蕪一帶挺進，掃蕩盤據之敵，切斷京杭京滬滬杭水陸交通，箝制敵軍，使不能抽調轉用，以策應第五戰區之作戰。數月以來，大有俘獲。適值魯西戰局日緊，遂奉調北上指揮。五月十一日馳赴漢口，十二日晉謁最高統帥，即隨飛鄭謁第一戰區司令長官程公請示。十二日夜，進至商邱，開始計劃作戰。

第二 第一戰區第一兵團軍隊區分

總司令 薛岳

第八軍軍長 黃杰

第四十師

第一〇二師

第七四軍軍長 俞濟時

第五一師

第五八師

第六四軍軍長 李漢魂

第一五五師

第一八七師

第七一軍軍長 宋希濂

第八七師
第八八師

第三 會戰前敵情概要（參照表第一第二插圖第一）

一、由皖北渡淮河北竄之敵第三第十三師團，若重機械化兵團，九日陷蒙城，十二日陷永城後，續向迴龍集，韓道口，黃口等處進竄。

二、由夏鎮滕縣等處渡微山湖之敵第十第十六師團，第二師團之第三旅團，十四日陷魚台後，增至一師團以上，十七日陷豐縣圍攻沛縣，續向南竄，進犯碭山。

三、第九師團，由魯北向虞城方面進竄。


四、由汶上濟寧渡運河之敵第一〇一師團之一〇二旅團，及偽軍劉桂堂部五千餘，十五日陷金鄉，續向鉅野城武定陶一帶進竄，有直趨曹縣會攻商邱模樣。

五、第十四師團（附第三師團第一戰車高射砲隊，野戰重砲兵第三旅團，橫山步兵第二聯隊，橫山騎兵聯隊。）及小金澤常井部，五月十二日由濮縣渡河，十五日陷荷澤後，分兩縱隊南犯，其右縱隊步兵第二十七旅團，騎兵一聯隊，野砲兵一營，重砲兵一連，工兵一中隊，十七日早一時由新興集南犯，其先頭之五十九

蘭封會戰敵情判斷要圖

二十七年五月旬中

插圖第一



聯隊，已竄抵內黃儀封一帶，其主力於十六日由荷澤向鐵爐集前進

表一

蘭封會戰敵情判斷表二十七年五月下旬

豫		魯		蘇		皖		蘇		邊		區		分		區			
第三師團		第二師團		第十師團		第十六師團		第九師團		岩重機械化兵團		第三師團		第十三師團		番			
田村元一				磯谷廉介		中島今朝吾										號			
由礪山方向西犯商邱		由魯北向虞城方面南竄		五月中旬由夏鎮滕縣一帶渡微山湖十四日陷魚台後向豐縣沛縣礪山一帶進犯		五月九日陷蒙城後在蒙城臨漁集一帶集結		五月九日陷蒙城後在蒙城臨漁集一帶集結		五月九日陷蒙城後在蒙城臨漁集一帶集結		五月九日陷蒙城後在蒙城臨漁集一帶集結		五月九日陷蒙城後在蒙城臨漁集一帶集結		五月九日陷蒙城後在蒙城臨漁集一帶集結		部隊長姓名	
																		團	
																		附	
																		註	

- 一、本表係綜合各方面情報調製之
- 二、豫北濮縣貫台封邱及道清綫之敵隨時策援蘭封一帶之作戰其兵力未列入表內
- 三、徐州方面戰局結束後津浦綫及皖中合肥蚌埠一帶之敵皆能轉用於豫東方面其兵力未列入表內
- 四、空軍兵力之判斷另詳表二

表二

敵使用魯西豫東空軍兵力判斷表

軍陸	陸軍第一飛行團			區 分
	第七聯隊	第二聯隊	第一聯隊	號 隊
	五	三	三	中 隊 數
	轟輕 炸重	偵 察	驅 逐	機 種
	二 ·四	三 四	四 五	機 數
	安 陽	德 州	天 津	駐 在 地

陸		陸軍第四飛行團					陸軍第三飛行團			第二飛行團	
愛國機特務隊	飛行第十七聯隊	第十五聯隊	第十三聯隊	第十二聯隊	第十一聯隊	第十聯隊	第五聯隊			第六聯隊	
三		四	二	二	三	二					
偵察 驅逐 轟炸		同右	輕轟炸	同右	同右	偵察 驅逐	偵察 驅逐			驅逐	
三一		三六	二一	一九	二五	二七	四八			三六	
天津							北平			保定	

附 記	合 計	軍		
		軍 連 機 隊	輸 送 特 務 隊	駐 屯 軍 飛 行 隊
本表係照錄軍令部第二廳第一處二十七年四月二十四日調製之敵北戰場使用空軍 兵力判斷表	三百九十一架	旅 客 機	搭 病 院 機	驅 偵 逐 察
			一 五	三 〇
		北 平 天 津	天 津	天 津

第四 情況判斷及處置

基於上述敵情，判決：

敵爲策應津浦路方面之作戰，企圖分路進犯，截斷我隴海路，牽制我兵力，使徐州戰局迅速解決。

兵團鑒於當面狀況，及上峯意旨，決先殲滅由荷澤南犯之敵，再轉移兵力，肅清魯西豫東之敵，確保徐鄭間交通，策應第五戰區作戰，於十九日午前九時，處置如左：

甲、令第四六軍軍長李漢魂爲第一路軍總指揮，率領集結商邱附近第四六軍之一五五師，第七四軍之五一師五八師，砲十六團（欠第二第三營），砲九團第三營，向舊考城民權之綫前進。

乙、令第七一軍軍長宋希濂爲第二路軍總指揮，率領集結考城蘭封民權附近第七一軍之八七師八八師，二七軍之四六師六一師，一〇六師，應以一部箝制當面之敵，確保民權蘭封交通，待第一路軍之到着。

丙、第五十二軍爲總預備隊，位置於柳河附近。

丁、預定於二十一日拂曉開始總攻擊，夾擊敵於舊考城民權蘭封考城間而殲滅之。

同時並電第三集團軍副總司令孫桐萱，確保單縣城武定陶曹縣諸要點，掩護攻擊軍之安定，并令第五五軍於二十日集結磚廟集，應機阻擊由大黃集南犯之敵，及截斷敵歸路，另以有力一部向舊考城楊橋之綫擊敵側背。電第二十集團軍總司令商震，確保東明考城要點，截斷敵歸路。

二十日午前九時，荷澤之敵乘汽車三百餘輛南竄，午經宋集被新三十五師邀擊，仍向民權急駛；敵主力竄至內黃及其東北地區。判斷敵主力似將確實佔領野鷄崗民權內黃諸要點，或將竄擾鐵道以南。本兵團遵最高統帥之意圖，決以野鷄崗楚莊砦石樓內黃馬王砦賀村爲攻擊目標，對曹考方面作戰指導如左：

甲、第六四軍第七四軍主力爲東路軍，沿鐵道兩側地區前進，主力在鐵道以北，包圍攻擊敵之側背，民權爲攻擊據點，尤須確保。

乙、第七一軍第二七軍爲西路軍，七一軍在右爲西路軍主力，指向儀封內黃攻擊，并以有力之一部，由鐵道南側，向興隆砦內黃攻擊，確實佔領之，以遮斷儀封內黃敵之連絡；二七軍在左，應以有力一部確實佔領郭莊楊橋之綫，截擊敵後方連絡，主力由紅廟向馬王砦攻擊。

丙、新三十五師向宋莊紙坊集攻擊。

丁、第三集團軍以有力一部向舊考城賀村之綫攻擊，以一師伏於魯道口呂砦大寨集馬樓王莊等地區，相機襲敵。

戊、第三十二軍以一部確實佔領大黃集團集，以一師伏於楊橋大寨集（不含）郭莊小朱杜樓馬莊等地區，相機襲敵。

己、第七四軍之一部，第五十二軍，爲東路軍總預備隊，位置於民權以北地區；第七十八師，爲西路軍總預備隊，位置於蘭封以南之楊壩集。

庚、決於五月二十一日午前四時開始總攻。

第五 會戰經過

甲 蘭封之戰（插圖第二）

五月二十一日，第六四軍主力進抵程莊砦，一部抵羅莊，夜經申集野鷄岡人和集向馬牛橋金盆搜索前進；第七四軍之五一師擊退魏花園敵騎百餘，協同八八師廖旅之一部向馬莊砦攻擊，將敵四五百擊潰，確佔馬莊砦。八八師廖旅主力，攻克內黃人和集，敵一部向西北毛古砦，主力步兵二千餘，騎兵三百餘，砲二三十門，戰車六七十輛，汽車百餘輛，向西南雙塔集金盆七崗楊堦集逃竄。圈頭步騎砲連合之敵本晨南竄祥符營柿園集，隨向馬道府孟皎集進犯，與二七軍激戰，敵乘夜陷羅王車站及曲興集。第二十師副師長張測民所率之二十師步兵四團，二十二師及二十九師步兵各一團，斷敵大寨集馬樓集交通，並夜襲舊考城西土山集敵高級司令部及石晨土山之敵，甚有斬獲。

二十二日，第七四軍五一師進抵馬莊砦賀村之綫，分向土山陳崗紅廟攻擊前

進。李軍長漢魂率五八師一五五師繼向馬牛橋金盆攻擊前進。第八八師之廖旅在水白口地區集結。張測民部伏於磚廟集魯道口呂砦大寨集馬樓集王集地區斷敵歸路。第五十二軍遵令開後方整訓，餘部編一混成旅歸第二師旅長鍾祖蔭指揮留前方作戰。我既分路圍敵，決於二十三日丑刻，令：

甲、第七一軍，由儀封沿鐵道兩側向蘭封孫莊之綫攻擊。

乙、第六四軍之一師，由人和集經雙塔集向固砦楊堦集之綫攻擊。

丙、第七四軍之一師，由內黃經祥符營向孫莊固砦之綫攻擊；其五一師控置申集馬莊砦楚莊砦石樓賀村，搜擊東北，防敵反攻。

丁、第八八師廖旅，扼民權野鷄崗高集內黃儀封之綫，掩護鐵道。

戊、第十二軍一部，搜剿馮莊呂砦大寨集大楊集磚廟集地區殘敵。

己、第三十二軍一部，搜剿楊橋集郭莊小朱紙坊集地區殘敵，并以一師伏於大營雷新莊雷集，截擊蘭封北潰之敵。

是夜，敵迂襲蘭封附近各部，稍有損折，第二七軍已移楊堦集孔莊。

二十三日，第五一師之一五三旅，傍晚猛攻毛古砦，敵頑抗五小時，協以戰車九輛衝鋒，我毀其五，斃敵五六百，俘戰車五輛，重機槍四挺，輕機槍十七挺，步馬槍三百餘枝，戰馬三十二匹，其餘機械輜重文件甚多，遂克毛古砦，進克楊莊李莊和樓。第六十四軍部率一五五師，進抵楊堦集，展開酒府樓李砦之綫，向羅王車站攻擊前進；第五八師由內黃侯砦晚到祥符營。宋軍長希濂率八七師（以一團固守圈頭東毛古砦楊莊之綫）及八八師廖旅，進抵孫莊。第十二軍之二十師六十旅，第五五軍之二十九師八十六旅，到達楊橋大砦集紙坊集郭莊小朱等處，第二十師之五十九旅到達大黃集，八十一師在韓莊磚廟集斷敵歸路。惟守備蘭封之第一〇六沈克師，因交防疏忽，是晚被敵襲據。

二十四日，第一五五師攻佔後伊王，迫近羅王車站，宋軍長希濂率八八師（欠一團）八七師之一團，沿鐵道南側西進，均因蘭封情況變化之影響停止前進。第五十八師向固砦孔莊方面推進。俞軍長濟時率五十一師進至大曹吳崗大營，已與七一軍取得連絡。第十七軍團胡宗南軍團部在八里灣（鄆陵）所屬第一軍之第一

師第四十六師第七八師，在張司茅順河集商寨田寨之綫，以曲興集爲攻擊目標。張測民所率之二十師（欠一旅）及二十二師之一團，由大砦集楊橋南張莊紙坊集一帶，向石樓賀村搜剿殘敵，準備使用於蘭封方面。新三十五師及騎兵一團，與三義砦敵澈夜激戰。綜合當面情況，敵土肥原全部，聚集於蘭封羅王砦羅王車站曲興集三義砦地區負隅固守，有迅速擊破之必要，遂決定如左之攻擊部署：

甲、第七十一軍第二十七軍之一部，任蘭封及東崗頭兩據點之圍攻，蘭封須於今晚奪取，佔領兩據點後，向三義砦及其以北地區攻擊。

乙、第二十七軍主力，展開於薛莊南端張成崗前後伊王東端之綫，向三義砦西部丁砦之敵攻擊。

丙、第六四軍主力及第五十八師，展開於前後伊王小砦西里村胡砦令清明之綫，向于河咀曲興集東方之敵攻擊。

丁、第二十七軍之重砲，以一連在大砦附近，一連師爺附近，佔領陣地，於二十五日拂曉前射擊準備完畢。

攻擊初期，應以全力援助六四軍攻奪羅王砦，爾後轉移火力，支援曲興集三義砦之攻擊。

第七十一軍山砲營，着歸二十七軍指揮。

戊、各部於二十四晚十二時前準備完畢，二十五日午前四時開始攻擊，砲兵同時開始射擊。

同時并令孫副總司令桐萱，令原控置於大寨集楊橋郭莊杜樓之一師，即移置於石樓賀村之綫對北警戒，阻擊由大黃集方面來擾之敵，及準備西經紅廟截擊由蘭封北竄之敵。

湯恩伯奉派第一戰區第二兵團總司令，現在歸德區域之馮治安龐炳勛黃杰李延年李仙洲劉汝明羅奇李英各部均歸其指揮。

二十五日，第一五五師午進至趙集陳砦綫平原麥田，敵以卡車沙包於石砦羅王車站羅王砦三處編成強固據點頑抗，并以戰車掩護步兵猛衝，互致重損，我突以一部攻佔右翼之黃樓，第五八師向羅王車站西攻擊，夜曾佔車站一部，但受石砦羅

王砦敵之猛烈逆襲，混戰終夜，傷亡過大，仍退出，七八師進至距羅王車站二百公尺處，猛攻，敵以票房爲據點頑抗，七一軍向蘭封城猛攻，激戰至烈。爲迅速擊破蘭封之敵，令：

甲、孫副總司令桐萱以石樓賀村之機動師，迅經紅廟向蘭封攻擊前進，石樓賀村，另派隊警戒。

乙、俞軍長濟時所率之五十一師，除內黃儀封東崗頭各留一部對東北警戒外，主力卽向蘭封攻擊前進。

二十六日，第六四軍之一五五師五十八師拂曉總攻，砲毀敵據點，以重機槍掩護步兵匍伏搏敵，午克羅王車站丁砦王莊，敵由三義砦曲興集反攻未逞。新三十五師亦克三義砦附近之蔡樓柴樓。一〇六師克十八砦何砦薛樓寶王寺，其兩團衝入三義砦南門，斃敵人毀敵汽車甚多，但爲敵伏兵狙擊，仍退出。張測民所率二十師各部向韓陵孫場高場之綫前進中。胡宗南部第一軍右翼攻佔順河集高堂砦田砦高砦之綫，左翼攻佔大小王莊陳留口之綫，敵潰退三義砦蘭封口。當命俞軍長濟時統

一指揮二十師、五十一師、新三十五師、一四一師之唐旅、騎兵十四旅、向三義砦蘭封口之敵攻擊。

二十七日，拂曉前，敵由曲興集向我皮砦王莊反攻，守皮砦之一五五師九二八團之一部全部犧牲，皮砦又陷，但仍爲我預備隊奪回；敵以攻擊失利，轉向羅王車站反攻，守車站一五五師九二六團一部，又幾全部犧牲，失而復得者數次，敵由羅王砦退去。七一軍自二十五日以來猛攻蘭封，激戰日夜不輟，其八七師攻克許樓後，本晨三時，八八師五二三團攻克蘭封城，敵向西北潰退，八七師之一團尾追至薛樓鞍章與五一師四六師夾擊敗殘之敵。五十一師攻佔寶王寺河渠，向三義砦進攻。二十師六十旅攻佔查莊丁圪塔新莊楊圪塔，向蘭封口夾河灘三義砦進攻。

時碭山虞城方面之敵，已竄抵商邱附近，有圍攻商邱繞道西竄，策應蘭封方面之敵企圖；而蘭封之敵，連日被我圍擊，損失奇重，疲憊不堪，除電黃軍長杰竭力堵擊商邱方面之敵西犯，手令：

甲、六四軍七四軍七一軍二七軍，迅將當面之敵殲滅。

乙、商總司令震，迅飭新三十五師，騎兵第十四旅，速向蘭封口三義砦殘敵截擊，并以有力部隊伏於考城南方東西地區截擊。

丙、孫副總司令桐萱，即令紅廟賀村大砦集附近部隊截擊敗潰之敵。

是日騎兵第一師第二旅馬祿部之一團，奉令開楊堦集歸本部指揮。又層奉委員長蔣令：委薛岳第一戰區第一兵團總司令，仍指揮李兪宋桂各軍及第一軍李鐵軍軍，歸德方面之作戰，已令湯恩伯負責指揮。

二十八日，第一五五師由皮砦王莊圍擊羅王砦；五八師幾經衝擊苦戰，攻克羅王砦應城府張砦，敵潰曲興集。第二十師向夾河灘三義砦北門衝進，敵以戰車九輛掩護步兵向楊圪墻反攻，爭奪竟日，爲我擊退。第五一師攻佔三義砦附近據點，選隊爬三義砦城，與敵激戰自夜至次晨，因敵地利工堅，未能奏功。

胡宗南部之第七八師於徐莊東莊，第一師於陳留口南之大小王莊賈砦，三十六師於曲興集西及北方，與敵激戰，敵向三義砦潰退。

時碭山之敵已佔商邱車站，賈台之敵亦將渡河，晚命各軍總攻，期先肅清三義

砦曲興集狹小地區負隅之敵，再東向迎擊商邱方面之敵，并令新三十五師接守蘭封城防及國防工事。

二十九日，各部於昨日下午六時總攻，激戰至本晨上午五時，第五八師克范店，續向北攻。第五十一師與敵爭奪柴樓，反復衝殺，其三〇二團傷亡甚大，團長紀鴻儒殉國。第二十師與敵爭奪王莊楊圪塔，得失數次。

時圍攻商邱之敵約步兵一旅團，砲兵一聯隊，工兵、通訊、汽車各一中隊，機械化兵一營，其一部竄至小垵集，主力經鐵道南側向寧陵方面前進；陳留口蘭封口貫台間之敵所架浮橋已完成，戰車汽車多已齧集，即將渡河，敵由東西兩方併進，期解三義砦曲興集被困敵之圍，及將直出許昌鄭州，犯我平漢綫，企圖已極顯著。

奉司令長官程艷午電：轉奉 委員長蔣儉午鄂手令要旨：東路敵軍，必於二三日內向西急進，由周口直出許昌鄭州，後方堪虞，望速抽六師以上兵力，在側後方作總預備隊，指定李鐵軍李漢魂俞濟時三軍，負責掃蕩蘭封附近殘敵。當遵 司令長官程示要旨，處置如左：

甲、騎兵第二旅（欠一團）主力，位置於寧陵睢縣附近，一部在桑園集柘城勒馬集順河集間擔任警戒。

乙、孫桐萱部以一團佔領柳河，一師佔領民權，拒敵西犯。

丙、第一〇二師第一八七師，在睢縣附近佔領陣地，以一部在寧陵遲滯敵之前進，爾後歸李軍長漢魂指揮。

丁、第七一軍，本夜以八七師一部開淮陽主力開太康，八八師開龍曲集附近佔領陣地。

戊、第六一師第一五五師第五八師，於本日午後八時三十分交防後，午後十時三十分，

一、第六十一師先在孟皎集附近集結整理後，即開楊堦集附近佔領陣地；

二、第一五五師先在孫砦附近，第五十八師先在胡砦附近集結整理後，即開杞縣附近佔領陣地，并派一部於邢口柿園集附近，對睢縣柳河方面警戒；

以上三師，統歸李軍長漢魂指揮。

己、第二十師於本日午後八時三十分，以一部配置於楊圪墻新莊戶，主力接替柴樓寶王寺河渠東西堤灣鞍章地區第五十一師防務；

第五十一師於本日午後三十分，以一部留置原陣地交防，主力移東西堤灣（不含）朱莊崔樓李莊張樓何砦吳樓接替二十七軍四十六師之防務；
新三十五師固守蘭封城及附近國防工事；

以上三師，統歸兪軍長濟時指揮。

庚、第二十七軍（四六師，一〇六師，三十六師之一團。）於本日午後八時三十分，以一部留置原陣地交防，主力移吳樓（不含）范譚莊蔡莊賈堂趙樓洪山廟張砦應城府，接替第六一師第一五五師之防務。

辛、第七十八師於本日午後八時三十分向右延伸，接替范店何砦第五十八師之防務。

壬、各軍應控置強大預備隊機動使用；

七四軍預備隊，控置於李氏砦；

二七軍預備隊，控置於馬莊；

十七軍團預備隊，控置於羅王砦及曲興集西之柴砦附近。

乙 平漢綫之新部署（插圖第三）

我軍退出徐州後，麇集商邱附近之敵，得津浦路敵增援，更形猖獗，二十九日陷寧陵，三十一日陷睢縣，一部沿隴海路正面，主力沿鐵道南側，向西挺進，與我第八軍第五五軍激戰於柳河睢縣間；侵據亳州之敵，則向柘城鹿邑竄擾。判斷敵企圖沿隴海路南側向西挺進，救援三義砦曲興集被困之敵，或直趨太康扶溝許昌，切斷平漢路。

五月三十日，薛上將奉委第一戰區前敵總司令，所有湯恩伯商震孫桐萱胡宗南曹福林各部，均歸指揮；又奉令司令長官程公回鄭策劃，對東作戰，均歸前敵總司令負責指揮；三十一日，再奉司令長官程公世未代電頒發第一戰區兵力轉移部署腹案。

六月一日，薛上將蒞開封，遵照上峯指示，策示兵團部署如左：

蘭封附近戰鬪經過要圖

日九十二至日一十二月五年七十二

插圖第二



例 圖

- 五月二十八 二十九日態勢
- 五月二十七日期勢
- 五月二十五 二十六日期勢
- 五月二十三 二十四日期勢
- 五月二十一 二十二日期勢

甲、河防部隊

一、開鄭守備區：(32A〔欠193D〕39A〔34D56D〕N35D) 歸商震之指揮，擔任祖糧砦迄黃河鐵橋之河防，(但開封附近，應準備一部，協力孫桐萱軍之一師固守據點。)

但祖糧砦河防，爾後隨野戰軍之逐次西移，同時向西撤收。

二、汜鞏守備區：(53AN8D) 歸萬福麟之指揮，擔任黃河鐵橋(含)迄井溝間河防，但新入師應控置於汜水附近。

三、洛澗守備區：(90A〔欠195D〕45D) 歸彭進之之指揮，擔任井溝迄張茅鎮間河防。

乙、據點守備隊：

一、開封 孫桐萱軍之一師，商震之一部(受薛總司令指揮)

二、鄭州 孫桐萱軍之兩師。(受薛總司令指揮)

三、許昌 張自忠軍團。(受湯總司令指揮)

四、鄆城 李延年軍。（受湯總司令指揮）

五、駐馬店 陳大慶師。（受湯總司令指揮）

六、周家口 馮治安軍。（受湯總司令指揮）

七、淮陽 劉汝明軍。（受湯總司令指揮）

八、沈邱 羅奇師。（受湯總司令指揮）

九、商水 梁凱師。（受湯總司令指揮）

丙、平漢綫以東野戰部隊：

一、羅奇師，劉汝明軍，馮治安軍，黃杰軍之一部，張占魁騎兵旅，均歸湯總司令指揮。

二、沈克師，馬彪騎兵師之一旅，均歸薛總司令指揮。

丁、游擊部隊：

一、石友三軍服行原任務，依情況轉移於魯西。

二、孫桐萱軍，一部由曹福林率領，以魯西豫東爲根據，與平漢綫以東之野戰

部隊切實聯絡，依襲擾行動，使敵之西進困難，依情況爾後轉移於魯東。
三、河北各游擊部隊服行原任務，爾後相機向西指導其行動，使道清綫西段之敵渡河困難。

戊、轉用部隊：

一、宋希濂軍 向禹縣邾縣。

二、胡宗南軍團（加36D109D）先以一師向汜水鞏縣間轉移，俟商震及孫桐萱軍到達接替後，逐次西移上絨地區。

三、李漢魂軍 向密縣。

四、桂永清軍 向洛陽。（歸其指揮之三十六師之一團，應即歸還建制。）

五、黃杰軍 向襄城葉縣。

六、俞濟時軍 向泌陽。

但因孫桐萱部距汴鄭過遠，未能及時到達，爲確保汴鄭，令商總司令先派一四一宋肯堂師於二日拂曉前接替第一〇九李樹森師開封守備，第一〇九師交防後，

開鄭州南十里堡地區集結。

二日，敵兵車三列，由東開至小堤車站，歸德飛機場停機百餘架。是晚，三義砦之敵向西北突圍，與我軍激戰甚烈。

三日，敵四五百竄至柳河，敵汽車百餘輛，由東駛經柳河向民權方面西馳，陳留本晨失陷，通許尉氏電話不通，亳州敵竄鹿邑柘城附近，情勢迫切。當令開封一四一師，與陳留通許尉氏間之一〇九師第二十三師各一部，以游擊手段襲敵，遲滯其行動；新三十五師本晚放棄蘭封，西移臨汝待命；第二十師張測民部開鄭州東北沈莊黑豬莊八里廟官府屯地區集結，歸李師長樹森指揮，協守鄭州；并令西移各部，明四日夜半前，通過中牟朱仙鎮尉氏各地。

四日，三義砦敵反攻蘭封，又敵一部會合陳留敵犯開封。我轉進各部秩序良好，動作迅速；惟孫桐萱部以分守單縣鉅野荷澤定陶曹縣等地，地廣途遠，積雨泥濘，尙滯內黃曹縣間。遵 司令長官程支電，發掘楊橋東之黃道口黃河堤，構成氾濫，阻敵西犯。

五日民權以東已通車，柳河敵增至五六千，尉氏到敵二千餘，將犯蘇橋和尚橋，扶溝北發現諸兵連合之敵千餘，砲七門，向許昌方向前進。我張自忠軍團各師，沿八里營、徐灣、姬莊、洞上、王岳橋之綫佈防，以騎兵第二旅及保安團守備許昌；第二十四師開新鄭任城防；新三十五師被阻於孟皎集西伊村附近，即令此後歸孫桐萱指揮；孫桐萱部以一師擊退犯內黃之敵，第二十二師集結蘭封附近，以一部監視馬莊杞縣之敵；桂永清軍司令長官已令在偃師孟津集結整理，轉進各部，除孫桐萱外，均將到達目的地，特策定作戰指導要領給予各部。

第一戰區作戰指導要領

第一 方針

一、軍以主力於豫西有利地形行攻勢防禦，預期乘敵沿平漢路南犯之好機，由左轉移攻勢，協同友軍包圍敵於許昌確山間地區而殲滅之。

第二 指導要領

一、開封（或鄭州）以西之黃河南岸，仍以有力兵團嚴密守備，絕對敵之渡河。

三、軍以潼關洛陽臨汝南陽爲根據地，以主力在汜水襄城間，一部在邙縣信陽間，佔領既設陣地，準備機動攻勢。

四、對平漢綫確山駐馬店鄆城許昌新鄭鄭州，仍以有力之一部確實掌握之，以遲滯並消耗敵之兵力。

五、另以一部於豫東魯西豫北行廣泛之游擊戰，以擾襲破壞敵之後方連絡，使敵增援與補給極端困難。

六、敵如以主力沿平漢路南犯信陽，我則以主力由隴海路以南地區攻擊其側背。

七、敵如以主力直沿隴海綫西犯，企圖進窺鞏洛時，我應利用芒山及嵩山間有利地形，極力拒止并消耗敵之兵力，相機由右轉移攻勢，將敵包圍於黃河南岸而殲滅之。

八、敵倘停頓於鄭州信陽間時，我軍應積極補充，準備於雨季期間與敵作戰。

第三 兵團部署

九、河防部隊

1. 開鄭守備區(32A39AN35D)歸商震之指揮,擔任祖糧砦黃河鐵橋(不含)間河防,但應以一師固守開封,遲滯敵之前進。爾後依情況逐次向西撤至鄭州附近,佔領對東國防工事,協力新鄭之二十四師固守新鄭鄭州,極力遲滯敵之西進。

但依特殊情況,商部如不能通過中牟尉氏之綫西進時,則以杞縣太康爲根據,展開游擊牽制敵軍。

2. 汜鞏守備區(53AN8D)歸萬福麟之指揮,擔任黃河鐵橋井溝間河防,但Z8D應控置於汜水附近地區。

如因情況商部未能接收鐵橋以東河防,則Z8D仍任該地區之河防,對東聯絡友軍警戒側翼。

3. 洛澗守備區(90A〔欠195D〕45D)歸彭進之指揮,擔任井溝(不含)張茅鎮間河防。

十、據點守備隊

1. 沈邱區 第一九五梁凱師，即在沈邱項城新興集間任游擊，但沈邱須以一部確保之。

2. 商水周家口區 劉汝明軍團(28C)最初即在上述地區展開游擊，並以一部任商水周家口之守備，爾後適時轉移泌陽桐柏間地區為第二線兵團。

3. 淮陽區 第九五羅奇師并指揮新五師，擔任該區之游擊，但須以一部固守淮陽，爾後適時轉移舞陽西南龍泉寨保安砦間，任既設陣地之守備，或各歸還建制。

4. 確山駐馬店區 第四陳大慶師，以一部守備駐馬店，并展開游擊，爾後適時轉移確山以西沙河店附近地區構設陣地擔任守備。

5. 鄆城潔河區 李延年第二軍并指揮第九一馮占海師(欠一旅)以各一部任守備，并在該地區內機動遲滯敵人。爾後適時轉移保安砦葉縣間地區守備既設陣地。

6. 許昌區 張自忠軍團(27C)以一部任許昌守備，主力機動遲滯敵人，爾後

轉移魯山方城間爲第二線兵團。

7. 新鄭鄭州區商震指揮32A39AN35D24D，固守新鄭鄭州，原在鄭州附近之五二軍一旅，一〇九師一旅，待商軍到達後，歸還建制；新鄭守備軍於萬不得已時，轉移登封附近地區爲第二線兵團。

以上各部隊守備各地區，以攻守兼施，剛柔并用爲原則，其行動要領，以一部固守縣城，牽制敵之兵力，以主力卽在規定區域內機動攻敵，非有命令，不得離開規定區域，以遲滯消耗敵之兵力。至其轉移時機，或變更活動區域，統由所屬總司令軍團長軍長命令之。

十一、游擊部隊

1. 石友三第六十九軍仍服原任務，依情況轉用於魯西。

2. 孫桐萱第十二軍之一部，由曹福林率領在魯西，主力由孫桐萱率領在豫東之廣大地區，策應主力軍，極力襲擾敵之側背，破壞交通通信，使敵西進補給增援，極度困難。

3. 河北各游擊隊仍服原任務，爾後相機向西指導其行動，以防害敵在平漢及道清綫之活動，使其渡何困難。

十二、攻勢部隊（原配屬部隊仍舊）

由前敵總司令薛岳統一指揮，其區分如次：

1. 第二兵團

總司令湯恩伯，指揮下列部隊：

俞濟時軍 74A

王仲廉軍 85A

張 軫軍 13A

李延年軍 2A

劉汝明軍團 28C (68A)

龐炳勳軍團 3C (40A)

黃 杰軍 8A

關麟徵軍 52A

張自忠軍團 27C (59A)

羅 奇師 95D

馮占海師 91D

李 銑師 N5D

張占魁騎兵第十四旅

2. 李漢魂軍

長李漢魂指揮下列部隊：

宋希濂軍 71A

李漢魂軍 64A

李仙洲軍 92A

預備第八師

李 英師 24D

沈克師 106D

3. 第十七軍團

長胡宗南，指揮下列部隊：

李鐵軍軍 1A

桂永清軍 27A

劉和鼎軍 39A

預備第九師

蔣伏生師 36D

王勁哉師 N35D

李樹森師 109D

馬祿騎兵第二旅

200D 搜索營

4. 作戰地境

第二兵團

二郎廟——倉頭——邳縣——穎橋——許昌——鄆陵——太康——柘城

李漢魂軍

——馬牧集之綫，綫上屬第二兵團。

第十七軍團

平等——自由——葉寨——登峻坡——小金店——馬河——方溝——郭店——朱仙鎮——陳留——民權之綫，綫上屬李漢魂軍。

5. 各部之任務：

甲、第二兵團

以主力於信陽（不含）確山舞陽邳縣（含）附近佔領既設陣地，拒止敵人，相機協同友軍轉移攻勢。

乙、李漢魂軍

以主力於黃榆店禹縣密縣趙坡附近佔領既設陣地，拒止敵人，依情況并以一部於長葛和尚橋附近佔領平漢路對北面既設陣地，拒敵南犯。

敵南犯。

相機聯合湯恩伯胡宗南部轉移攻勢。

丙、第十七軍團

於孫閣滎陽南北之綫佔領既設陣地，拒敵西犯，并相機聯

合李漢魂軍擊滅沿平漢路南下之敵。

十三、控置部隊：

第二十集團軍商震部(32A)

預備第七師

第四 後方機關

略

第一戰區前敵總司令部作命第一號 六月五日下午二時於鄭州

一、進犯亳州之敵約兩聯隊，其一部已竄至鹿邑附近，我劉汝明軍連日予敵重創，現仍在鹿邑淮陽間地區對戰中；由商邱西犯之敵，爲第二師團第三混成旅團，其一部已竄至陳留附近，我孫桐萱軍，正由內黃民權柳河，向南猛攻敵側後，敵已遲滯不進；

敵第十四師團主力，第三師團一部，自被我軍圍攻於三義砦曲興集間地區後，傷亡大半，六月三日，殘敵由西北突圍，現其一部已竄至開封附近。

二、軍以主力於豫西有利地形行政勢防禦，保持重點於左地區兵團，乘敵沿平漢

路南犯之際，由左轉移攻勢，協同友軍將敵包圍於許昌確山間地區而殲滅之。

三、兵團部署

甲、軍隊區分

右地區兵團

長第二兵團總司令 湯恩伯

第七十四軍軍長 俞濟時

第五十一師

第五十八師

第八十五軍軍長 王仲廉

第四師

第八十九師

第十三軍軍長 張軫

第二十三師

第一百一十師

第二軍軍長 李延年

第三師

第九師

第二十八軍團長 劉汝明

第六十八軍

第一百一十九師

第一百四十三師

第三軍團長 龐炳勛

第四十軍

第八軍軍長 黃杰

第四十師

第一百零二師

第五十二軍軍長 關麟徵

第二師

第二十五師

第二十七軍團長 張自忠

第五十九軍

第三十八師

第一百八十師

第九十二軍軍長 李仙洲

第二十一師

第九十五師

第九十一師（欠一旅）

新編第五師

騎兵第十四旅

左地區兵團

長第十七軍團長 胡宗南

第七十一軍軍長 宋希濂

第八十七師

第八十八師

第六十四軍軍長 李漢魂

第一百五十五師

第一百八十七師

第六十一師

第一軍軍長 李鐵軍

第一師

第七十八師

第三十六師

第二十七軍軍長 桂永清

第四十六師

騎兵第二旅（現暫歸李軍長鐵指揮）

第二百師搜索營

預備兵團

第一百零六師

新編第三十五師（現暫歸李軍長鐵指揮）

預備第八師

預備第九師

鄭州守備隊

長第一軍軍長 李鐵軍

第二十師

第一百零九師

第二師第四旅

預備第七師之一團

開封守備隊

長第一百四十一師師長 宋肯堂

第一百四十一師

新鄭守備隊

長第二十四師師長 李英

第二十四師

開鄭河防守備隊

長第二十集團軍總司令 商震

第三十二軍軍長 商震

第一百四十二師

第三十九軍軍長 劉和鼎

第五十六師

第三十四師

新編第八師

汜鞏河防守備隊

長第二十六軍團長 萬福麟

第五十三軍軍長 萬福麟

第一百一十六師

第一百三十師

洛澗河防守備隊

長第九十軍軍長 彭進之

第九十軍

第四十五師

第一百四十六師

河北游擊隊

長第六十九軍軍長 石友三

第六十九軍

第一百八十一師

新編第六師

魯西豫東游擊隊

長第三集團軍總司令 孫桐萱

第十二軍軍長 孫桐萱

第二十二師

第八十一師

第五十五軍軍長 曹福林

第二十九師

第七十四師

獨立第二十八旅

乙、各部隊之行動及任務

子、右地區兵團，應以一部確守平漢線信陽（不含）確山駐馬店鄆城許昌及其以東各要點，竭力遲滯敵之前進，消耗其主力，主力在信陽（不含）確山舞陽囊城塚頭之綫佔領既設陣地，重點保持於左翼，適時轉移攻勢；但兪濟時軍，應位置於泌陽附近，黃杰軍位置於襄葉之綫。至該地區兵團應守備之據點及兵力部署，遵照作戰指導綱領之所示。

丑、左地區兵團，應以一部確守和尚橋酸棗林觀音堂郭店各據點，與新鄭許昌各據點守備隊切取連絡，拒敵西犯；主力宋軍於塚頭巨禹縣至蔡寺之綫佔領陣地，李軍於蔡寺（含）巨黃寨至姚村之綫佔領陣地，胡軍團於姚村巨滎陽至宋葦之綫佔領陣地，重點保持於密縣附近，協同右地區兵團，適時轉移攻勢。

寅、作戰地境：

右地區兵團——二郎廟——倉頭——邾縣——塚頭——渾集寺——

左地區兵團——金灣村——鄆陵——太康——柘城之綫，綫上屬右。

卯、預備兵團：預備第八師控置於臨汝，預備第九師控置於登封，新編第三十五師及一〇六師控置臨汝東之官衙趙洛山頭起附近，以策應各方面作戰。

辰、開鄭新守備隊，各以小部確保各據點外，主力在開鄭近郊及城廂努力拒止敵人，相機擊破殲滅之。

巳、各游擊部隊，應各在指定地區構成游擊根據點，分佈四出，襲擾敵之側背，乘機殲滅之，并確實破壞其交通通信，使敵無力西進。

午、各河防部隊，應確守河防工事，拒敵渡河，使攻勢部隊作戰容易。

未、各兵團部署，除遵照本令及作戰指導綱領所指示外，其詳細部署，由各部隊長就現地妥為規劃部署具報。

本晨，接湯總司令電：奉 委員長蔣諭：劉汝明軍以一旅守淮陽，主力移守商水周家口；九五師應即歸還李仙洲軍建制；一九五師即開魯山歸關軍長整理。

六日，進犯開封之敵，陸續增至一旅團以上，第一四一師久戰疲憊之軍與敵激戰連日，雙方傷亡甚重，自五日夜以來，電報電話均不通，情況不明。原竄陳留諸兵連合之敵三千餘，自四日下午進抵開封南郊，與我魯屯守軍激戰，主力向沙崗寺以北圍攻，掘我城東北角，一部四五百，沿鐵道犯車站，騎兵五六百，竄太平崗以西地區，激戰至五日晨，我守軍派一營由沙崗寺朱屯魯屯逆襲，奪回太平崗，旋敵增援反攻，魯屯被佔。六日午，敵由蘭寨增來步兵三千餘，砲三十餘門，猛轟北門及東北城角，并以飛機狂炸，斷我城內外交通，宋肯堂師反復搏鬥，卒因傷亡甚衆，彈藥又盡，勢難苦撐，經抽河防部隊攻敵側背，詎敵早有準備，未能成功，開封竟以不守。

七日，開封敵步騎千餘，砲數十門，戰車十餘輛，經韓莊車站犯中牟東北，中牟車站，亦發現敵人，進攻至烈，夜半，突破我三官廟曹莊，城內電話不通，我守軍一一九師之七二三團以寡禦衆，頗有傷亡，幸一四一師馳擊敵於劉莊後黑砦，斬馘甚衆，至八日拂曉，將敵擊退。

八日，僞軍劉桂堂部數百竄鄆陵高中集，敵數百竄洧川朱西集，與我自衛隊二

千餘激戰，尉氏敵大部向鄭州進犯，中牟附近有敵千餘，黃店街東北馬家岡東許家一帶，有諸兵連合之敵二千餘，敵似有由隴海路以南西侵，截斷平漢綫，迂迴鄭州西南之企圖。當令：

甲、商總司令震，應固守中牟南北之綫，阻敵西竄，并向洧川尉氏朱仙鎮一帶游擊。第三十二軍主力固守新鄭及新鄭車站官亭寨二郎店劉店古城薛集各要點，三十九軍主力固守郭莊店及鐵道南之薛店張莊街孟莊謝莊集各要點。

乙、宋希濂軍，在湯總司令未派隊固守邙縣塚頭以前，應即各派一部在各該處構築據點，嚴密守備，其主力控置禹縣，并另以一部固守石固和尚橋李莊界牌各要點，阻敵西犯。

丙、李漢魂軍團主力，應控置密縣，以一部固守河雙樓觀音堂三李各要點，阻敵西犯。

丁、第一軍主力，應控置滎陽附近，以一部固守水磨薛樓須水鎮祥符營廣武各

要點，阻敵西犯。

戊、孫總司令桐萱速率第五五軍，新三十五師，第十二軍（欠二十師）以五五軍一部沿隴海路兩側襲敵，破壞交通，主力即越鐵道南側尾擊，與平漢綫我軍協力殲敵。

本日，湯兵團總部向南陽前進；第二軍向駐馬店信陽前進，爾後車運花園孝感集結整理；郟城防務由一九五師接替，九一師移接駐馬店確山第四師防務；等四師向南陽前進，歸還八十五軍整理；九五師向方城，歸還九十二軍建制，第九十二軍即集結方城南陽整理；第六十八軍除以一旅守備淮陽外，主力守備商水周家口；新五師仍在鹿邑附近游擊；新八師所任河防，因情況變化，向許昌前進歸張軍團長自忠指揮，協任守備。

九日，中牟附近敵，有少數騎兵竄抵白沙以東及龍王廟附近。晚奉 委員長蔣麻電，頒佈武漢衛戍區戰鬥序列，薛上將任爲武漢衛戍區第一兵團總司令，自六月十日起，解除第一戰區前敵總司令職，今後戰局轉趨長江兩岸，蘭封會戰，於此終結。

第六 所得經驗教訓

一、此次會戰，將敵第十四師團包圍於蘭封西北三義砦曲興集一隅，因指揮不統一，以致運用欠靈活，動作欠協同，逸去好機，未能殲滅敵人，殊屬可惜。

二、使用部隊，應力求保持建制，不可分割。

1. 按現行師之編制，實力本不雄厚，且因久戰傷亡，更形單薄，若分割使用，則甚難期其達成任務。

2. 各部隊，對其直屬長官，固知絕對服從，但在分割時，對非直屬之指揮官，常有陽奉陰違之弊，而指揮者亦易存客氣心，不能發揮戰力。

三、佔據莊砦時，力避集中一處，應分據數莊數砦，成犄角之勢，免敵圍攻。

此次會戰，多為平原戰，各部隊常恐敵騎兵及戰車衝擊，故憑莊砦固守時，常集中一處，而敵即乘此弱點，重重包圍，先以燒夷彈射擊莊砦之內，焚燒房屋，使我無立足處，常受意外犧牲，是宜切戒。


四、敵常以少數騎兵及機械部隊組成無數小組挺進前方到處試探我佈防間隙處鑽進，成功後，即以大量汽車運其主力前進，故敵兵力雖少，常能集中使用，處處保持優勢。我軍方面，勿論應付新情況，或乘敵空隙，一進一退，悉爲徒步，不獨緩不濟急，逸失良機，且兵力疲憊，減低作戰勇氣。此次圍殲土肥原部，我軍若有快速運輸工具，則可乘敵主力未集中，或到達喘息未定以前，即可逐股剪滅，不使任意流竄。故有充足之快速輸送工具，爲平原戰勝利之先決條件。

此
页
空
白

平漢綫之新部署經過要圖

日九月六至日十三月五年七十二

插圖第三



附記

- 一 第三集團軍之獨立二十八旅第五五軍之七四師任魯西豫東游擊
- 二 第六十九軍任河北游擊

- 例 圖
- 五月三十日至六月三日態勢
 - 六月四日至五日態勢
 - 六月六日態勢
 - 六月七日態勢
 - 六月八日至九日態勢

約兩聯隊

劉桂堂偽軍數百

左地區兵團

右地區兵團

游擊

游擊

2A向孝感

歸還 85A

歸還

第三卷 南潯會戰 第一期

第一 會戰前敵我一般態勢

甲 敵軍作戰方略

中華民國二十七年七月，九江既陷，寇酋畑俊六，率大軍三十餘萬，溯長江南北兩岸西窺武漢；而以第一〇一師團，第一〇六師團，第九師團，近衛師團一部，配合波田支隊，兵艦八十餘艘，飛機數十架，水陸呼應，自湖口九江南下，圖先略取德安南昌，再西趨長沙，殲滅長江南岸我野戰軍，截斷粵漢路，對武漢形成大包圍，以利全般之作戰。

乙 我軍部署概況

中華民國二十七年八月一日，第九戰區第一兵團總司令薛岳上將，奉令指揮南潯綫作戰，爲如左之部署：

- 一、第二十五軍（五二師，一九〇師）守備盛家咀、巨星子一帶湖防。
- 二、第七十軍（十九師）佔領牛頭山、金官橋之綫。
- 三、第八軍（三師，十五師）佔領十里山、鑽林山之綫。
- 四、第四軍（五九師，九十師）構築車輪北端山、鷄公嶺、皇天腦綫預備陣地。
- 五、第六四軍（一五五師，一八七師，預九師）控置中岩、大岩、茶子山、胡羅婆尖一帶山地。
- 六、第七四軍（四十師，五一師，五八師）控置德安附近。
- 七、第六六軍（一五九師，一六〇師）控置樂化附近。

第二 會戰經過

甲 金官橋、星子、黃老門、瑞昌一帶阻擊消耗戰（插圖第一）

佔領九江之敵第一〇六師團及波田支隊，七月下旬以來，進至九江以南之十里舖，及星子迤北地區；後續第九師團在九江登陸；第二十七師團約於八月下旬可到九江；積極準備攻擊。

敵兵艦八十餘艘游弋九江上游，又十餘艘載敵兵及戰車裝甲車橡皮舟等，經舊縣上駛，積極準備向鄱陽湖星子攻擊。

二日，敵分由陸空竟日偵我第二十九軍團陣地，我以游擊隊擾亂之，第三集團軍（孫桐萱）之一部近協歐軍防守白馬腦大石山城門湖，撥入第七十九師陳安寶部，即移接永修第七十四軍（俞濟時）之第四十師詹忠言部、涂家埠、吳城鎮及小河渡迄老虎山線湖防，詹師移接第五十八師（馮聖法）老虎山迄楊家窪線湖防，馮師移德安附近。

三日上午，我游擊隊襲敵紗帽山，互有損折，敵海軍自午至晚砲擊黃大腦牛頭山附近，陸路敵連日強築妙智舖沙河間公路，我以楊遇春部（贛保安三團及十一團）隸第三十七軍團（王敬久）固守牯嶺，並分襲姑塘妙智舖之後，破壞交通通信，撥入第二十集團軍（商震）由湘移南昌，分守東鄉進賢及南昌南北之蓮塘市佛頭尖樂化蛟橋等處，又撥入砲兵第二團（欠一營）近隸德安俞軍，其砲兵第十團，仍歸隸大冶張兵團。

四日，敵步兵千餘人，曉犯十里山，其一部四五百突進至馬鞍山以東鐵道以西，被第三師（趙錫田部）擊潰，斃百餘，同時敵砲擊仰頭羅，繼以步兵猛犯，李覺守兵一連幾盡，退守黃大腦，另敵陷第十五師汪之斌部蕭家墩，我退扼娘娘廟黃梅老屋萬家窪線，以歐軍一部接守鑽林山，商部一三九師李兆鏞部，一四二師傅立平部，接守第六十六軍葉肇部之鄱湖西岸湖防，葉軍移築南昌附近陣地，以李覺軍之第一二八師顧家齊部，另預備第十一師趙定昌部，移白槎柘林整理。

五日午前，敵猛陷黃大腦馬鞍山及老虎山，李覺師苦戰傷亡，餘不足五營，時敵

又犯河洲上失利，濫用毒氣，致我官兵五孔流血，至下午三時始漸沉寂，改以李覺師及張言傳師之一營，專守牛頭山高地，李漢魂軍之彭林生師守金官橋，李玉堂軍守鄧家河，張言傳師守尖山高地，陳公俠師扼尖山西側大道及茶子山線，葉軍山砲連開樂化還建制，替以傅師砲兵連，又置傅師重迫擊砲連於馬將軍廟，平射砲連於牛行附近，李兆鏃師山砲連在沈口，重迫擊砲連在武溪市，砲兵第一團之第五連開隘口街隸王軍團，第六連開馬廻嶺隸吳集團。

六日，敵我爭奪金官橋西北端，得失數次，彭師張團長澤深逆襲重傷，陣地全毀於敵砲，互損數百人，時另敵攻鄧家河圖牽製未逞，敵機不斷窺我湖防，且以汽艇測水位，以張言傳師主力守中岩，大岩及碧玉廟，扼香山南北要道，陳公俠師守尖山金家山，兼綰通遠鎮，彭師守金家山亘鄧家河，王歐葉各軍及牯嶺楊部，均以游擊隊輪襲困敵，另以兩師在德安東西兩側山地構築南潯路側面陣地。

七日，敵數百屢犯鄧家河未逞，惟陷大天山及黃梅老屋，汪師防寬兵少，以歐軍右伸接守磨盤山焦家山口獅子山線，八日敵續來犯，被汪師奪回大天山高地，敵又

迫擊並猛犯獅子山及磨盤山焦家山口，均被第九十師陳榮機部擊退。

九日，午前一時敵突襲陷陳家壠，趙錫田師苦戰至晨，斃敵市川聯隊長，我亦傷亡團長一員，另敵分襲陳榮機汪之斌兩師未逞。我以第九十二軍李仙洲部之第二十一師侯鏡如部，夜移黃老門通遠鎮附近，右接中岩大岩之張言傳師，左接卓山車輪中間山之王陵基部，策應南潯正面，次夜續移該軍第九十五師羅奇部至鷄公嶺附近，右聯歐震軍，左接孫桐萱部，即隸吳集團。

十日，南潯正面沉寂，以李覺師扼牛頭山雪裏坡雞竹嶺及牯嶺西北要道，李漢魂軍扼朱家山孔家祠，李玉堂軍扼十里山馬鞍山河洲上，張言傳師仍守中岩大岩，王集團之新十五師移青龍坂，趕築黃老門亘陳家壠及河連山亘岷山各陣地。十一日，各方沉寂，以李仙洲軍夜移瑞昌東南筆架山，長嶺雞公嶺附近撥隸第二兵團，移李玉堂軍集永豐橋廬家灘整補，遺防責之歐軍。十二日，敵炮擊陳公俠師頗有所損，歐軍亦襲潰鳳凰咀甘家河之敵，祇大天山頑抗未下。十三日，戰况又寂，時第十八軍黃維部，撥隸本兵團。計轄第十一師彭善部，第六十師陳沛部，飭由東鄉移南昌接替

葉肇軍

十四日，二百餘敵曉犯焦家山口及獅子山不逞，傍晚，賽湖發現敵艇七艘，木船三十餘隻，蓋敵自八月三日以來，以兩師團犯金官橋東西線，圖沿鐵道進略德安南昌，竟遭頓挫，似將以主力轉略瑞昌，沿瑞德路脅我吳集團左側，故近日正面頓形寂靜也，即移葉軍至德安南之九仙嶺鳳凰山等處，并控置商部傅李兩師機動制敵，十七、十八兩日，我游擊隊活躍擾敵，餘無變化，薛上將統籌戰局，決定十七日起，對永修南昌進賢方面機動防敵，阻其窺我鄱湖西南岸，另置主力德安東北扼星子渚溪湖岸，並索擊敵人右側，以李軍團及歐軍任南潯方面戰守，以王軍團之第二十五軍（王敬久兼）及贛保安兩團任隘口方面戰守，以第二十九軍（陳安寶係合詹師成軍）任永修方面戰守，以黃維軍併率商部傅李兩師任南昌方面戰守，以商部之第一四一師唐永良部及稅警旅任進賢方面戰守，以葉俞兩軍爲預備隊，另砲工兵第三團各兩營，臨時配屬各軍。

敵沿鐵道正面進犯企圖既挫，乃以第一〇一師團配合海空軍，圖由星子方面，

沿德星公路略取德安，包圍我之右側背，切斷南潯路，於十九日開始進犯，以飛機二十餘架輪炸星子城，我守軍五十二師微有損折。乃以六十六軍仍守德安，移第八軍至筭溪柘林構築預備陣地。

二十日，敵艦數艘，艇二十餘，未曉砲擊星子城，繼以六機轟炸，圖由神定湖馬頭灣登陸，旋縱兵千餘陷我大小定山，復砲毀星子城工事殆盡，入晚突破城東南，混戰至十時而城陷，冷師退扼樟樹橋玉筍山，並固守漢陽峯迄東西孤嶺，楊遇春部仍扼牯嶺以游擊隊毀敵交通，葉軍夜移隘口街黃塘舖附近策應王軍，防敵沿星德路竄擾德安，以李軍團協歐軍夜擊老虎山黃大腦仰頭羅南昌舖許家墩周家壠及鳳皇咀黃土嶺大天山之敵，頗有進展，曉仍退扼原防。

二十一日，分路牌土樓鎮敵續增千七百餘人，砲二十餘門，柳絮港有戰車八輛，汽車十餘，敵機竟日偵我第一九零師梁華盛部陣地，晚以三百餘人來犯觀音廟，機砲毀我玉筍山工事，旋大舉衝擊，陣地失而復得，傷亡一營以上，另敵機護艦艇十餘，圖於午前強登牛屎墩碧雲尖，午後又以艦艇各四圖強登流星山老爺廟附近，均未

逞仍以梁師控湖防拒敵冷師組決死隊兩營夜由玉筋山左襲敵側背。

二十二日冷師玉筋山曉被突破，僅保一隅，反覆爭奪，損折奇重，移葉軍第一六零師華振中部之一團至歸宗寺附近策應，令梁師於午後二時接守東孤嶺，卽抽冷師守兵一團增援玉筋山，旋敵全線猛攻，而梁師因交通不便，夜半方抵歸宗寺附近，冷師無力支持，惟死守馬尾峯烏蛇垓漢峰陽以圖恢復。

二十三日，午前二時冷師退守東孤嶺萬杉寺鼓子寨，晨刻敵機六架砲二十門兵艦三艘，集轟東孤嶺樟樹橋桃花尖，頗致損折，另敵艦艇十餘飛機四架，數次圖登王爺廟附近，午後又以小部威力偵我新陣地，並分犯桃花尖鉢孟山，均被擊退，令王軍加強防守，策應葉軍不斷攻擊星子玉筋敵人側後，以疲困之，夜有敵數十人襲登楊五廟，翌曉悉予殲滅。

二十四日，敵艦艇十餘曉登王爺廟未逞，牛屎墩敵艇三遭毀，乃以海空砲護敵百餘登陸猛搏，復增兵玉筋山，以戰車五輛置觀音橋，而星子附近敵亦增至一旅團，以我牯嶺楊部由白鹿洞土樓鎮等處襲擾敵後。

二十五日，南潯路正面敵勢頓挫，既有日矣，當面之敵約增兩聯隊，牛屎墩亦增至三百餘，以冷師爛泥塘附近之兩團餘部扼預備陣地，餘由冷師長併率華師之一團撲擊牛屎墩，踰午，敵勢漸衰，然猶恃械頑抗，傍晚冷師長躬率死士馳突，夜半後，斃敵過半，餘赴水死，遂克牛屎墩。惟敵第九師團之第六旅團，已由九江向我第三十集團軍瑞昌方面猛攻。

二十六日，星子湖面有敵艦艇廿餘，敵猛犯樟樹橋，冷師餘部難支，遺防替以第一六〇華振中師，令其夜移花橋華龍山何家壩錢家湖街整理。時敵砲擊磨盤山及雞竹嶺，入晚未停，復以飛機投彈廿餘，毀工事數處。友軍王集團之新十三師昨在鯉魚山筆架山被瑞昌敵猛攻，今日退長嶺，旋又退新塘舖，敵勢乃漸逼我左側，即移黃維軍至永修白槎近隸張兵團增援瑞昌附近，時王集團之新十四師在鷄公嶺附近，新十五師在傅公山陳家壠，新十六師之一旅在石咀灣附近，另一旅由車輪中間山移瑞昌南側。

二十七日，星子敵佐藤支隊及偽皖保安團之一部砲廿門，連日協海空軍迫我

東孤嶺東麓，附近湖面敵艦十一艘汽艇百餘，不斷砲擊沿岸，圖登陸，第一六〇師鉢盂山桃花尖工事悉毀，繼以機砲護步兵分犯各軍陣地，決死猛搏，傷亡均重，終不得逞。以李覺師扼牛頭迄碧雲尖天險，移葉軍一旅至分水嶺直隸吳奇偉，另電王集團部死扼曾家壩長嶺線山地，破壞交通毋任敵擾我左翼。

二十八日晨刻，敵砲擊桃花尖，並放毒氣，復以烟幕護步兵六百餘來犯，踰午桃花尖及鉢盂山均失而復得，傍晚又犯東孤嶺，以一六〇師之一團由漢陽香爐七賢諸峯附近襲擊星子玉筋山敵後，以脅制之，入晚，敵縱焚星子城北村落，並猛犯桃花尖未逞。

二十九日，李軍團全線被犯，陳公俠師兩連，昨克老虎山，至晚犧牲無餘，踰午，敵續轟擊孔家祠，守兵與陣地俱盡，一部被突破，陳師傷亡千餘人，入夜，穩定，歐軍及華師，續被敵衝擊未逞，華師之一團夜聯牯嶺楊部襲敵東孤嶺東北小河，斬殺極衆，敵艦砲擊流星山千餘發，我還擊遁去，時瑞昌敵由長嶺沿瑞德路南竄童子嶺北極峰楊坪山，續陷新塘埠岷山大屋團樹山等處，王集團及李仙洲軍之羅奇師，均向西南

後撤，以王耀武師之一旅扼鵝公包岷山線之洪家山郭家坑岷山坑，並掃蕩北極峰等處之敵，以護吳集團左翼，移詹師至德安換馮聖法師和王耀武機動策應，移譚師之一旅，集胡羅婆尖迄株嶺線，策應南潯路，其時第九十一師（馮占海部）撥隸本兵團，晨集南昌瀛上村附近築陣地。

三十日，敵砲擊華師並放噴嚏及催淚瓦斯，繼以一大隊屢犯未逞，另敵數百擬犯鵝公包，亦被擊退，以張言傳師接守朱家山孔家祠，陳公俠師專守孔家祠西至金官橋大道，兼顧義門舖，抽歐軍兩營協新十四師新十五師各一部，扼陳家壠高家山傅公山，一部挺進周家坳洪家山，遇敵數百，迫其西退，遂克七里冲螺山，令王耀武師明曉掃除楊坪山岷山大屋之敵，進扼鵝公包高嶺及洪家山郭家坑岷山坑各要點。

三十一日，李軍團戰况沉寂，敵千餘協機砲犯華師陣地，多毀猛搏至晚，斃敵二百三百始遁，復晚出擊敵頗有斬獲，另敵犯彭師，又敵艦四艘飛機六架協擊梁師張漢嶺王爺廟流星山，圖護十數艇登陸，均未得逞。

九月一日，敵約一聯隊，陷我桃花尖鉢孟山，華師得失三反覆，斃敵四五百，因守

兵中毒，眼鼻流血，多致倒斃，陣地盡被砲毀，團長梁佐勳陣亡，及傷亡營長以下七百餘，當晚退守東孤嶺、觀音岩、秀峰寺、萬杉寺、鼓子寨一帶，另敵犯李軍團全線，鷄竹嶺失而復得，朱家山、孔家祠亦被敵千餘協以飛機數十突破一部，陣亡團長毛岱鈞，損抗千二百餘人，以李軍團及歐軍固守原防，由王耀武師經高嶺攻取洪家山、岷山坑諸要點，阻敵擾我側後，陳安寶師之一旅，夜移烏石門，俞軍近隸吳集團，便資運用，殊岷山方面王集團戰力太弱，王耀武行動欠敏，敵主力以下午竄抵河裏余村，威脅吳集團左翼，急調歐軍一部扼陳家山、傅公山、株嶺等處，王師仍由西嶺、毛家山擊敵，馮師出擊馬迴嶺西北，均無進展，敵當晚續增約一聯隊。

二日，桃花尖、鉢盂山敵，續以全力陷我秀峰寺、萬杉寺及東孤嶺東端，晚移冷師守該嶺，以華師協七賢峰之一團，側擊各寺附近之敵，時李軍團全線受敵，雞公嶺又陷一部，俞軍昨進擊失利，敵晨竄河尙窪，踰午，前鋒進距黃老門、馬迴嶺數里，另一小部分沿湖犯楊五廟，全局殊岌岌，薛上將令移陳安寶、馮聖法師扼青石橋、巨烏石門線，李覺師扼烏蛇埭、巨小五老峯左翼，近聯華師，德安西南譚邃師進扼牛郎寨、巨周家

壠線，王耀武詹忠言兩師置德安東側，以歐軍及王集團之一部，經鐵道兩側，擊破陳家山亘東嶺之敵，轉進紀家山迄那山線，李漢魂軍及李覺師，經鐵道東側，沿廬山西麓，轉進德安附近之九仙嶺線，陳沛師協歐兪兩軍，擊敵徐家山小陽舖，掩護各軍轉進，李漢魂指揮葉兪兩軍，統屬吳奇偉第八十五軍王仲濂部。時亦隸本兵團，移永修虬津待命。

三日，我轉進各部均到新陣地，敵五六百曉犯華師西港口及全綫正面未逞，踰午，以海空軍協力陷東孤嶺東北端，時冷師一部扼隘口附近，梁師一部置錢家湖街，歐軍及王集團之一部，扼紀家山亘那山線，左接黃維軍，牯嶺楊部，襲敵星子九江黃老門間，工兵第三團之兩連，分移張公渡萬家埠，陳安寶師工兵一連，移德安及其東南之陳莊楊家窪，架設橋樑，移馮占海師至永修，還隸王仲濂軍，商震兼轄曾夏初賴偉英兩師，警備南昌及湖防，各軍悉焚廿里外村落，破壞交通，構成火網，阻敵進犯，以固守原防之冷華梁譚彭楊各師歸葉肇指揮，以兪陳兩軍及李陳張三師，固守德安，歸李漢魂指揮。

四日，敵機砲集轟東孤嶺，掩護步兵千餘分攻嶺東北，守兵與陣地俱盡，午後退扼嶺西南高地；另敵數百，圖竄灰山，我阻之金林街紅花尖戴莊綫，其後續千餘，正續進；南潯正面之敵，向朱家山鑽林山猛攻；和尚窪河裏余村之敵向馬迴嶺攻擊。

五日，調整陣綫如左：

一、第二十五軍，佔領盛家咀流星山西孤嶺之綫。

二、第六六軍，佔領爛泥塘西港口黃恩寺鼓子寨亘蜘蛛山紅花尖福龍山之綫。

三、第七四軍（五一師，五八師）二十九軍（四十師，七九師）佔領觀音橋青

石橋戴家山烏石門盧家灘永豐橋之綫。

四、第四軍，佔領那山望夫山白雲山紀家山之綫。

五、第十八軍，佔領前山鷄公嶺五台嶺方家大壩大腦山之綫。

六、第六四軍之一八七師，推進隘口街，策應六六軍作戰。

七、第七十軍，第六四軍（欠一八七師）在德安以南地區整理。

八、第三十集團軍，在楊坊街白水街地區集結。

九、第二十集團軍商總司令，指揮第一四一師，第一四二師，警備南昌。

薛上將以南潯正面之反八字形陣地，如袋捕鼠，又如飛剪，敵犯右則中左應，犯左則中右應，犯中則左右應，最利我軍攻守，因嚴令各軍，確取聯絡，奮勇殲寇，良機勿誤。

七日，東孤嶺敵增至千六七百，敵機八架，護艦艇十餘，圖登王爺廟，梁師砲中敵艦，退去，樟樹橋附近敵艦及砲協轟華師黃恩寺，我仍重創來犯之敵，且攻克漢陽峯，進擊鼓子寨；第一五九譚師在金林街蜘蛛山與敵千餘猛搏，互損五六百人。乃以牯嶺楊部分襲星子海會寺間，及金林街金官橋間之敵；華師扼七賢峰，阻敵西犯；王仲濂軍到黃梅田王，近聯歐軍，隸吳集團。

七日晚，梁師一團，攻入東孤嶺最高峰，八日晨敵以海空軍協攻，放毒氣，來爭，我重損，且失原陣地，退守西孤嶺，敵另犯爛泥塘，守兵一連全殉，援軍殲敵過半，始穩定，而譚師當面敵又侵入蔡李兩莊，仍被擊退；敵艇七隻夜襲流星山楊五廟，我沉其二，餘逃去。乃以陳安寶師一旅夜移隘口隸葉肇，另抽一團築青石橋工事，責梁師死守。

現陣地。

九日至十日，敵屢犯楊五廟西孤嶺，砲毀梁師工事，并放毒氣，終被擊退；華譚兩師戰況亦同。翌日，敵千五百餘人，續犯楊五廟及其附近高地，另三艦護艇十餘，圖登流星山王爺廟，搏鬥至烈，斃敵六七百，我亦中毒，傷損五百餘，敵退東孤嶺，別以艦犯華師觀門口，並突破爛泥塘，激戰竟日，始穩定。乃以冷師扼鄭家埠，亘破頭山湖防；陳安寶師之一團扼花喬柏樹壠雪包山線，另兩團分附華梁兩師，扼原防資策應；譚馮（五十八師）兩師游擊隊襲敵西邊山刺巴嶺；王陳（七十九師）兩師游擊隊襲敵馬迴嶺黃老門；吳陳（九十師）兩師游擊隊襲敵和尚窪車輪中間山；成功後即據各該處，追擊沙河南昌舖，以爲進攻先導。另以牯嶺楊部一營襲敵玉筋山，近聯鼓子寨附近我軍，協擾敵後。

十一日至十三日，敵二千餘，犯楊五廟及兩高地，爭奪慘烈，幸尙穩定；另敵陷華師觀門口西端雞籠山，反攻至十二日午，乃得盡殲該敵。入晚，又陷我西孤嶺最高峯，迄十三日續犯不已，華梁兩師，力弱勢拙，夜退後方預備陣地。譚師連日小接觸，餘均


沉靜。乃移冷師扼盛家咀，亘青山湖防；梁師扼青山，亘何家壩線；陳安寶師主力扼何家壩，亘金輪峯線，並歸宗寺迄唐家壩諸據點；華彭兩師之各一部，分扼黃恩寺、亘漢陽峰線，並南康尖、亘炭山岩線，兼顧隘口之西北；置馮占海師王旅主力於柏樹壩、黃塘舖附近。時第一零二師（柏耀章部）改隸本兵團，撥屬歐軍，接白雲山、亘紀家山線；抽吳紹洲師移瑞昌方面，即以歐軍近隸李軍團。十二日，移陳安寶師增援星德路；陳榮機師夜移仙姑嶺附近；葉肇以有力支隊繞攻星子右側，掣敵西犯。

十四日至十六日，敵屢犯山家山、清風壩、歸宗寺西邊山，未逞。我十六夜襲敵歸宗寺附近，大有斬獲。十七日至十九日，沉寂，乃移砲一團之三連至隘口附近，隸陳安寶軍；移張言傳師至進賢整訓；換商部唐師移虬津，張公渡築修江南岸鳳棲山、亘梅姑菴線工事，右接預備第六師吉章簡部之獅子窠、亘沙田港陣地，直隸兵團總部，留一團暫隸張師，分守三陽市及瀘潯灣湖防。連日瑞武路西犯之敵，第二十七師團，與黃維軍激戰於馮家舖白石岩附近，其勢甚優，移陳沛師西向截擊，以陳榮機師之一團接守該師右翼，移馮占海師之一旅築永豐橋、亘郭背山線工事，傅立平師築白

星子黃老門瑞昌一帶阻擊消耗戰經過要圖

日二十二月九至日二月八年七十二

插圖第一



例圖

- 八月二日至四日態勢
- 八月五日至十八日態勢
- 八月九日至十八日態勢
- 八月十九日至二十六日態勢
- 八月二十七日至三十一日態勢
- 九月一日至二十二日態勢

槎西北黃土尖螺絲山線工事，留一團暫隸第一八七師孔可權部，任田化坪羅樵舍湖防。十九日移唐師至武寧，直隸陳長官；移陳公俠師於蓮塘；彭林生師於樂化；李覺師於安義奉新，改隸商集團，以資整理。

二十日至二十三日，德星路之敵續犯陳安寶師廖家山，亘西邊山線，頗致傷亡，移詹師一團至隘口附近，應接該軍。廿二晚瑞武路之敵續南犯，黃維軍陳沛師退扼橫坑腦，亘楊扶尖線，彭善師退扼烏沙嶺，飭柏耀章陳榮機張德能馮占海傅立平各師，嚴陣待敵，護我左側，移由南昌配屬本兵團之第十六何平師至武寧，直隸陳長官。

乙 萬家嶺殲滅戰；德安、瑞武路、永武路阻擊戰。（插圖第二）

敵一〇一師團既受挫於東西孤嶺，而第一〇六師團復被阻於馬迴嶺，不能進展；於是敵以九月六日由九江登陸之第二十七師團，對瑞武路取攻勢，企圖略取箬溪武寧，遮斷修江北岸上下游我軍連絡，策應全般作戰，十八日，佔領茶園陵白石崖，我十八軍陷於苦戰，至二十四日，狀況如左：

一、沿瑞武路南犯之敵約步兵萬餘，砲三十餘門，戰車二十餘輛，不斷向南攻擊。

二、我第十八軍之十一師，佔領鵝公包烏紗嶺之綫，六十師佔領長崗坪馬塞山火炎坳之綫，與敵對戰；但第十一師已準備即開修水整理。

三、第一四一師，佔領陽扶尖上坳山甌蓋山老鼠山之綫。

四、第八軍，第十六師，第一三三師，第三十集團軍，均經戰鬥損失，在武寧附近整補。

基於上述狀況，薛上將爲殲滅由閔家舖橫港街向武寧急進之敵於南屏山小坳地區，而確保武寧之目的，決由南潯綫抽兵，協同武寧方面部隊，斷行攻擊，處置如左：

一、第九一師，於二十四日晚，由德安附近，經二房鄭斗山嶺墩上郭楊家坪道，進佔坐牌山烏紗嶺之綫，準備攻擊。

二、第一四二師，於二十四日晚，由德安附近，經城門山甘木關青毛山白水街道，進佔烏紗嶺（含）長崗坪亘馬塞山（不含）之綫，準備攻擊。

三、第六十師，佔領馬塞山火炎坳風雨嶺之綫，準備攻擊。

四、第六預備師，於二十四日晚，由張公渡，在一四二師後跟進，二十五日，佔領大窪山白水街麒麟峯九石隘之綫，策應全般作戰。

五、第十六師，於二十四日晚，進至崑崙山覆血山之綫，佔領陣地，拒敵西進。

六、第八軍，於二十四日晚，進至羅盤山棺材山張林公豐良之綫，佔領陣地，拒敵西進。

二十五日，敵千餘猛陷第六預備師麒麟峯，第六十師援攻至翌晨，雙方傷亡甚衆，敵鈴木聯隊全部覆滅，我亦傷亡團長揚家驩以下七百餘；入夜，敵犯覆血山，得失反覆，俱重損，二十六日午，敵挾毒氣來侵，一部竄至馬鞍嶺南，德星路之敵二大隊，二十六夜竄鵝公包深谷，企圖襲奪隘口街，我第一六〇師蹙之三角尖金輪峯南康尖，殲其大隊長以下七八百，奪獲步槍二百餘枝，輕重機槍十餘挺。

麒麟峯覆血山劇戰之日，南潯瑞武間，形成甚大之空隙，我有力部隊轉用瑞武路方面，已爲敵空中察覺，敵意以爲由此空隙侵入，可以避免正面攻擊之不利，僥倖成功，且可解救二十七師團之危，故敵一〇六師團裹六日糧，向西輕裝急進，初不料

竟爲我全殲於萬家嶺也。

二十七日，敵第六師團先頭千餘，竄抵面前山竹坊桂，我第四軍一部截擊，勢稍挫，惟其主力急進未已。至二十八日，一般狀況如左：

一、德星公路方面：第二十五軍，第七九師，第一六〇師，佔領黃龍山金輪峯七賢峰之綫，與敵一〇一師團對戰；

二、南潯鐵路方面：第一五九師，第一三九師，第四軍，佔領牛郎寨白馬廟烏石門盧家灘白雲山紅花尖之綫，與敵一〇六師團留守部隊對戰，雙方陣地堅固，有成膠着之勢；

三、瑞武公路方面：第九一師，第一四二師，新十三師，新十五師，第六十師，第十六師，第一四一師，佔領坐牌山麒麟峯煤山上均山之綫，正圍擊敵第二十七師團。

四、敵一〇六師團之一聯隊已竄至灣家凹、太平隘、頭口、何家一帶。

是日，第一四二師擊退陳家山王家山以西地區之敵，進展順速，惟敵千餘重陷

麒麟峯，新十三師協同六十師乘夜反攻，戰至二十九日午後，敵屢放毒氣，我損而不餒；責新十四師之一旅至白水街，策援新十三師，瑞武路敵續竄至馬鞍山東南高地，另五六百，側竄小河南岸元三尖，第十六師竭力拒戰，以第三師協向此敵進擊，第一三三師進扼羅盤山棺材山，以相策應。

二十九日，三十日，第四軍盡殄面前山夏山鋪劉家嶺附近之敵，旋分由層嶺大金山萬家嶺熊村，圍擊獅子崖北端之敵，第九一師在頭口附近擊潰東犯之敵，蹙之梨山以南，頗有斬獲；預六師亦破敵何家山，并攻佔鳳凰山西北小高地；麒麟峯敵犯新十三師，被第一四二師一部攀登北側猛擊，殲敵近千，殘敵二三百潰竄朱家塘，遂克麒麟峯；第一四二師攻至曹家周莊。但敵亦向九一師曾村灣家凹，預六師馬鞍山斗姆嶺梨山，第十六師嶺下章廣下陳元三尖馬鞍山等處攻擊，均未獲逞。乃以移集抱桐圩之五八師夜迫獅子崖嘑啞街，西北向擊敵，以九一師分由南北進擊梨山道童嶺馬鞍山及何家頭口一帶之敵，以三泌橋何之一三九師孫旅進扼郭背山城門山綫，對北警北。

十月一日、二日，敵千餘竄田步蘇，五八師拒戰墩上郭嘑啞街，九一師搏敵梨山馬鞍山何家山間，第一四二師攻克馬塞山朱家塘，進至易家山火炎均，第六十師與當面之敵劇戰，局勢甚穩。惟第一四一師上均山桃花嶺被侵甚急，敵已陷馬鞍山麓，以新十五師東向進擊，瑞武路敵陷第十六師元三尖，南竄合掌街附近，續犯羅盤山，第一三三師苦戰至二日午後不守，嚴令李玉堂軍長規復。

此時敵一〇六師團全部，竄至萬家嶺嘑啞街老虎尖石堡山一帶地區，薛上將爲期包圍聚殲此敵於萬家嶺地區，決抽調德星南潯瑞武三方面兵力，斷行圍擊，處置如次：

一、第四軍之九十師，由大小金山向萬家嶺及其東北之敵攻擊。

二、第七四軍之五八師，由獅子崖墩上郭向萬家嶺王家山之敵攻擊。

三、第一四二師（附新十五師之一團）進出烏童嶺梨山之綫，向萬家嶺石堡山之敵攻擊。

四、預六師（附九一師之一旅）進出斗姆嶺馬鞍山鳳凰山以東地區，向石堡

山北端土家泛王之敵攻擊。

五、第九一師（欠一旅）迅速肅清頭口附近之敵，爾後進出鄧家山，協力預六師之攻擊，并切斷敵北潰道路。

六、新十三師抽兵一團，由叢樹窪向何家山鳳凰山石堡山西北之敵攻擊。

三日，第九一師擊退嶺下劉及周村附近之敵；第一四二師右翼挺進陽扶尖華山尖綫，截斷瑞武路，左翼進至龍潭大戶李家附近，蹙敵於南坂；第三師攻元三坪，第一三三師攻羅盤山，新十五師擊敵於李家祠南及水口張東南高地，均無進展。德星公路方面，敵二千餘，以砲兵協力，猛犯第二十五軍陣地，我雖重損，仍予擊退。

四日，各部合擊王家泛王石堡山萬家嶺一帶之敵，頗有進展；敵犯九十師獅子崖，被擊退。惟第八軍當面之敵一部，突竄南門嶺曲池坂，將東轉箬溪柘林，第一三三師退羅盤山南麓，新十五師退棺材山，第三師退大流甲余大屋余，第十六師移波田河，第一四一師仍扼馬鞍山西崇山。敵松浦（第一〇六）師團全部，既竄集萬家嶺石堡山，圖由德安左側控制張公渡白槎，斷我後路，而本間（第二十七）師團，亦沿

永武路東犯，協以謀我。我軍旬日以來，殄寇固多，而損耗亦重，對德星公路方面，暫取守勢待機。卽晚，以新十三師及新十五師之一旅，移守城門山，亘蔣家均線，第六十師移守蔣家均，亘雷家渡綫，拒敵東犯；第九一師移集徐家均東塘間，預六師移集黃家嶺獅子門丁公里間，第五八師，第九十師，第一四二師，第一三九師，孫旅，繼續圍擊萬家嶺石堡山一帶之敵；另以一三九師，一四一師，稅警旅之各一團，擬替德安防務，五一師由德安移集白槎西北待命。

五日，敵犯九十師大金山，我殲之過半；沿永武路東犯之敵，已越箬溪向東續犯。六日，敵一部犯長嶺及楊家山，一八七師奮勇反擊，自晨至午，激戰益烈。沿永武路東犯之敵，竄來龍嶺下桂堂，與六十師預六師激戰。第九十師，第五八師，第一四二師，圍擊萬家嶺之敵，進展極順利。

薛上將爲貫澈包圍聚殲敵第一〇六師團於萬家嶺之目的，再加強兵力，部署如左：

一、第六六軍，將七賢峯金輪峯牛郎寨紅花尖陣地，交第二十五軍接替後，卽於

黃昏，經德安永豐橋，進佔金娥殿公母嶺，綫準備攻擊，第一期攻佔何壠山、鄧家山、王家山、獅子崖，第二期攻佔王家泛、王港口、陳頭口，第三期攻佔三胡、何家、何家山、鳳凰山，并斷敵北向退路。

二、第四軍佔領公母嶺（不含）大小金山，綫準備攻擊，第一期攻佔石頭壁、面前山、熊家坂、楊家坂，第二期攻佔西山頭、大樟樹，第三期攻佔馬鞍山、斗姆嶺。

三、第七四軍佔領大金山、獅子崖，綫準備攻擊，第一期攻佔萬家嶺、箭爐、蘇田步、蘇，第二期攻佔老虎尖、石馬坑、劉熊村，第三期攻佔梨山、烏童嶺。

四、第一八七師（欠一旅）第一三九師、孫旅、第九一師、王旅，佔領獅子崖（不含）、長嶺、楊家山城、門山（不含），綫陣地，佯攻當面之敵，不得後退一步，隨七四軍攻擊之進展，相機轉移主力於楊家山附近，準備追擊。

五、新十三師（附新十五師之一旅）佔領城門山、豬頭咀，綫陣地，拒止敵人，俟攻勢部隊達成第二期任務時，即以有力部隊，由陳家山進出焦山嶺，控置白陽堆，向西道路，遮斷敵西向退路。

六、第一四二師佔領義門光崗山一帶地區，包圍敵之右側，其一團應在來龍嶺之綫，遲滯敵之前進。

七、第六十師，預六師，佔領豬頭咀（不含）馬均綫陣地，拒止敵人，掩護攻勢部隊之攻擊。

八、第九一師（一旅）及一四二師之一團，佔領墨赤山烏龜山柘林綫預備陣地，并策應攻勢部隊之作戰。

九、第十九師，佔領修河南岸袁家山沙田港之綫預備陣地，并策應攻勢部隊之作戰。

十、砲二團第三營，砲一團第六連，在棋田北佔領陣地，以主力制壓敵砲兵，及協力萬家嶺石堡山老虎山之攻擊，以一部援助機動部隊之出擊。

德星公路方面，因六六軍轉用於萬家嶺，將陣綫縮短，部署如左：

一、第二十九軍之四十師，守備鄭家埠紫雲菴之綫，及小竹山金鷄山九仙嶺綫湖防；七九師守備隘口街。

二、第二十五軍之五二師守備象山南獅嶺大頭嶺，一九〇師守備青石橋白馬廟戴家山之綫。

三、第一三九師（欠一旅）守備閔山烏石門尖咀壁之綫。

四、第一〇二師守備烟包山永豐橋之綫。

七月八日，敵機二十餘架狂炸張家山，陣地多毀，永武路敵犯龍腹渡，被六十師擊潰。

各部於七日夜向萬家嶺總攻，八日晨，六六軍攻佔王家山熊家坂樟樹宋石堡山，進擊老虎尖松樹熊；敵機又狂炸五一師一八七師之張古山城門山，圖向南突圍，經一四二師側擊，攻佔梨山劉家，進擊周家。

九日，敵機復狂炸張古山，繼以猛犯，我五一師力戰却之，旅長李明負傷；一四二師一部，繞擊石馬坑劉西北敵砲兵，俘獲甚多。第六六軍由楊家坂攻茅坪聶及由萬家嶺北攻箭爐蘇，第四軍由大金山攻箭爐蘇以東高地，第七四軍由墩上郭攻箭爐蘇及由張古山攻嘑啞街田步蘇，第一三九師之一旅由烏童嶺攻楊家山以北村落。

及其東南高地松樹熊，進展均極順利。

十日各部會向萬家嶺圍擊，第六六軍擊潰萬家嶺茅坪轟老虎尖石堡山，續殄之田步蘇，第四軍攻佔扁擔山，第七四軍攻佔張古山，斬獲均衆。敵松浦（第一〇六）師團至是被我全殲，漏網者僅千餘人。敵陣前遺屍盈坑塞谷，敵血洒遍山嶺溪澗，流水爲赤；敵遺棄械彈器材，觸額蹙足，難以計數。萬家嶺殲滅戰之空前大捷，喧騰中外，永留抗戰史上光榮之一頁。

其時永武路之敵千餘，砲六七門，圖東向擊我左翼，策應萬家嶺之殘敵突圍，我力拒之來龍嶺，第三十集團軍之一部。渡河由箒溪擊敵後，敵未逞所謀；武寧方面亦克羅盤山。

十一日，敵以主力陷第七九陳安寶師食雲嶺涂家嶺望嶺，續犯但家坳劉家嶺鳳皇山福龍山，該師殘破難支，令整編一團，留隸第四十詹師，餘開上高整補，第一九〇以梁師一部接防，並扼駝嶺北端周莊中嶺黃莊北端高地。第六六軍掃蕩松樹熊以西之敵，第四軍協勦長嶺附近，入晚，頗有斬獲；第七四軍猛攻擘街張古山，北阻

敵突圍。永武路敵，續增至二千餘，炮十數門，戰車十一兩，裝甲車三十餘，由上下桂堂猛犯預六師，移一四二師併上廬六十師以資應援。

十二日，梁師劉家嶺福龍山鳳皇山兵少重損先後陷敵，嘩哄街張古山線敵，抗頑未決，武永路敵，續增來犯，陷楊家山馬坳，援以一四二師一團。激戰甚烈，薛上將以各軍苦戰三月，援敵大至，箬溪日危，乃調整戰線，以第四軍扼煙包山巨獅子岩線及老黃嬌鋪巨大金山各據點，撥一一八師王嚴部暫隸六六軍，扼郭背山巨烏龜山線及孤山巨紅山各據點，六六軍移烏龜山巨柘林線及葉家壠巨田家坳各據點，第九師扼柘林及對岸沙田港巨羅墩線，拒敵渡河，第七四軍及六十師，一四二師，預六師，新十三師，又一八七師，一三九師各一旅，扼獅子崖巨河澚線，仍進擊長嶺張古山楊家山豐桂尖，並搜索白陽堆敵情，置馮占海九一師於徐家坳牛車盤線，待機使用，炮兵第一團之兩連，及第二團之一營，以主力封鎖大鰲上棋田曹家坳各隘路，支援李軍團西北兩面之戰鬥，同日在白槎北築工事，以備近援葉肇部，以工兵三團之一連，及華譚王各師工兵營，均隸炮兵指揮王若卿，協築炮兵陣地及道路，葉肇指揮歐

葉兩軍及周旅，陳沛指揮陳傅吉各師，李漢魂指揮俞軍及馮占海彭林生新十三各師，統隸吳奇偉，在虬津附近之僕莊設通訊兵團電話總機，李軍團在三泌橋河，馮聖法師在抱桐圩，各有總機，互資聯繫，又第一分監部之第二支部在楊家橋補給歐軍及柏師，第九分監部在虬津補給葉軍及王師並周旅第二十九支部，在白楂補給俞軍及陳傅吉馮新十三各師並馮李兩師各一旅，另設傷兵收容所及患輸隊於各該處。

十三日，長嶺張古山北殘敵犯王耀武師未逞，敵機狂炸蔣家坳，並突破坳西端，經反攻穩定，十四日，仍對峙。德安方面，十三日稍寂，次日，敵陷駝背山，梁師折兵數百，退扼駝嶺亘白馬廟線，時李兆鐸師塔山據點，亦陷敵，守兵一連俱盡，而永武路敵千餘，亦以機炮戰車犯排樓下河澗，傅師損折甚重，下東山梧桐尖均失守，雖馮占海師來援，仍被脅退，公路以南，另由陳吉兩師堵擊，并襲敵盧家山側，其勢稍挫，以新十六師吳旅扼箬溪，破壞永武路，經來龍嶺搗擊敵後。

十五日十六日，武寧沉寂，德安方面敵千餘，陷我上賜嶺駝嶺青石橋及白馬廟

北高地，王軍團傷損近千，斃敵亦多，同時馬迴嶺聶家山敵數百南竄，王軍團無力反攻，十六日夜移石山湖亘尖嘴壁線，固保德安。永武路方面：彭師援攻傅師梧桐尖，旋得旋失，敵續犯田家坳，新十三師苦鬥兩日，艱危萬狀，以歐軍扼煙包山亘郭背山線，俞軍扼郭背山亘墨赤山線，並接守原層嶺獅子崖，王嚴師扼墨赤山鰲上何莊線，置李師孫旅於抱桐墟附近，以上屬李漢魂；以陳沛師附彭師一旅扼何莊柘林附近高壠山亘王家山線，李師周旅扼袁家山亘范家舖線，置傅吉兩師於白槎及修江南岸整理待機，以上屬葉肇；以十三師夜經柘林附近，渡河轉扼范家舖亘羅墩線，歸還王集團；置馮占海師虬津北越山市附近整理，直屬吳集團；以李玉堂軍襲擊當面之敵，並破壞公路，阻其東援，移李覺師白槎南岸撥還周旅，趕築袁家山亘沙田港線工事，移進賢張言傳師轉集張公渡，撥彭林生師運粵作戰。

十七日至十九日，德安方面，敵昨晚突潰我掩護線，晚陷詹師大屋潘汪莊胡莊李莊天符壇天球壠等處，進迫仙姑嶺關王廟，圖斷梁師之後，詹師力弱混戰，王軍團夜移德安河西小竹山亘尖咀壁線，死守德安，敵續陷張姑腦及獅山，迫我前進部後

撤。而永武路敵七八百，挾戰車協機炮，屢犯葉軍曹家坳蛇崗嶺王家山及李玉堂軍羅盤山棺材山，均未得逞，移陳沛吉章簡兩師至安義整補，以馮占海師接守老虎山巨觀音崖線湖防，換陳公俠師築張公渡附近太子嶺巨封源修江南岸線工事，王軍團破壞燕防間公路，各組死士，伺隙殄敵，並以最大火力，阻敵進犯。

二十日至二十五日，敵連日偵德安，戰况頗寂。二十日，敵二千餘，戰車十數，猛陷曹家坳蛇崗嶺王家山，華師退扼鯽魚山，另敵數百犯新十六師吳旅未逞，我李兆鏃柏輝章各一部，以二十一日晚反攻獅山，斃敵二三百，獲械甚多，二十三日王耀武師一部，襲據擘街，甚有斬獲，二十五日侵曉，敵強渡德安河，我邀擊之於心佛寺巫家山附近，斃敵甚多，但已渡過四五百，在熊家烏石門附近架橋，心佛寺尖咀壁煙包山相繼不守。

二十六日至三十日，二十六日，敵主力犯德安西北，並陷城西南之儀封山北端，炮毀我城西北兩門，及各工事，幸步兵衝犯未逞，旋施毒氣及烟幕來犯，梁師損折奇重，李兆鏃師一部來援，與敵相持儀封山南，翌日敵機炮不斷轟擊，復分東西北三門

突入，城內大火，李師柴阮兩團長重傷，餘兵三四百，混戰至二十八日，城四週盡失，王軍團力竭，夜棄該城，轉扼鄭家山過路山，亘春山李線，拒敵南犯，歐軍亦轉扼春山李亘郭背山線。薛上將以德安城前橫修江，北高南低，勢成背水，而永武路敵復迫近白槎修江渡口，交通不利，預擬以王敬久軍扼陳家亘成山村線，張德能師扼城山村亘田子崗李線，李師孫旅扼田子崗李亘波羅山江岸線，掩護兵團主力轉進修江南岸，王軍乃由永修附近渡河，集扼李家舖丁家山附近，張師由虬津附近渡河，集扼大源橋附近，孫旅由張公渡附近渡河，還李兆鐮師建制，馮占海師經涂家埠趙家附近鐵橋渡涂家埠南岸，扼吳城亘南津熊線，詹師經觀音崖山下渡渡修江南岸，扼何包洲鄧亘南岸山線，李兆鐮師經關南舖等處，轉永修南岸，扼南岸山亘饅頭山及李家舖亘橫保馬線，歐軍陳柏兩師經分水嶺等處轉虬津南岸，扼饅頭山亘楊家壁及太子嶺亘上屋陳線，陳公俠師扼河頭村亘上屋陳線，轉隸歐軍，以上屬李漢魂，以俞軍經張公渡東側橋樑，集扼呼童橋自潘橋附近，王巖師經白槎東側張公渡中央橋樑，轉扼上屋陳亘周其道線，葉軍一師經白槎西側渡河，一師經白槎張公渡西側橋樑，轉

扼周其道，亘袁家山線，李覺師仍扼鐵龍山，亘范家鋪線，以上屬葉肇，以山炮第一團之兩連，在易家埠東南，以支援孫旅阻止敵人，另一連置涂家壠附近，其主力及炮三團之兩營，置佛祖山附近，工兵第三團及各師工兵營，俟我部隊盡撤南岸，即破毀橋樑，又令王歐葉各軍，破壞涂家埠德安間，及張公渡德安間，張公渡白槎三泌橋河間，交通通信，二十九日，德安城敵，續犯王軍團未逞，三十日，最高統帥，躬蒞南昌，准兵團如擬後撤，即飭吳奇偉統一執行，至翌日而竣事，同時敵伊東師團，迫抵永修虬津間，松浦師團及近衛師團之一部，迫抵張公渡白槎間，隔河相持，其本間師團之一部，轉犯張兵團，以主力據箬溪及羅盤山棺材山北亘大橋河間，與我李玉堂軍對峙。

南潯會戰 第二期

第一 會戰前敵我情勢大要

甲 敵軍作戰企圖及兵力

中華民國二十七年冬，敵第一〇六師團既被殲滅於萬家嶺，第一〇一師團，第二十七師團，近衛師團第三聯隊，又久戰損疲，與我夾修河對戰者四閱月。泊敵陷武漢，至二十八年三月，敵爲貫澈略奪南昌之目的，再以第一一六師團一部，第一〇一師團，第一〇六師團，由南潯路繼續南犯，以略取南昌之第六師團以策應主力作戰之目的，向武寧進犯，以略取武寧。

乙 我軍戰鬥序列及修河南岸防禦部署

第九戰區第一兵團總司令薛岳上將挫敵南潯後，以功擢代第九戰區司令長官，於二十七年十二月，移節長沙，當時戰區之戰鬥序列，奉頒如左：

司令長官 陳誠

代司令長官 薛岳

第十九集團軍總司令 羅卓英

第七九軍 夏楚中

第七六師 王凌雲

第九八師 王甲本

第一一八師 王嚴

第四九軍 劉多荃

第一〇五師 王鐵漢

預九師 張言傳

第七十軍 李覺

第十九師 李覺

第一〇七師 段珩

第三十二軍 商 震

第一三九師 李兆瑛

第一四一師 唐永良

第一四二師 傅立平

第七八軍 夏首勛

新十三師 劉若弼

新十六師 吳守權

鄱陽湖警備司令 曾夏初

預五師 曾夏初

廬山游擊隊 楊遇春

第三十一集團軍總司令 湯恩伯

副總司令 關麟徵

第十三軍 張 軫

第八九師 張雪中

第九一師 馮占海

第一一〇師 吳紹周

第十八軍 黃維

第十一師 彭善

第四三師 周祥初

新二十三師 盛逢堯

第九二軍 李仙洲

第二二師 侯鏡如

第八二師 羅啓疆

第九二師 梁漢明

第三十二軍團 關麟徵

第三七軍 黃國樑

第五七師 施中誠

第九五師 羅奇

第一四〇師 宋思一

第五二軍 張耀明

第二師 趙公武

第二五師 張漢初

第一九五師 梁愷

第七四軍 俞濟時

第五一師 王耀武

第五八師 馮聖法

第六十師 陳沛

湘鄂贛邊區游擊總指揮 樊崧甫

第八軍 李玉堂

第三師 趙錫田

第一九七師 丁炳權

第七三軍 彭位仁

第十五師 汪之斌

第七七師 柳際明

第一游擊司令 孔荷寵

第一集團軍總司令 龍雲

副總司令 高蔭槐

第五八軍 孫渡

第一八三師 楊宏光

新十師 劉正富

第六十軍 安恩溥

第一八四師 張冲

新十二師 龔順璧

新十一師 魯道源

第二十七集團軍總司令 楊森

第二十軍 楊森

第一三三師 楊漢域

第一三四師 楊幹才

第三十集團軍總司令 王陵基

第七二軍 韓全樸

新十四師 范南煊

新十五師 鄧國璋

第五四軍 霍揆章

第十四師 陳烈

第十八師 羅廣文

第五十師 張 瓊

第五三軍 周福成

第一一六師 周福成

第一三〇師 朱鴻勛

當時薛上將以修河自涂家埠東至吳城間，湖沼星羅，不適於大兵團之運用，獨永修虬津間，河川向敵彎曲，且永修通安義公路，雖已破壞，尙未澈底，敵機械化部隊，極易活動，判斷敵主力，必將用於永修虬津間，爲圖誘敵於安義以北地區，由左翼轉移攻勢，將敵壓迫於修河南岸湖沼地帶而殲滅之之目的，策定防禦部署如左：

一、預五師，守備松門山、荷溪壠、西莊之綫。

二、第三十二軍，守備吳城、涂家埠之綫。

三、第七九軍，守備狗子嶺、饅頭山之綫。

四、第四九軍，守備鳳栖山、鄧家鋪之綫。

五、第七十軍，守備赤陵山、沙田港、范家鋪之綫。

- 六、第七八軍守備游墩咀、潭埠之綫。
- 七、第七三軍，守備上灘陳、棺材山、眉眼山之綫。
- 八、第八軍之一九七師，守備金水舖，第三師控置武寧。
- 九、第七二軍，由修水向武寧前進中。

第二 會戰經過

甲 修河南岸阻擊戰（插圖第一）

三月十七日，敵兵艦四十艘，汽艇百餘，陸軍約一聯隊，水上機一中隊，先以兵艦砲擊吳城，望湖亭及東北隅一部陣地，悉被摧毀，空軍自晨至暮，不斷轟炸，吳城全鎮，幾成焦土，旋以汽艇，於海空軍協力下，企圖強迫登陸，我任該方面守備之唐永良師，張尊光團，附砲兵一連，憑藉簡易工事，沉着應戰，卒將敵艇擊潰，入夜，敵艦大增，頻以探照燈向我陣地偵察，炮聲達旦不止，而涂家埠方面，敵第一零一師團主力，亦向涂家埠至狗子嶺熊間我宋肯堂軍傅立平師及夏楚中軍王凌雲師陣地進犯，自拂曉即以砲兵向熊村觀音閣狗子嶺熊一帶陣地，猛烈射擊，發彈逾千，午后復施放噴嚏瓦斯，薄暮，又以煙幕掩護陸軍強渡，當予重創，相持至深夜，以將士中毒者多，傷亡尤衆，熊村及觀音閣陣地，遂被攻陷。

翌日，敵由觀音閣等處渡河之部隊，約二千餘人，砲十餘門，分向大王廟及大路

葉襲擊，併用烟幕及毒氣，我傅師以血肉與之相搏，激戰至午後，被迫棄大路葉，退守港口杜，復選集精銳，伺隙逆襲，大路葉失而復得者三，至次日仍與敵膠着於該線上。惟吳城方面，敵向獅子山西北端偷渡，左翼頓形動搖，守軍楊崇泰營與敵相持不下，團長張尊光急調赤岸山之白營馳援，午後東岸荷溪壠曾夏初師陣地，又被攻陷，吳城愈形突出，三面環逼，勢殊危殆，至二十日午，白營援至，士氣陡振，值風雨，我將士冒雨浴血，直薄江隄，敵大潰，奪舟逃，躡之急，益驚亂，沿江溺斃無算，獅子山當經克復，敵勢稍挫。是日晨，敵四度進攻大路葉，我守軍激戰竟日，奮勇迎擊，工事悉毀於敵砲火，營長古漢卿裹創力戰，旋敵援大至，始奉令再退港口杜，時王凌雲師狗子嶺熊及傅師南岸陣地，均已迫於重砲毒氣，相繼陷，敵由狗子嶺熊渡河者復約千餘人，如潮湧進，將趨港口杜，傅師乃乘隙四奪大路葉，終以狗子嶺熊既失，大路葉無固守之必要，棄之，仍退至港口杜，與敵對峙，敵亦以疲憊之餘，僅向我涂家埠一帶砲擊而已。

敵對吳城及涂家埠攻擊既已開始，第一零六師團及僞軍吳逆克仁部約五千人。復於是日自永修迄筭溪間，向我全線總攻，以砲五十餘門，對五穀嶺同安嶺一帶

我主陣地，集中射擊，彈逾四千發，且多雜毒氣，我工事悉被毀，將士多中毒，且以煙幕掩護步兵二千餘，分向狗子嶺魏家窪廖家各點強渡，並以戰車二十餘輛掩進，王凌雲師力戰不利，營長蔣德合陣亡，乃退饅頭山一帶，繼續抵抗。渡河之敵，遂趨五穀嶺，威脅劉多荃軍之王鐵漢師側背。二十一日，羅總司令卓英，令夏楚中軍王甲本王嚴兩師及劉軍張傳言師，分向右翼馳援。薛上將復電第三戰區顧司令長官速派兩師至南昌，一師至進賢東鄉，策應作戰，并嚴令羅集團所屬各師，限期殲滅修江南岸之敵，時敵由永修虬津間渡河者，約六千，我王嚴師因雨阻赴援不及，王凌雲師以衆寡懸殊，饅頭山五穀嶺及其南端陣地，遂被陷落，退守黃婆井戴家山高壠山之線。至是王鐵漢師腹背受敵，五穀嶺以北鳳棲山梁山等陣地，相繼不守，所屬營長劉仁純以下全營殉國。張傳言師遵令急由兩師間隙向敵突襲，甫至畫龍橋陳家夏家壠附近，與敵遭遇，敵機向我後方低飛攻擊，戰車掩護步兵衝鋒，王鐵漢及張傳言兩師，損失均重，乃退灘溪南岸待援，王嚴師自油樹鄒向黃泥崗之敵攻擊，旋與王凌雲師右翼聯繫，協力就萬家山井頭山夏家山之線，拒敵南竄，王甲本師初奉令急渡繚河，向敵

側擊，但以行動遲滯，僅一部到達下村梁，餘部從萬家山向戴家山之敵逆襲。

二十二日，薛上將以戰況益急，嚴電羅總司令以下各將領，務親率所部，於灘溪以北地區，固守七日，如有擅自撤退者，決按軍法議處，任何犧牲在所不顧，必待各地援軍全部到達樂化安義之線，即大舉反攻，卒以敵陷灘溪，我通信中樞，猝被炸毀，劉夏兩軍，頓失聯繫，劉軍節節向安義以西撤退，至靖安西南之富管喻曾村收容整理，夏軍向潦河東岸撤退，伺機反攻。時涂家埠方面師長傅立平親自督戰，士氣大振，敵猛撲大王廟港口杜者，先後五次，皆不逞，敵我相距僅百數十公尺，互無進展，營長古漢卿從容臨陣，慷慨高歌，繼而全軍躍壕響應，聲動修水，氣若長虹，敵原雜有脅從之僞部，聞歌感愧，我將士復大呼「中國人莫打中國人」，僞軍皆飲泣不願戰，戰亦不力，至夜，戰況頓寂，偵之，敵主力已向永修虬津間疾竄，僅留殘師牽制正面而已。

二十三日晨大霧，敵傾陸海軍向我吳城三面進犯，右翼荷溪壟敵據隄與我砲兵隔河互擊，左翼從獅子山麓強渡，與我萬年寺守軍激戰，營長楊崇泰重傷，預備隊白營向敵側擊，敵驚亂，遺屍枕藉，顧仍增援頑抗，復以艦砲掩護，以汽艇向吳城正面

猛攻。我力戰不利，至午，敵遂由望湖亭以左突入，我憑殘垣巷戰竟日，薄暮，張團長猶親率餘部，分據蘆子窰小九華，作殊死戰，深夜始退至老鶴嘴轉金塘橋以南待命。先是我於江心佈水雷，敵艦艇被炸沉者三十餘艘，乃驅水牛前導，遂被衝破，綜計該團血戰七晝夜，斃傷敵步兵千餘人，其忠勇效命之精神，殊足佩也。是日虬津方面之敵一部，逕越樂化萬家埠線，竄至安義靖安，逾日破奉新，夏軍全部乃再移安義以東沿萬家埠長埠石鼻街之線與敵主力對峙。李覺軍原任鄧家鋪迄游墩嘴間守備，自同安嶺陣地被敵突破，所屬段珩師與敵苦戰於楊家壁赤陵山大源橋，旋奉令以全力急攻安義，阻敵南犯，當分東西北三路挺進，先後衝擊至附郭者五次，終以敵據城頑抗，猝不得下，而各軍已節節撤退，恐陷重圍，遂向靖安西馬腦岩附近集結待命。

乙 南昌高安一帶阻擊戰（插圖第二）

薛上將以敵渡修江，急令第一集團軍代總司令高蔭槐，率所屬四個師，自修水三都分向安義奉新馳援，俞軍長濟時率兩師自長沙向高安急進，並分電前線各將領，指示方略，謂「我軍對南潯線南犯之敵，用打蛇之法，必能予敵重創，南昌方面取

守勢，宋軍長肯堂任指揮，安奉方面取攻勢，羅總司令卓英任指揮，以兪軍擊其首，劉夏李諸軍擊其腹，武寧方面亦取攻勢，王總司令陵基任指揮，以所部夏李彭諸軍擊其尾，欲立此大功，在排除萬難，不顧一切，協同動作，一心一德，共建殊勛。一令下，諸將領均感奮，願決死戰。

時羅集團主力，已確實佔領樵舍上天峯黃仙壇巨烏山舖之線，既設陣地，高集團向安義急進中，宋肯堂軍并指揮鄱陽湖及南昌警備部隊，守南昌，兪濟時軍由清江續向北運動。二十五日，敵一部由馬路口渡河，逼近李兆鏃師陣地，該師原已奉令集結南昌，當以一部阻敵前進，主力迅即後移。另敵千餘人，自安義石鼻街宋埠向烏山舖以西柏輝章師陣地猛攻。敵主力步兵約五千，騎兵約三百，山砲十餘門，戰車二十餘輛，則由長埠逕向烏山舖西山萬壽宮攻擊，翌日陷長頭埭，直趨牛行。其空軍自晨起，環南昌市區轟炸，復低飛向中正橋掃射。適宋軍各部，正冒彈渡橋，而牛行敵復掩至，乃毀橋阻之。該軍渡河者，唐永良傅立平兩師長，唐師之張尊光團殘部，暨傅師兩營，大部均阻贛江西岸。宋軍長當令唐永良師長指揮渡河各部及贛保團，沿河佔

領陣地。至午，敵愈增，戰車十餘輛分向市西北及西南端突進，我以平射砲奮擊，毀其大半，旋敵一部由空軍掩護，從贛江上游渡河，陷新洲，一部沿撫河登陸，不果。二十七日晨，宋肯堂赴樟樹指揮未及渡河各部隊，南昌守備，卽由唐永良負責，市區竟日被炸，沿河屋宇，悉燬於燒夷彈，成焦土。敵迭圖由中正橋渡河，均被拒止，乃於午後，續由新洲及其以南鄧家巷附近渡河，疾竄王船山路及歐陽修路，於是巷戰紛起，殺聲震天，薄暮，全市火光，直冲霄漢，雙方傷亡均慘重，我將士誓與城共存亡，曾一度奪回汽車總站，但敵已迂回生米街向蓮塘進襲，李兆鏞部與戰不利，腹背受敵，遂於深夜，集結廣陽橋待命。

是日，高集團孫軍抵奉新以西之會埠上富間，安軍推進至九仙湯附近。

三十日，敵以步兵千餘，進襲高安，我守備司公山祥符觀楊家坊蓮花山各要點之兪軍王耀武師，奮起迎擊，旅長張靈甫重傷，乃於四月一日退守白石嶺，趕車攏之線，待機反攻，旋羅總司令以現勢不宜與敵決戰，令以一部西向，掩護高集團主力佔領銅鼓嶺村前街新陣地，主力撤至錦河南岸。

四日，第三戰區司令長官顧祝同令第二十三集團軍總司令上官雲相，率所屬六個師，自廣德馳抵臨川，當以陳軍長安寶率段朗如劉雨卿曾夏初三師，暨贛保安隊十二團，任鄱陽湖東南兩岸及撫河東岸迄李家渡線之守備，何平蔣昭雄兩師，由何師長指揮任撫河與贛江間守備，栢輝章師集結樟樹整理。

連日天雨，戰况沉寂，七日晨，高代總司令以劉正富師，協同俞軍反攻高安，並期適應戰機，先友軍佔領之，劉師遂於午后，分兩翼向高安進襲，右翼隊於敖家胡寶山，與敵遭遇，據報敵僅八百餘，當以士氣彌盛，機不可失，雖未及取得友軍聯系，仍逕向敵猛撲，敵果不支，一度奪回西城。時左翼隊已進至平港，敵受側背威脅，急向城北宵遁，憑村落礮堡固守，左翼隊遂進出向家山丁家埭之線。旋敵由大城增援步騎約二千人，砲十餘門，向我逆襲，團長段克武負傷，營長何長春殉國，惟陣地屹然不動，苦戰至九日深夜，以友軍始終未及應援，乃奉令退回放溪嶺石寶山之綫待命。是役，劉師獨力前驅，奮勇作戰，達兩晝夜，予敵以重創，最高統帥聞報，立電傳諭嘉獎。迄十四日，俞軍王師始由彭家渡渡河，與劉師在石腦圩取得連絡，再度協攻高安。

丙 武寧反攻戰（插圖第三）

二十八年三月，敵第六師團暨偽軍一部，衆號二萬，配屬飛機戰車各三十餘部，砲二十餘門，進窺武寧，掩護犯南昌之敵右側背安全，策應其主力作戰。先是敵踞龍腹渡亘箬溪，羅盤山迄大橋河之線，主力潛集箬溪附近。時我武寧守軍爲第三集團軍暨湘鄂贛邊區游擊總指揮所部，王陵基任集團軍總司令，樊崧甫任游擊總指揮，各轄兩軍，共四軍，夏首勛、韓全樸、李玉堂、彭位仁分任軍長，第一游擊司令孔荷寵部屬焉，統由王陵基指揮。以夏軍劉若弼師及吳守權旅握修河南岸三邊灘、亘上蘆邊、小長沙之線，李軍趙錫田、丁炳權及彭軍汪之斌、柳際明共四師，分防北岸上灘頭、棺材山，經張公林、眉山、亘橫路之線；韓軍陳良基、傅翼兩師守甫田橋、烟港街一帶，王陵基駐澧溪督師。


敵於二十日先向北岸彭軍猛撲，全軍奮起搏戰，相持竟日，柳師營長黎北正、何鉅生，先後率部往返肉搏，均以身殉，士卒犧牲尤巨，乃退守大腦尖、波田河、望人腦、亘加白老一線。敵亦傷亡枕藉，仍乘勢自上灘頭、津口等處強渡。南岸夏軍吳旅迎戰於

南昌高安一帶阻擊戰經過要圖

日四十月四至日五十二月三年八十二

插圖第二

500000



蔡家嶺天主腦西龍山黃土嶺之線。王集團迭奉薛上將電令固守武寧，先驅敵於江北，然後合力蹙之，再東進永修德安拊敵側背。當遵令嚴飭夏軍及樊部彭李兩軍亟協力反攻，以韓軍爲總預備隊趨武寧策應，阻敵西竄。

二十三日敵已在潭埠強渡，吳旅拒戰於羅坪不利，羅坪陷，慘遭焚掠。急東薄揚州，劉師遮擊之。時北岸大腦尖棺材山望人腦加白老一部被敵攻佔，王陵基乃進駐甫田橋督戰，士氣大振。汪師猛攻望人腦棺材山加白老等地克之，柳師與敵爭奪大腦尖，失而復得者凡四次，殛敵酋一人，營長周海南亦殉焉。

二十四日敵傾陸海空全力進犯，慘無人道，乘風縱毒。我將士於火網毒氛中縱橫衝殺，勞烈備臻，不可掩抑而以趙師犧牲爲最，參謀長沈澤民，團長賴傳湘均受重創，團附徐敏，營長龍鳳生，楊闔如殉國。全師戰後編整僅存兩營。汪師營長譚常悌亦於是役陣亡。至是北岸望人腦棺材山加白老等地復相繼失守，南昌楊州洞口亦告陷，劉師退守孫家埠。吳旅自棄羅坪，守台嶺。薛上將電令，依現勢應迂迴攻擊，切忌陣地對峙，並飭調韓軍赴正面作戰，李軍全部兼程東進。王集團當遵令重整陣壘，以韓

軍陳傅兩師分別接守柳師老鹿頭大併山及趙師加白老以西陳莊等陣地，汪師向加白老金雞山口敵相機突擊，丁師在大橋河附近與敵對峙，使彭韓兩軍分左右翼，併力向敵逆襲，李軍全部挺進德安，以搗敵後。

二十八日敵乘我換防未竟，突撲韓軍老鹿頭大併山金雞山之線，飛機翱翔空際，戰車突馳道左，壕上火網交織，以下毒氣瀰漫。我將士仍以血肉相持。鏖戰竟日。敵旋於公路左側一點，乘虛突破，我左翼傅師一部先潰，右翼陳師隨之靡。乃分道徒涉突圍，退握甫田橋，烟港街一帶，拒敵西竄。

敵自二十九日竄踞武寧，主力隨向西移轉犯湘北，僅以一部約二千分握武寧大橋河橫路舖金水舖辛潭舖等地，以維贛鄂幹線交通。我王集團暨樊總指揮部自武寧戰後，雖經收容編整，軍容漸肅，但裝備補充不易，工砲兵尤闕。爲策應南潯，粵漢兩線作戰，卽以夏軍屯楊家山，巨崖燕窩，韓軍屯北岸上坑，陳大均，陳家灣，梅子尖，大源洞，李軍趙師屯梅花坪，雞籠山，丁師續向大橋河一帶之敵攻擊。

四月十六日王集團奉薛上將電令急率部反攻武寧，以牽制西犯九嶺新墻之

敵。當卽策定進攻方案，以李軍趙師攻橫路大橋河，丁師攻辛潭鋪大畝市，韓軍陳師攻武寧以西七里山，傅師經新開嶺劉家山，攻武寧觀音閣，夏軍以一旅爲總預備隊，趨甫田橋待命，餘部經潭埠小長沙渡河，握何家邊盤龍港，向北岸敵襲擊，伺機破壞箬武公路，統限十八日全線出擊。王陵基進駐甫田橋指揮。時敵分踞南岸野豬崗虎山長崙上下坑，北岸毛狗山茶皮坳厚竹尖馬家山大窩裏，復以老鴉山蕭氏祠北大崗一帶爲警戒線，各要道及隘口悉破壞阻塞，圖固守。

十八日韓軍右翼陳師先攻略蕭氏祠，隨猛撲毛狗山茶皮坳，克之。敵退七里山，與我夾河互戰。左翼傅師向厚竹尖進襲，地爲東西向之連山，適於縱深配備。敵置有重機關槍十二挺，砲若干門，以火網鎖陣地，陣前復構成急峻斜面，如斷崖，攀登不易。幸我將士死力仰攻，前仆後繼，卒進佔天井窪及其南側高地。敵既受我瞰制，恐右翼包圍，急退馬家山，一部移大窩裏。同日南岸夏軍與敵激戰於楊崗野豬崗。敵不支，退踞長崙上，旋自鄧埠向我襲擊，不逞。時據報敵援未至，我決乘勝全綫向敵夜襲，藉免白晝敵砲空之威脅，冀一舉收復武寧。當令總預備隊警戒上坑煙港街梅子尖一帶，

韓軍傅師一部自厚竹尖，大窩裏向南側擊，陳師從正面進攻，夏軍分自間道直薄武寧。部署既定，即於深夜二時分途向敵突擊。傅師團長王剛毅旋親率敢死隊三百餘，逕撲七里山，敵狼狽應戰，先以步砲機槍掃射，繼以毒氣攻擊。王團長受重創，拂曉，敵砲擊愈烈，我猶力戰。至十九夜，韓軍以一部握獅子隘蕭氏祠西據點，主力集上坑陳大坵陳家灣梅子尖大源洞，左與趙師相呼應，徐圖出擊。夏軍分兵夾擊長崙上依柳山，握琵琶形，主力屯老洽洞高墩崗北迄江岸，與韓軍隔河守岸，互取聯絡。總預備隊亦於午夜移後坵山大坵嶺附近。二十日敵向韓軍尾擊，復竄踞毛狗山茶皮坵厚竹尖，分就各要隘及據點構築堅強工事。至是敵我於修江南北兩岸勢成對峙。我就各師編組挺進支隊，出沒敵後，從事游擊，中以夏軍張公渡挺進支隊能與當地民衆配合爲較得力。敵公路輸運及通訊聯絡，迭受威脅，頗不自安，益謀深溝高壘以固守。我以限於兵器，攻堅不易，相持兩月，武寧雖未克，而士氣彌盛。

丁 南昌高安反攻戰（插圖第四）


薛上將檢討各方情報，知南昌之敵主力，已轉用鄂中，僅約步兵一旅團，配屬其

武寧阻擊及反攻戰經過要圖

日十二月四至日十二月三年八十二

插圖第三

1
300000



圖例

	三月二十日至二十二日態勢
	三月二十三日至二十七日態勢
	三月二十八日至四月十七日態勢
	四月十八日至十九日態勢
	四月十九日夜至二十日態勢
	守備陣地

他特種部隊，佔領沈口棠溪鄒謝埠市蓮塘劍霞圩沙埠潭向塘西涼山天王渡新村圩市汶街合山李庄各要點，其步砲兵則分別位置於蓮塘上橫岡丁坊沙埠潭西涼山渡頭吳等處，利用未及破壞之公路，不時轉用，海軍則有小型砲艦十餘艘，汽艇百餘，沿鄱陽湖及贛江游弋，空軍兩中隊，常駐南昌，高安則有步兵約兩聯隊，奉新靖安安義約一師團，意在固守，無力進犯，我若適機攻襲，可操勝算，乃商同顧司令長官，令上官集團及高集團併歸前敵總司令羅卓英指揮。十九日，奉到最高統帥頒下攻略南昌計劃，「先以主力進攻南潯沿綫之敵，確實斷敵連絡，再一部直取南昌，並預定四月二十四日開始攻擊。」薛上將復策定攻擊要旨，規定各部任務，由羅總司令詳細規畫攻擊部署，當時上官集團，除由曾師主力守備湖防外，以劉柏兩師任現陣地之守備，以段朗如師附曾師便衣隊一團爲攻擊部隊，於二十五日前循撫河下游渡河，乘隙奇襲，攻佔南昌後，以主力固守贛江，一部協攻蓮塘，殲南昌以南地區之敵，以何蔣兩師爲進攻部隊，於二十三日對撫河贛江間敵正面施行攻擊，並避免攻堅，乘隙邁進，力求戰果。俞濟時軍以馮師自蓮花山，施師自高郵市渡河，分向大城攻

擊，以王師張漢鐸旅襲取血紅山向家山丁家埭俞家埭等陣地後，進出趙家莊山熊村之綫，相機攻略馬形山祥苻觀楊家坊趕車壠諸要點，另以一團攻擊高安城。高集團以安軍萬師集結南山何一帶，先攻佔大嶺陶仙嶺港南鄧之線，與俞軍確取連絡，待命向樂化以北南潯綫挺進，楊師佔領大禾嶺馬鞍嶺之線，策應集團軍主力作戰，孫軍劉師推進伍橋河以西，向奉新攻擊，魯師以主力自船下洲丁渡河，斷敵交通，對奉新靖安安義力圖牽制，劉多荃軍爲總預備隊，在俞軍後前進。

二十一日，高集團萬師長保邦，率所屬曾澤生楊洪元余達勛三團，集結於南山河，翌日，余團佔領大路王，巒岡嶺之線，進至大嶺陶仙嶺以東地區，卽以一部策應俞軍側擊緒婆大邱之敵，旋敵增援逆襲，仍相持於大路王古峯之線。楊團佔領里通山王，曾團克馬奇嶺沿溪李港南鄧，逕偪鴉鳩嶺山麓，與山巔敵步砲八百餘激戰，克鴉鳩嶺鳳皇山等陣地，敵急以步騎約二千，砲十餘門，大舉逆襲，並以一部威脅我左翼，乃退至港南鄧東北與敵對峙。時俞軍王耀武師，亦已策定攻略高安計劃，以所部分主攻佯攻，向高安城西北隅及西門附近，與困守沿城外圍各據點之敵激戰，一部向

北門姚村攻擊，敵利用毒氣及輕重火器頑抗，我僅以手榴彈直前肉搏，卒盡奪外圍各點，劉軍王鐵漢師復於劉家附近，集中迫擊砲向白馬林伍橋口猛烈射擊，旋以一部渡河，對敵佯攻，一度進至城東北隅，卽以奮勇隊六十名攀城，被敵阻止不果。二十三日，該兩軍主力，分向生米街牛行樂化南潯沿線及灘溪鎮挺進，一部克連城橋，俞軍張旅則先後攻略喻家埭向家山七星堆七里山血紅山等陣地，敵紛由大城增援，悉被擊退，至是高安城及姚村敵，陷入重圍。二十四日拂曉，由奉新方面增援步騎千餘，山砲六門，進至白石嶺趙家莊山一帶，先行砲擊我五里益喻家埭陣地，發彈千餘，半雜毒氣，繼以步騎突進，傾全力求一逞，以解城圍，激戰至深夜，我五里益守軍僅餘吳熙照營所部不及一連，仍死守，犧牲殆盡，而吳營長亦被圍於喻家埭，堅忍血戰，誓與陣地共存亡，因與衆約於陣前，高舉國旗，示敵以必死決心，戰將晡，我官兵遙相望，咸振奮狂呼，丁家埭守軍急南向側擊，敵潰，而喻家埭五里益之圍以解，陣地危而復安，我將士精神之壯烈，洵足稱道。旋敵復陷七星堆，疾趨向家山，經我痛擊，斃敵中隊長中島令次郎以下百餘人，進至十里亭趙家莊山之線，敵勢稍殺。高集團萬師亦於

是日全線總攻，復進至大路王巒岡嶺鴉鳩嶺鳳皇山迄麻下之線。

二十五日，段師長朗如渡撫河，以李邦華團爲右縱隊，王永樹黃惕齋兩團爲左縱隊，吳祖謨團佔領謝埠市，掩護師之攻擊，惟以渡河器材缺乏，迄翌日，王團始於胡子華渡河完畢，於站前吳錢溪章附近擊破敵於警戒部隊，乘虛長驅，續向西北前進，先後佔領謝埠市桐林舖佛頭塔，一部直薄新飛機場，敵百餘倉卒應戰。李團自羅舍渡渡河後，直逼棠溪鄒，吳團由武陽渡河，即佔領北渚口南鄧家義渡局之線，掩護師左側背，便衣隊亦同時在南昌市內應，於洪門橋東壇巷發生巷戰，全市騷動，戒備益嚴。時何蔣兩師仍與正面之敵相持於天王渡新村圩，未能如期攻進蓮塘，敵遂得乘間調集各據點兵力，向段師反撲，敵一路約百餘自蓮塘馳赴五段崗進攻桐林舖，一路由南昌以汽車輸敵約三百，藉蓮塘炮兵之掩護，增援新飛機場，敵以步砲空全力逆襲，益以不斷施放毒氣，我不得已，棄新飛機場，仍退守謝埠市桐林舖錢溪章棠墅港之線。

是日，俞軍圍攻姚村部隊，對敵猛攻，克姚村，敵潰入城，我奮勇隊續攻城垣，自西

城以雲梯攀登，遂克高安城，敵由東門潰退，經連城橋守軍截擊，斃敵無算。我復分向五里益楊家坊尾追，敵退據隴溪嶺茅柴山一帶，二十七日，我由側背迂迴，敵復狼狽退竄，祥符觀及其以北地區，我急以一部渡河進佔司公山，敵殘餘僅三百餘人。沿公路分向大城虬嶺潰退。時南昌方面，敵續調集千餘人，砲六門，向撫河各渡河點封鎖射擊，段師王吳兩團，與敵戰於桐林舖及南渚口楓樹下漆一帶，旋桐林舖復陷，乃退守土舖魏莊上尺坊南鄧家之線，而棠溪鄒之敵，亦增至四百餘，附砲二門，與該師李團激戰中。上官總司令急令劉師集結武陽渡之一旅，迅即渡河，歸段師長指揮，以厚兵力。迨二十八日，段師長仍率所屬一團，徘徊王村，未敢渡河，且突變更部署，以兵力約三營，編組奮勇隊，由桐林舖向南昌襲擊，親率主力分由蓮塘南北向青雲譜以南山地前進。二十九日，上官總司令，着仍遵迭令以主力逕攻南昌，並令何師以劉團乘雨夜亟從新村圩襲蓮塘，爲段師聲援，惟段師長以奮勇隊襲擊失利，已退守撫河東岸，乃親率所部約四營，繞抵合山李莊，適與何師劉團會合，而李團遂與該師主力失去聯繫，仍在棠溪鄒與敵相持，旋經廣陽橋趨紅門橋，距南昌市僅四公里，正擬乘虛

越鐵路，忽與敵遇，戰不利，且以師主力情況不明，折回瑤湖東岸待命。便衣隊連日在市內及近郊行動，一部潛渡贛江，破壞敵後交通，官兵先後傷亡二百餘人，正決勝負於頃刻之間，而段師長違令後退，致誤全局。最高統帥，電諭薛上將，着將段朗如撤職查辦，遣缺以副師長葉裳代理，並責何師長平，以全力攻克南昌，立功贖罪，薛上將復傳誡各將領，「偷生者未必生，怕死者終必死，與其死於法，何如死於戰」，語極沉痛，諸將領莫不自奮，願爲前驅。

二十九日，上官總司令電令何師長以小部牽制當面之敵，主力即會合柏師一部，限五月二日以前，攻克沙埠潭向塘，否則各師旅團長，一律嚴予處分，於是何師唐團，即繞至新村圩，協同柏師一部，向向塘攻擊，團長唐肅襄創指揮，士氣陡振，三十日午後，克向塘以西諸據點，劉團亦自合山李莊轉攻沙埠潭，五月一日於敵砲空威脅之下，佔領河北岸，敵六百餘，半被殲滅，殘部潰退南岸，敵倉庫醫院電台等，悉數焚毀。時奉新方面，萬師楊團擊潰里通山王，及源家邊陳土浮張諸據點之敵，楊宏光師攻克龍形山，劉正富師以全力分向五步城港口游松山余南歷余一帶猛攻，敵憑工事

頑抗，相與對峙，魯道源師李團渡遼河北岸，與陸團集結會埠，向萬家埠灘溪挺進中。

敵被我猛攻，迭受重創，自長江調集海軍陸戰隊數千馳援。上官總司令乃重整所部，再與攻擊，以葉裳師主力接替劉雨卿師撫河東岸守備，柏師主力任天王渡市汊街之線守備，何蔣兩師配屬柏師一部，續向沙埠潭西涼山一帶圍攻，軍長陳安寶親率劉曾兩師及葉師李團渡撫河向南昌挺進，企圖攻略南昌後，進出吳城涂家埠之線。而高集團萬師余團，亦於是日克胡莊古峯，曾團克社岡上廣福寺，進據鴉鳩嶺山腹，殘敵百餘退踞山巔，我數度仰攻，阻於毒氣及手榴彈，乃以一部對之封鎖，主力轉攻鳳凰山，克之，楊師佔領麻下竹山岡，向青嶺挺進。三日，上官總司令親赴李家渡督戰，陳軍長率葉師之預備隊一團於朱莊渡河，並令劉師於四日黃昏自武陽渡渡河，沿鐵路兩側前進，曾師自瑤湖以西集結，期於五日拂曉循紅門橋與劉師會攻南昌。惟以劉師周旅選定渡河點，幅寬流急，渡河器材不敷，至五日拂曉，僅渡過前衛一部，微明，又被敵機狂炸，被阻西岸，延至深夜始克全渡，與王旅失去聯系，王旅自熊家渡渡河後，仍向南昌前進，於拂曉前，一路襲入新飛機場，擊毀敵機三架，旋以該營楊

營長重傷殉國，攻勢頓挫，一路衝至汽車總站，一路進至東門外金盤路附近，與敵肉搏，敵步兵以戰車及砲空之掩護，頑強抵抗，至午，該部以主力情況不明，且輕裝進襲，官兵枵腹竟日，乃退集郊外整理。曾師及李團自拂曉渡瑤湖克沈口，午後，一部趨紅門橋，主力抵漢王廟，分向七里街紅門橋蕭家橋祖師殿之線攻擊，預伏城內之便衣隊，亦乘時內應，至六日晨，經紅門橋突破城防工事，敵旋增援頑抗，並以戰車衝擊，飛機掃射，我節節肉搏苦鬥，兵力僅餘一團，被迫退至廣陽橋大陸橋崗上羅之線，時劉師周旅，已通過蓮塘以南地區，進至沙窩章村天子廟一帶，與敵相持，敵由南昌沿公路派隊馳援，攻我側背，遂被截斷，主力擬俟黃昏後向黃溪店西北轉進，俾與王旅會合，再襲南昌，但敵機不斷低飛掃射，進退維谷，而上橫崗孤墻山及蓮塘之敵砲兵，亦均向我集中射擊，上諶店蓮塘之敵步兵，復乘機突進，陳軍長乃率部突圍，陳軍長安寶壯烈殉國，劉師長身負重傷，入夜，始分向蓮塘東北撤退，時敵已由南昌市新飛機場及謝埠市，大舉逆襲，我三面受敵，一面背水，劉師謝團長以次官兵又壯烈殉國者，不可數計。時，何師唐劉兩團，仍在劍霞圩及文昌宮蓮溪趙一帶，與敵激戰。柏師一部

攻克向塘及七里港，一部攻克廠下，譙天王渡西洛羅市汊街。七日，上官總司令以劉師主力已在蓮塘失利，乃分飭各部固守現地待命。十二日，奉令南昌攻擊停止，該集團軍仍歸入第三戰區序列。

先是，奉新方面之敵，於五日，復傾全力，四犯鴉鳩嶺古峯之線，我以敵砲兵過於優勢，無法增援，而守兵亦犧牲過大，乃退黃塘，旋以地形不適宜於固守，再轉移大路王莊上雲陽席黃塘源家邊陳之線及沿溪李涂家等據點。六日，該線陣地，改由楊宏光師接替守備，而以萬保邦師主力進出於黃埠岡儒里溫村天尖嶺奉新之線，待命向宋埠出擊，魯道源師李陸兩團，則已進至廟前街，與約四五百人之敵遭遇，遂將其壓迫於洋螺崖附近，敵復由靖安乾州增援約三百人，炮四門，向我反攻，被我盡數殲滅，俘其分隊長山田盛藏等，其中隊長隻身脫逃者，敵銜松浦，槍決之。七日，敵六百由奉新馳援，我奮起迎戰，敵仍不支，遂乘勝佔安義，以一部自左迂迴敵第一線，主力由正面夜襲，敵從夢中驚呼，狼狽竄仁首街，我續向杜家魏台山寺線敵主陣地猛攻，敵憑工事頑抗不下，我以一部對敵游擊，於乾州西鴨婆潭毀敵汽車一輛，斃其大隊長

金澤善治中佐。八日，敵復由乾州萬家埠以步騎數百，戰車十餘輛，砲數門，向我反攻，另敵步騎約五百，砲四門，自靖安赴援太子街，我沉着以應，斃敵無算，敵乃迂迴竹篙亭，威脅我左翼，會魯師長率部由蛟源馳援，迎頭痛擊，殲其大半，分向靖安潰竄。薛上將以該師奮勇殺敵，深爲嘉許，並勗其再接再厲。十日，乾州靖安敵約數百，再度進犯太子街，我以右翼被威脅，乃轉移毛家山，爲誘殲計，急以主力潛伏於兩翼竹林內，敵果向我弱點猛攻，進至項家附近，我突由兩翼包圍，敵知中伏，急向西南潰退，於黃村附近，殲敵百餘，並俘獲軍官一名。十二日，我游擊隊潛襲灘溪以北，燬安成橋，適敵汽車二十輛自南駛至，遇我伏兵邀擊，驚亂自相蹂躪。十四日，敵約二百餘，自黃村渡河，未半，我猝予襲擊，遂克黃村及其以西各據點，續向灘溪挺進，十五日，克灘溪。因奉南昌攻擊停止之令，該集團軍仍固守土浮張里通山王竹山岡白塔徐之線，對敵牽制，相繼出擊。

南高昌安反戰鬪經要圖

日五十月五至日一十二月四年八十二

插圖第四



- 敵據點**
- 五月五日至十五日態勢
 - 四月二十九至三十日態勢
 - 四月二十六至二十八日態勢
 - 四月二十一日至二十五日態勢
- 守備陣地**
- 五月五日至十五日態勢
 - 四月二十九至三十日態勢
 - 四月二十六至二十八日態勢
 - 四月二十一日至二十五日態勢

所得經驗教訓

一、敵一〇六師團被挫於金官橋後，其一〇一師團始向星子方面進犯，迨受挫於東西孤嶺攻勢頓挫後，再以第一〇六師團第二十七師團沿瑞武路西犯，似此逐次攻擊，實犯逐次使用兵力之大忌，作戰指導拙劣如此，宜其第一〇六師團被我殲滅。

二、敵第一〇六師團竄抵萬家嶺時，此處已形成作戰焦點，時間空間，較南潯線任何方面重要，我大膽抽調德星南潯瑞武三方面兵力，使用於萬家嶺地區，深合爭取主動出敵意表之原則，故萬家嶺殲滅戰，首在作戰指導之適切。

三、持久戰指導要領，在構築多線預備陣地，而尤在勿論如何時機，均得保轉移陣地之自由。德星公路之戰鬪，自星子至德安，長約三十公里，與敵一〇一師團苦戰兩月，節節防禦，步步抵抗，無尺寸之土不戰而棄，實得力於既設多線預備陣地，及守備部隊之堅忍沉着，保有陣地轉移之自由。

四、因交通破壞不澈底，故敵由永修渡修河後，得以戰車向安義奉新大城及萬家埠牛行一帶突進，威脅我軍側背，致有奉靖方面之混戰，可知交通破壞，乃制敵機械化部隊死命唯一要着，須以此役爲戒，而確實施行。

附敵情調查

甲 敵第一零一師團（齋藤部隊）概況

第一零一師團，師團長名伊東正喜，故該師團又名伊東部隊，係以第一師團後備役兵爲主而編成之師團，依據敵昭和十二年（民國二十六年）九月十日，下第一次動員令時出動，十月上旬開抵淞滬後，在第三第六等師團之後方，守備京滬杭地區，其一部曾渡江攻南通，北侵海安，昭和十三年六月中旬，復集結於上海，準備進攻武漢。七月中旬乃開始行動，八月中旬繼波田支隊及第一零六師團之後，侵入鄱陽湖，遂於八月二十日，在星子強行登陸。八月二十四日至九月十一日，該師團之一部，數度猛攻西孤山，傷亡慘重，無力繼向隘口攻擊，乃在陣地後從事修整，企圖恢復其戰力。二十六日復以一零一聯隊全力猛攻隘口，激戰至十月十一日，我始放棄隘口，該敵遂得與南潯方面之第一零六師團會合南犯，二十四日該師團主力強行渡河，進迫德安。二十七日敵以飛機大砲掩護，猛攻德安，至三十一日我軍轉移於修江

南岸，取戰略守勢，形成修水對陣。敵原任伊東師團長已於十一月二十六日離任，另調齋藤彌平太接替，惟該師團在南潯線戰役，傷亡極重，其本年一月間，除留一部担任第一線陣地警備外，主力逐漸集結九江附近整補，二月十七日敵下令攻擊南昌，該師團卽於是時陸續沿德星公路及南潯鐵路調回南潯沿線，德安永修間。三月十七日二十二時以一零一聯隊全力向我山下渡佯攻，十八日晨，繼以一零三聯隊之第一大隊協同一一六師團一二零聯隊之一部，及海軍陸戰隊，向吳城進犯，其主力協同一零六師團於二十日午後起由永修虬津間強渡修河，經我軍奮勇擊退。二十一日拂曉後飛機數十架，輪流轟炸，毒氣兼施，步砲兵利用煙幕，繼續強渡，於是全線展開血戰，我軍節節抵制，消耗敵之戰力，至二十八日晚，該敵先後到達牛行及其南端之贛江西岸，二十七日在山田砲兵掩護下，分由牛行以南及生米街附近強渡贛江，直攻南昌。二十八日我軍遂作戰略上之轉移。

乙 敵第一零六師團（松浦部隊）概況

以後備役爲主編成之一零六師團，師團長名松浦淳六郎，故該師團又名松浦

部隊，依昭和十三年（民國二十七年）五月十五日之第六次動員令，召集動員，因該師團駐地，係敵國南部之鹿兒島地方，與我江南之氣候略同，故動員未及一月，卽開始向東戰場輸送，六月中旬抵蕪湖，接替蕪湖巢縣地區之警備，六月二十三日首次參戰，進攻荻港，頗蒙損失，六月二十六日，敵波田支隊攻陷馬壩後，該師團奉令溯江西進，七月上旬，先後到達香口登陸，接替波田支隊在香口馬壩彭澤間之警備，七月二十四日，拂曉，該師團繼波田支隊之後，以主力作姑塘北之殷家胡莊登陸西進，其一部待二十五日，波田支隊突破鴉雀岌廖家坂之我陣地後，遂相繼在九江上下流江岸登陸，爾後專任南潯線正面之進犯，九月二十六日，該師團除留一二三聯隊担任南潯線正面馬廼嶺一帶警備外，主力西經馮家舖南下向萬家嶺方面轉進，十月二日，到達萬家嶺，當時被我發覺，急調集大軍向該敵圍擊，激戰數日夜，遂將其擊破，造成十月十日我軍之大捷，武漢會戰後，該師團先後進抵修水北岸箬溪附近地區，與我軍對峙於修河，本年一月間，主力退據瑞昌陽新間地區，從事整補，二月十七日敵下令攻擊南昌，該師團主力卽由陽新荻田橋出發，逐次向永修虬津間移動，其

司令部二十四日到達越山市，就攻擊準備位置。

三月二十日午後起，敵藉砲火毒氣飛機之掩護，全力強渡修河，我軍奮勇迎擊，激戰至二十一日上午，敵一一三聯隊長飯野賢十，於饅頭山被我軍擊斃，雙方傷亡均重，至二十七日其大部先後進抵牛行及贛江西岸，進犯南昌。


我軍四月反攻給該敵以重大打擊，據調查所得該師團之傷亡數，確在六千以上，敵軍部因此將該松浦師團長，於六月一日撤回日本，另調中井繼任，同時在安義到差現正忙於整補。

丙 南昌武寧轉移後敵情概要

敵攻略南昌武寧後，爲求南昌之確保，急圖攻佔外圍各據點，三月二十九日起，第一零一師團以一零一及一四九兩聯隊，由南昌向南逐次擴展至沙埠潭劍霞圩璜溪市新村圩市汊街之線，以一零三聯隊由西山萬壽宮向我高郵市以東錦江北岸地區壓迫，使與贛江東岸市汊街連成一線。同時，敵一零六師團，一四七及一二三兩聯隊，沿湘贛公路兩側地區，向高安西犯。四月一日，敵挾戰車三四十輛，砲十餘門，

在飛機掩護下，向我祥符觀一帶陣地猛攻，並混用催淚噴嚏性毒彈，一部攻我蓮花山，我官兵奮勇抗戰，斃敵五百餘，惟以當面地形不良，敵戰車隨地可活動，向我廣正面衝擊，激戰至二日晚，我軍逐次向錦河南岸及高安以西高地轉移陣地，八日我軍一度攻克高安城，旬日以來消耗敵之實力不少，遂成對峙狀態。當高安正面劇戰時，我左翼軍有力部隊利用山地，繞擊靖安安義灘溪一帶之敵，於是敵之側後感受威脅，四月十一日高安正面一零六師團之攻擊停頓。並將防務移交由南昌開來之一五七聯隊接替後，即開安義奉新一帶增防。又一零三聯隊之第三大隊及佐澤部隊，（隸屬不明）歸藤堂獨立第十四混成旅團長指揮，積極向我廬山游擊隊圍攻，激戰甚烈。四月十八日，我游擊隊退下廬山。斯時一一六師團之一部，將南潯沿線警備交由藤堂混成旅團接替後開九江以東沿江一帶武寧方面之敵第六師團，進佔武寧受挫後，亦逐漸他移，至此全正面之敵，漸入於守勢狀態。

上海图书馆藏书



A541 212 0019 6039B

